


حرب بحری اساسی

74-8

## حرب بحری اساسلری



ناقصی : ب. بحریه ضابطی

جریده بحریه ده تفرقه اوله رق باصلدقدن صوکره تکرار کتاب  
صورتنده بحریه مطبعه سنده طبع اولنشدر

# حرب بحری اساسلری

## برنجی باب

### مقدمه

حرب ، یکدیگری قوه مسلحه ایله زبون ایدرك غالبك ایسته دیکی شرائط صلحیه نی قبول ایتدیرمسنه منجر اولان ایکی ویادهای زیاده دولتك اختلافات و مجادلاتندن عبارتدر . حیوانلر ، قوشلر ، بوجگلر وحتى بالقلر سیله شدید و عجبول مجادله لرده بولنورلر .

اساسات منطقه یه کوره ترتیب و تنظیم ایدلمش پلانلر اوزرینه مستند دواملی برجدال ماهیتنده اولان حرب ، یالکز انسانلر طرفندن اجرا ایدیله بیلیر ؛ كرك بالفعل محاربه یه ، کرکسه استحضارات حریره تطبیق ایدلمه سیله مطفریتك امنیت دائره سنده استحصالنه خادم اوله سیله جك قواعد مثبته مجله سی اوله ماز .

یالکیز ، کرک استحضارات حربیه خصوصنده ، کرکسه بالفعل حربک سوق و اداره سنده جای تطبیق بولدینی صورتده بونلری اک ای احاطه ایدوب تطبیقاتنه اهتمام ایدن ملتک خصمنه قارشى غلبه سی احتمالاتی تزییده مدار بعض اساسات عمومیه موجوددر . اشبو اساسلرک مکملأ ادراک واحاطه سی ، دکزده اجرای حرب ایله مکلف برزمرء عسکریه ایچون برهدف ، برغایه تشکیل ایله ملیدر .

حربلر انسانله قزانیلیر . — ردونانما ، موفقیتلی برحرب اجرا اتمکدن بشقه رمقصدله تشکیل وادامه ایدیه مز ؛ دونانمای تشکیل ایدن وسائط حربیه — کمیلر وطویلر — هم متعدد ، هم ده مدھش بریکونه بالغ اوله بیلیر ؛ فقط نتیجه قطعیه ک استناد ابتدکی عنصر اساسی ، انسادر .

محتمل بردشمنک کمیلری ، طوللری عددینی صایه بیلیر وخط حربہ ادخال ایدیه بیله جکی مقداری حساب ایدیه بیلر سه کده قوماندانلرینک اهلیت وقابلتلرینی تعیین ایدمه یز .

حرب بحریده مکرراً ثابت اولمشدرکه حربہ قیام ایدن سفائنک قدرت فردیه لرنده کی مهمجه رفرق واختلافدن زیاده تعبیه ده مهارت ایشه یارار . برآلات حرب وضرب اولمق اعتباریله

برخط حرب سفینه سنک حجم و قدرتی ، رحده قدر ، طرز استعمالندن دها آز حائز اهمیت بولنور . بوقیلدن اولمق اوزره ، دونانمک روحی و معلومات حربیه سی دخی عوامل قطعیه جمله سندن معدوددر ؛ روس — ژاپون حرب زائلی باشلادیغی زمان ، ژاپونیاک آلتی زرهلیسی واردی . حربک دها ایلك دورم سنده بولردن ایکیسی تحت البحر طوریللرک اشتعالیه غرق ایدلمشدی . قروزر قوتی ایسه سکز زرهلی و رقاچده محافظه لی جنسندن عبارت بولمشدی . نسبتاً ضعیف اولان بوبله برقوت ، اور بش آی ظرفده اون سکز زرهلی ایله درت زرهلی واون بش محافظه لی قروزردن رقصنی باطیردی . متباقیسنی ده ضبط ایتدی . روسلردن ۸۰۰۰ کشتی تلف و مجروح اولمش ، ( ۶۰۰۰ ) ی ده اسیر دوشمشدی ؛ ژاپون ضایعاتی ایسه ، ( ۱۰۰۰ ) کشتی تجاوز ایتمه یوردی . تاریخ بحری ، ( محاربه لر . آدمله قزایلوب غائب ایدیلیر ، کمبلرله دکل ! ) سوزینک صحنه بوندن مؤثر و عبرت انکیز رمثال ارائه ایده من .

تعلیم و تربیه عسکریه و حربیه — آدمسز حرب اوله میه . جغندن آدم ، یالکیز عنصر اصلی اولمقله قالماز ، بلکه لابد و ضروری کورولور .

عصر دن عصره ، بر مرتبه تمدن دیکرینه کچاسه ده آدم ،  
 حد ذاتنده ینه او آدمدر . تمدن و ترقی ، معلومات مکتسبه سنی  
 تزید ایده بیلیر ؛ فقط ، جسارتده ، صبر و ثباتده ، تیقظ  
 و احتیاطده ، قدرت و مجالده و عناد و اصرارده و حشیر .  
 یوکسک برسویه مدنیه اکتساب ایدن لرله اساساً مساوی بولور لر .  
 خواص مذکورہ نك تعديل واکمالی مشکوکدر . یالکز  
 بولرک اصول استعمال و استخدا منک معلومات و ممارسات متزایده  
 اعانه سیله تعديل و اصلاح ایدیله سیله جکی معین و ثابتدر ؛ مسلک لرینک  
 اک جدی مسائلندن بری اوله رق بردونانما ضابطان و افرادی  
 قارشیلایان ، انجق بویله بر اصلاح کیفیتدر . تعلیم و تربیه عسکریه  
 و حربیه دیدیکمز کیفیتک اسباب حقیقیه سی ، بوفکرده مند مجدر .  
 دائره شمولنه تربیه حربیه بی ده ادخاله مساعد بولنان تعلیم و تربیه  
 عسکریه ، مجرد او امره کور کورینه اطاعت و انقیاددن عبارت  
 اولمایوب بلکه عینی زمانده مفید و مناسب بر تربیه مسلکیه نك  
 خطوات تکاملنی متفکرانه ادراک و احاطه و بوخطوه لره انقیاد  
 ایله اکتساب اولنان عملیات حربیه به متعلق معلومات علمیهدن  
 متشکلدر . حقیقی بر تعلیم و تربیه عسکریه به مظهر اولان بر قوت ،

او امره سرعتله اطاعت و انقياد كوسترن و پايديني ايشك ماهيتني بيلن رقوت ديمكدر .

وحشی حربنك ساده لكی — وحشیلر ، مدنیلركی حرب مجبوریتنده بولنور. حیات وحشتك ساده لكی سببيله بو حربلرده ، بسیط و ساده اولور . بوراده ، سلاحلر ، قبا ، طرفینده کی محاربیلر مقداری نسبة آذرر .

بونکله برابر ، وحشیلركده سوق الحیشی ، تعبیه سی واردر ؛ بونلر، لوازم حربیه لرینی صلح زمانلرنده احضار ایدر ؛ حرب ایتدکلی و یا حربیه اجبار اولندقلری زمان ، سفر پلانلری تنظیم ایدرلر. حیات وحشتك آلت قدمه لرنده کی آدمك اصول حربیسی ، كوچك مقباسده حرکاته محصور قالیر؛ تهذیب و تمدن وادیسنده اولدقجه برتکامل و ترقییه مظهر اولدقجه بویله بر آدمدن میدان محاربه لرینك صور اجراییه سی احتوا ایدر پلانلر بککنه مز ؛ ینه بویله بر آدم ، حربده غیر مأمول ایله صرف موضعی و منفرد باصقین تشبثاتی آراسنده کی فرقی ادراک ایده مز .

حرب متمدن بیوک بر عقل و ذکا ملعه سیدر — بزم سویه مدنیه مزده بولنان ملتلر آراسنده واقع اوله جق حرکات

حربه واسع وقاریشیق اولوب ملکات بشریه اوزرینه یک  
جدی مطالبده بولنور .

حیثیت ورفاهیت ملیه بوکبی مطالبک ایفا ایدلمسی خصوص-  
صنده کی موفقیاته وابسته در .

بویله بیوک او یونده قازانیله جق نتیجه ، بر قیمت واهمیت  
عظیمه یی حائز اولدیغندن او یونجیلرجه نو او یونک هر درلو  
مخصوصات و صفحاتی اکلامق مجبوری تی واردر . بوندن  
بشقه بویله براو یونک استناد ایتدیکی اساسلری اکلا یوب تصا-  
دبک تأثیرینی بر حد اصغری یه تنزیل ایده جک صورتده صفحات  
مختلفه سنده بواساسلری تطبیقه مقتدر اولمق لازم کلیر . بو ،  
ایکی کیشی ایله اوینسانه بیله جک براو یوندر . خصم موقعنده  
بولنانده ماهر ، ذکی براو یونجی اوله بیلیر . تهلکه دن اجتناب  
ایچون یکانه چاره ، او یونه کیرمه مکدر ؛ فقط مسئله ، حربه  
تعلق ایدنجه ، انسان ایسته میه رکده او یونه اجبار ایدیلیر . بو  
سببدن ، عقل و حکمت ده ، نتیجه قطعیه نك استحصالنه مأمور  
اولانلرک او یونی ائی اوینامسینی او کرمک وجوبنه دلالت ایلر .  
هر عقل او یوننده ، تصادفه هیچ برشی بر اقامغه چالیشما-  
لیذر . چونکه عنصر تصادف و طالع ، بر طرفه مساعد بولندی

کبی دیگر جهته ده تمایل ایده بیلیر . حرب ده ، بر عقل او یونیدر ؛  
وهر حربده دخی حرکت عاقلانه نك نتایج مثبتہ سی اك بارز  
اوصاف و شمائلله ظاهر اولور .

وسائط مادیہ — زمانمز ، بیوک مقیاسده مخاصمات بحریه نك  
نادراً وقوعی واشبو مخاصماتك سوق و اداره سی ایچون استعمال  
اولنه جق و سائط مادیه نك اعمال و تنظیمنده نامسبق بردقت  
و مهارت اظهاری ایله تمایز ایتشدر . بوحال ، بالخاصه بحری  
اساسات حربیه به متعلق معلومات اعطا ایتك خصوصنده اصول  
معقوله اتخاذی لزومنی بحجر قیلار .

بوکونك و سائط بحریه سی ، فکر بشرك اك علوی  
محصولاتی تمثیل ایتکله بونلرك حربده مؤثر بر صورده استعمال  
اولنه بیلمه لرینه مساعد اوله بر فکر حاصل ایدیله بیایر که طابا بو  
آلات جامده به بر عنصر حرب اولمق اعتباریله لایق اولدیغندن  
دها زیاده براهمیت اضافه ایدلمسسه میدان آچیلیر ؛ بویله بر فکر  
و تمایله قایلیمه نك نتیجه فعلیه سی ده ، و سائط بحریه ایله بو وسائطك  
مرکباتی تدقیق و تتبع کیفیتنی ، حربده عنصر انسانیدن دها مهم  
اوله رق کوستر مکدن عبارتدر ؛ بوده ، حد ذاتنده بیوک اولان  
قوة بحریه ضابطان و افرادینك تعلم و تربیه حربیه سی خصوصنی

بر طریق مستقیم اوزرنده تأمین ایتک مشکلاتی نزییده مدار  
اولور: چونکه بوصورنله آیریجده وسائط مادییه لایق اولمدینی بر  
درجه اهمیت و بر مک تمایله مجادله ایتک مسئله سی ده محدث ایتمش  
بولنور .

وسائط بحریه ، بیوک بر اهمیت حائز ایسه ده حرک موقیقله  
سوق و اداره سی ایچون یاسیله حق استحضار اتده . موقع حقیقی سی ده  
ویرمک ایجاب ایدر .

انسان ، بونک فاعلی و عاملی موقعنده در ؛ بوفاعلی محافظه  
ایتک ایچون ده اسانک وسائط مادییه ده مکنوز قابلیتلی ،  
قدرتنک حدودلری بیلمسی و بونلری ماهرانه و مدبرانه  
قوللائق اصوللری اوکرنسی ایجاب ایدر .

یالکز شوجهت اونوتولمالیدرکه ، هر حالده بو ، انسانلر  
طرفندن استعمال اولنه حق بر آلت ویا بر طاقم آلاتدن بشقه  
رشی دکدر . بر تعلیم و تربیه حرییه منظومه سننده وسائط مادییه  
ویریله جک موقعی تعیین ایدرکن اونک بویله نافع و مؤثر بر  
صورته استعمالی اساسی ناظم مقامنده بولونمالیدر .

رنجبرلک و دیوار جلیق خصوصنده اکتساب معرفت ایتدن  
بر آدمک کوزل بر معمار اولماسی قابلدر ؛ بونکله برابر بویله

بر آدمك ، طوغله لرله ، طاشلرله نه ياييله بيله جگنى بيلمسى ده  
اقتضا ايدر .

انسان ، جراحيء بيطري يي تدقيق ايتدن بينيجيله كده  
تمايز كوستره بيلير ؛ فقط ، ر آتلك نه ياييله جگنى ، بر آتدن نه لر  
بكله نمسى عبث اوله بيله جگنى بيلمدين بويله بر تمايز كسب ايتمك  
امكانسز اولور . اك ماهر جراخلر ، كندى آلتريري كنديلري  
يايمدقلى كچي يايىق اصولنى ده اوكرمز لر ومذكور آلترده كي  
قاربونك يوزده قاج نسبتنده بولنديغنى بيلمز لر . عيى شى . ماهر  
بر آوجى ايله بو آوجينك تفكنه ده قابل تطيقدر . بو كچي  
احوالك هر برنده لزومى حس اوانان كيفيت ، واسطهء اشتغال  
تشكيل ايدن آلائك استعمال واستخداميله الفت وانسيت  
اولغله برابر بونلرك صورت استعماللرينك متفكرانه تقدير  
ايدلمسندن عبارتدر .

حرب بحريده وسائط اشتغال ، كميلر ، طويلر ، طورپيدولر ،  
تحت البحر لر ايله بر دونانمايى تركيب ايدن بتون وسائط  
مختلفه دن عبارت بولنور ؛ بو وسائط مياننه ، لوازم و حوايج  
حريه ، حوضلر ، ترسانلر و دونانماك احتياج كوره بيله جكي  
سائر تسهيلات مهمه دنى ادخال اولنه بيلير .

حربك غايه‌سى ، دشمنى مغلوب ايدرك بوكا ، غالبك  
ايستديكى شرائط صلحيه‌نى قبول ايتديرمكدن عبارتدر . بو  
هدفه وصول ايجون ، ضابطان و افرادك فكرلرى ، مهارتلىرى ،  
الدرينه و يريلن آلات و وسائطك لايقيه استعماله توجيه اولنمق  
لازم كلير . فاعلك آله حاكم اولمى سبيله ، بوفكر و مهارتك  
اك مكمل بر صورتده سوق و توجيى نصل اوله بيله جكنى تفتيش  
و تدقيق ايتك ايلك احتياجدر .

تجربه و تاريخ رهبر اولماليدر — حربده كفایت ، صلح  
زمانلرنده كى استحضارات مناسبه محصوليدر ، مادام كه بو استحضارات  
صاغلام اساسله ايتنا ايدلك لازمدر ، اداره بحريه رأس كارنده  
بولان ذاتك وظيفه‌سى ده ، بونلرى كشف و تعين ايله مكدن  
هبارت قالير . حقيقت حالده ، بونى يابه بيلمك ايجون تعقيب ايديله جك  
يكانه خط حركت ، تجربه‌نى دليل و رهبر اتخاذ ايتمكه استحصال  
اولنه بيلير . استحضارات محاربانك هر هانكى بر نقطه‌سنى تعين  
و تقرير ايدركن ، ايستديكمز كى يا تجربه و يا منطقه ، يا خودده تاريخه  
ويا محاكات و مقايسات عقليه مراجعه ايتك امكانى واردر .  
منطق و محاكات عقليه ، تجربه و تاريخ اساسنه ايتنا ايتمه جك  
اولورسه ، طوفى برقراره منجر اوله‌ماز .

تاریخ بحری به عائد معلومات ، بر تعلیم و تربیه عسکریه  
و تشکیلات منظومه سی ترتیب و تنظیم ایتمکه مکلف بولنان  
اداره مأموریه ، بویه بر منظومه ی حرب زمانده ایشلمتمکه  
موظف اوله یله جک کیمسه لره الزمدر .

تاریخ ، به لره امتثال ، به لردن اجتناب ایدیه جکفی کوستره .  
تاریخک تلقیناتی تدقیق و تتبع ایدرکن ، یا کلش یوله  
صایم مق ایچون صوک درجه دقت ایتمک کرکدر . هر شیده  
اولدینی کبی ، کرک قدیم و کرکسه جدید تاریخ بحری  
تدقیقاتندن رفائده استحصالی مطلوب ایسه ، بولک کمال دقت  
واهتمامله تعقیبی اقتضا ایله .

استفاده املنده بولنانلرجه ، هر وقعه معینه نک اهمیت  
حقیقه سنی اکلامق و بویه روقعه نک بر حرکت محاربه نک  
موفقیت و یا عدم موفقیتنه بصل ونه درجه لره قدر مدخل و  
اشتراکی اولدینی تعیین ایتمک ایجاب ایدر . بویه لری ، وقوعات  
و حادثاتک لدنیانه نفوذ ایدوب بولنرک ، رحرک نتیجه قطعه  
بینه ، سفرك طرز جریاننه و بر محاربه نک عاقبتنه به مره به لره  
قدر اجرای تأثیر ایتمش بولندقلرینی کندی کندیلرینه قرار .  
لشدیرمالیدرلر .

حرب بحری مدققلری ، حق بونلردن اك متبحرلری  
 بيله تعبيه وياسوق الحیش خصوصاتنده يك آز بر معلومات ویره -  
 بیلرلر . بونلردن عقل و حکمت دائره سنده منتظر اولان  
 مزیت ، احوال ووقایعی کمال صحتله قید وتسجیل ايله مکدن  
 عبارتدر .

وظیفه لری حرب یایمقدن عبارت اولانلر ایچون ، احوال  
 و وقایعک بر افاده بسیطه سندن استخراج اولنان درس لری  
 موقع تطبیقه وضع ایتک وخصوصی هر هانکی بر رتیب سوق -  
 الحیشی نک ویا بر حرکت تعبویه نک قصور ویا کالنی تعیین وتقدير  
 ایلیه ییلمک الحجاب ایدر . بونی یایمغه اقتدار کسب ایتک ایچونده  
 حرب بحرینک اساسلرینه متعلق معلوماتله مجهز اولوق اقتضا  
 ایلر .

تاریخ بحری متوغللری - کندی کندیلرینه استدلالاته  
 بولنه ییلمک ملکه و ممارسه سفی اکتساب ایدرک تدقیق وتبعلر -  
 ندن ، خواجه لردن تلقینات اخذ ایتمکه اکتفا ایدن کیمسه لردن  
 ده ازیاده جلب منفعت ایدرلر . مقررات ، معلم لری طرفندن  
 کوستریلوب کندیلرینه ایضاح اولننجه یه قدر بکله مکه آلمش  
 اولان ضابطلر ، حربده ابراز اهلیت وکفایت ایده بيله جک

قوماندانلرك بر خاصه لازمه سی اولان سرعت و فعالیتدن محروم بولنش اولورلر .

بالعکس ، حرب بحرینک قیوداتی ایچندن اسباب ونتایجی کشف و تعیین ایدم بیلیمسی اوکرنش اولانلر ، لازم کلن عملیات و محاکات فکریه یه کلیاً یانجی اوله بیله جک مخاصماته تصادف و اشتراك ایتش بولونمازلر .

رد کز محاربه سنه اشتراك ایدنلره ، شویله بر صورت حرکتک خطا و یا شویله برینک صواب اولدیغنی ؛ بو حرکتک ، شو حرکته مرجح بولندیغنی ، هر هانکی بر حرکتک موفقیت و یا عدم موفقیتله نتیجه لنسی ، معین و خصوصی بر تشکیلات اخذ ایتک و یا اخذ ایتمکدن اجتناب ایله مکدن نشأت ایتدیکنی سویله بیله جک کیمسه تصور ایدیله مز .

بودرسلر ، دشمن آتشنک سرد و خشین منطقی ایله تقدیر ایدلمش اوله جقدر . حرب بحری نقطه نظریدن تبعات تاریخیه ده بولنورکن ، محیط و آلات نه اولورسه اولسون هر دورده عینی خطالر ، عینی فلاکتله سائق اولمش و عینی احتیاط و بصیرتله ، دائماً موجب موفقیت نتیجه لر ویرمش اولدیغنی حقیقتندن عبرت بین اولماق ممکن دکلدور . دکز حربلریله برابر قره حربلر .

ينك تاريخخيله ده انسيټ والفت ، پك زياده مفيد اوله جقدر .  
چونكه حقيقي اولمقدن زياده ظاهري بولنان مبايتلردن ،  
اختلافلردن صرف نظر ، اردولر ايله دونانملر آره سنده  
مشترك يالكز برسوق الحيش اولوب بونك بيوك اساسلري ،  
هم قره وهمده دكر حربلرينه قابل تطبيق بولنور .

قديم يونان — ايران حربلرينك حكايه سي ، بونقطه نظر  
پك اسكي دكلدر . روس — ژاپون حكايه حربيه ده ، بونده  
ضابطان وافرادي ، وظائف مودوعه لرينك ايفاسنه الويريشلي  
برحاله كتيره بيله جك درس لر بوله بيلديكمز تقديرده پك يكي تلقى  
اولنه ماز .

تاريخ بحريدن بعض ياكلش استدالات — بوكونه قدر تاريخ  
بحري مشهود ويا محرر وقايعدن ياكلش استدالاتده بولونيلديغنه  
دائر برچوق مثاللر ارئه ايدر .

( ۱ ) غربي اوروپا دولتلردن . بوكا اشتراك ايدنلر نقطه  
نظرندن قريم حرب ، بالفعل تك رقلعه نك محاصره سندن عبارتدر .  
قريمده وقوعه كلن بتون محاربات ، محاصرلرڪ سيواستوپوله  
مواصلتنى منع ايتمك ويا بونلرڪ محاصره بي رفع ايله دفع واستيصالى  
مقصديله يايامش ايدى . بواحواله اشتراك ايدنلردن ويا وقايع

حریه یه واقف اولانلردن برچوقلرینک نظر نده استحکامات  
واستحکامات اوزرینه واقع اوله جق مهاجمات پک بیوک راهمیت  
ا کتساب ایلدی . انکلتزده حربک حکمت جریانی بعضیلرنجه  
اودرجه یا ککش بر صورتده تفسیر ایلدی که انکلیز ایمپراطورلی  
طرفندن قبول اولنه جق بر منظومه تدافعه دایر خطا آلود  
بر فکر و تصور ، انکلیز سیاستنه سیله ادخال ایلدی .

بونلرک فکر نجه ، دنیانک اک سیوک بحریه و مستملکه  
دولتی مدافعه یه خادم اک ابی اصول ، ستون سواحلی ، عامل  
استحکاملرله تجهیز ایتمکدن عبارت ایدی ؛ بونلردن بر چوغی ،  
یا لک ز فائده سز دکل آیریجه ، حد ذاتنده یا ککش اساسلره استناداً  
تطبیق ایدیلان اصول مدافعه طولانیسیله ، انکلتزده سکوت  
بحریه سنده بیوک بر نقصان حاصل ایله مش بولندی ؛ بو اصولک  
نتایج سیئه سنی تلافی ایچون بالا خره اوزون زمانلره ، بیوک  
مصرفلره احتیاج کورلمشدی .

(۲) امریکا محاربات داخلیه سنده ، هر ایکی طرفده  
ثابت طور ییللره ، کوندور طور ییدولرینه مراجعت ایتمیشلردی .  
بونلردن اولکیسی ، حال حاضرکده مکمل طور ییللرینه  
مائل بولویوردی ؛ صکره کیسی ایسه ، بر فلکه نک ویا

بوطك باش طرفندن چيقان بر كوندر اوجنده طاشينان بر ماده  
افلاقيه ايله مملو محفظه دن عبارت اولوب ظلمتدن استفاده اندرك  
ويا شقه بر صورتده هجوم ايله رك دشمن كيسنك بورده سيله  
ماسه كتير ملكه اشتعال ايتديريله بيليردى .

بوايكي واسطه ايله رجوق كميلر باطيرلدى ويا رخنه دار  
ايدلدى ؛ بواصلولرك عموميتله قابل تطبيق اوله بيله جكي  
بودن استدلال ايدلدى ، هر مملكت ، احوال و شرائطده كي  
تخلفاتى نظر اعتباره آلمدن بولرك قبولنه شتاب ايتدى ؛  
رليمانى ثابت طور پيللرله مدافعه پلانى ، دوست كميلرى  
طيشارده راقمقدن شقه رفانده سى اوله ميه جق محللرده سيله  
استعمال اولنه جق درجه لرده عجولانه تقليد اولندى .

المان — فرانسز حرسنده ، رجوق آلمان سفائن تجاريره سى ،  
حقيقى ويا ساخته طور پيللار قورقوسيله كندى ليمانلرى خارچنده  
بكلركن ضبط اولمئشدى . حالبوكه ، ايستر محفوظ ،  
ايستر سه آچيق بولوسون ، بوكي ليمانلره هيچ بردشمن زره ايليسى  
دخوله قيام ايتمزدى . ديكر مملكتلر دخی ، بولرك ياللكز  
بعضى احوال و شرائط مخصوصه دائره سنده مؤثر بر اصول مدافعه  
اوله بيله جكنى ادراك ايدمه مك يوزندن بي لزوم مصارف

عظیمه به کیردیلر . بونلر ، حال حاضرده طائمش برس-الاح  
حرب اولوب انجق احتیاج وبصیرتله استعمال ایدلمه لری اقتضا  
ایلر .

(۳) هر مملکت ، محاربات داخله بك ختامندن یكرمی  
بش سنه صوكره سنه قدر كوندرد طور پیدوسنك استعمالنده  
مصر قالدی ؛ حالبوكه بوقیل سلاحله مجهز بولنان بوطلر،  
دها بیکلرجه متره . مسافه ده ایکن کندیلرینه قارشى مؤثر  
اوله بیله جك طویلرله مسلح بر حرب کیسنك بر قاج قدم داخله  
کیرمك مجبوریتنده ایدیلر .

بواصول . آیریمجه توسیع وتشمیل ایدلدى ؛ بیکلرجه  
متره مسافه دن مؤثر بر صورتده استعماله الویریشلی طویلر  
طاشیمق اوزره اعمال ایدیلن کیلر بیله ، بورده لرنده كوندرد  
طور پیدولر بله تجهیز ایدلمشدى ؛ حالبوكه بوقیل طور پیدولر،  
دشمنك اللى قدم قدر یقینه كلكله مؤثر اوله بیلیردى ؛ بونقدیرجه  
حرب کیسنك طویلرلى اسكات ایدلمه مش فرض ایدینیوردیمکدر؛  
چونكه اسكات ایدلمش اوله یدى ، بونی طور پیدولامه نك  
لزومی قالمازدی . فى الحقیقه ، طویلر صوصدیریله بیلمش  
اولسه یدى بیله ، بویله بر تشبته قیام ایدن کى بی دفعه ایچون

اسلحه خفیه آتشی کفایت ایدردی . کوندردی طور پیدوسی  
ترتیبک طویل مسلح برکمیدن بکله نن وظیفه ومقصد اصلی  
ایله توافق ایدمه جگنی اکلایه بیلمک ایچون اپی بر زمان  
چکمشدی .

(۴) محاربات داخلیه ، وقایع مشهوده دن یا کلهش استدلالا  
تک دیکر بر نمونه سنی دها کوستر .

شمال فیلوسی ، قارشیسندده مخاصم بر قوه بحریه کورمه مه -  
یوردی ؛ آرزمان ایچنده کیلرینک عددی یوزلره بالغ اولدینی  
حالدده ، جنوبیلره منسوب سفائن حریبه مقداری پک اهمیتسز .  
بر حالده ایدی . بوندن بشقه ، جنوبیلرک مهاجمات بحریه  
کشاده بر چوقه ساحل بطاریه لری واردی ؛ بوقیل هجوملره  
قیام ایدمه بیلمک ایچون ده آلچق بورده لی ( مونیتور ) =  
( تاروت سفینه سی ) اولدجه الویریشلی بولنوردی .

بو یله برکینک ، سفائن سائر مه قارشیه موافق بر صورنده  
قوللانیه بیلمسی ، انجق بعضی احوال و شرائط نادره و خصوصیه  
وابسته ایدی . بونک مؤثر اوله رق استعمالی حدودلری ،  
اکلاشیله مامشدی ؛ بناءً علیه ، آلچق بورده لی تاروت سفینه سنک  
شایان حیرت بر حرب کیسی اولدیغنه قناعت کتیر بلرک انکلترده

داخل اولق اوزره بتون دول بحریه دونامالربنه ادخال ایدلدی .  
محاربات داخلیه نك قسم بحریسی ، صرف ساحل ونهر  
محاربه لرینه مقصود در ؛ نادر آ کئی کئی به وقوعه کلن مصادماتك  
اکثریسی ، داخلی ویا قسماً قبالی صولرده اولمشدی . دوناماسنك  
بتون تجارتیه رغماً انکلتزه دخی ، بالخاصه بونوع خدمات ایچون  
تصور ایدیلان مراکبه صاحب اولق فکرینه دوشه رك نتیجه ده  
ساحل مدافعه سنه مخصوص رکئی قولکسیونی آلدی ایتمش  
بولندی .

امریقا جواهر متفقہ سی ، ر تجربه کامله دن صوکره یعنی  
اسپایا ایله اولان حربی متعاقب ، بوجنسدن الحق بورده لی  
درت کئی ده انشا ایتدیردی ؛ حالوکه بوحربده ، کرک  
بو سیستمده وکرکسه ر آ ز دها بوکسکجه سفائنك دکز  
حربنه الویریشلی اولمدینی بالتجربه ثابت اولمشدی .

(۵) لیساً محاربه سنده ، اوستریالیلرله ایتالیانلر آراسنده  
وقوعه کلن وقیصه سفرده ، ( ره دیتالیا ) زرهلیسی ، بورده -  
سندن مهموز لایوب ایکی دقیقه ظرفنده غرق ایدلمشدی .  
بویله بر وقعه منفرده ، مهموزه ، طویدن دها مهم بر موقع  
بحش اولنق والک بیوک سلاح بحری صورتنده تلقی ایدلمک

درجه لرنده سوؤ تفسیراته . یاكلش استدلالاته يول آچدی .  
معتدلانه ملاحظه ایدیلنجه ، بو موقع اهمیتك ، مهموزك  
دكرندن فضله اولدینی کوروله بیلدیکی حالدده بو ، سيوك رقيمتی  
حائز سلاح صورتنده الآن محافظه ایدلمکده ایدی ؛ اوتوز  
سنه بی متجاوز رمدتن بری پك مهم سفان حریبه صنفلرینه  
عائدلانلر، بونلرک آریجه بر مهموز سلاحیه تجهیزى لزوم مفروضی  
ایله اداره اولنمشدی .

الحق صوك برقاج سنه ظرفنده مهموز ، غریب بر صورتده  
اسلحه حریبه صره سنده کی اهمیتندن دوشدی ویالکز اسباب  
سائر طولا یسیله ظاهرأ اولسون محافظه سی تأمین ایدبله جك  
کی کورولمکده در .

محاربات بحریه وقوعات و حادثانندن استدلال ایدیلن یاكلش  
نتیجه لردن هر بری ، بر دلیل فکری تخری ایتک اوزره حکمت  
جریانى تعقیب ایتدکلى حرکات حریبه یه دائر مکمل و موثوق  
معلومات اکتساب ایده جك بر موقعده بولنان ملئر طرفندن  
اختیار اولنمشدی . بونلرک خطالری ، وقایع و حقایقه متعلق  
معلوماتك فقدانندن نشأت ایده مزدی ؛ چونکه بونوع معلوماته  
بالغاً مابلغ مالک بولونیورلردی . بو کیفیت ، قدرت فکریه

فقداسدن ده تولد ایده مزدی؛ چونکه، سیاست بحریه مصالحنده حکم و قرار اعطا ایده بیلک قدرت و صلاحیتی حائز بولنانلر، علی العموم مملکتلرینک خدمت بحریه سنده اک قابلیتلی ذواتدن اولوب مسسکدرنده دخی هر زمان ایچون بردرایت کافیه مالکدرلر. بونلر، نه اولوب بیتدیکنی بیلمدکلرندن طولانی یا کلس نتیجهلر استخراج ایتمش اولمازلر؛ بلکه تاریخ بحری ایله مألوف بولندقلرندن بر سفر و یا محاربه ده ظهوره کلن وقایع مختلفه نك اهمیت سبیه سنی تدقیق و تبیع ایشلرده صاحب ملکه اولماییشلرندن طولای بوکبی خطالره دوشیورلردی؛ اونلر، حرب بحرینک بوکبی وقایعنده مکنوز بولان اساسلی و تصادفی عواملیننی تمیز و تفریقدن عاجز بولونیورلردی. فکدرلری، همه حال، وسائط و آلاتک اهمیت فائده سنه صاپلانمش ایدی؛ حالبوکه تاریخ بحری درسلمری طوغریجه اکلامغه موفق اوله ماملری، کندیلری بویه ر فکر ناسته قارشى مقاومت ایچون لازم کلن وسائطدن محروم بولوندریورلردی.

بحریه ده ایکی مکتب فکری — امریقا محاربات داخلیه ـ سندن بری مرور ایدن قرق سنه ظرفنده افکار بحریه ایکی مجرایه انقسام ایتدی؛ بولردن بری تاریخه، دیگرى ده وسائط ماده به استناد ایدیورلردی.

برفكر مكبلرى، دليل ورهبر اوله رق بيوك قوماندانلرك  
دكزده وقرده تطبيق ايتيش بولندقلرى اصوللره مراجعت  
ايدىيور، تجربه يي رهبر اتخاذايله بولردى .

ديكر مسلكك منتسبلرى ايسه، ماضى درسلىرىنىك حال  
حاضره قابل تطبيق اوله بيله جكنى قبول ايتدكلرندن سوق الحيش  
و تعبيه تدقيقاتنه لاقيد قالمش، بتون قدرتلىرى و سائط  
ماديه — كبلر، طويلر، وسائره — نك مكملتنه تخصيص  
ايله مشلردى .

بو صوك مكتب فكرى، بك معتبر طوتولمش واحتمالكه  
حالاده طوتولمقده بولمشدر . حالبوكه ديكرى، مهاديا ترقى  
ايتمكدن خالى بولونمايور . مئين احوال و حقايقله ثابت  
اوله بيله ديكنه نظراً بوترقى، محق در . هر قدر وسائط ماديه،  
حرب بحريده بك مهم برعامل اوليق وبوموقعه لايق كورولمك  
لازم كليرسده اك مهم اوليق اوزره تاقى ايدلمه مك اقتضايلر .  
( ترافالغار ) محاربه سيله نتيجه لن يارم عصر ظرفنده بيوك  
بحريه دولتلىرىنه منسوب بحريه ضابطانى، سوق الحيش و تعبيه يي  
حركات فعليه ده كورمك و بيوك مقياسده برحربه بالفعل اشتراك  
ايدنلردن اوكرنمك فرصتلىرىنه مظهر بولونيورلردى . بوتترك

یشادقلری عصرده ، زمانمژك مخصوصات بارزه سندن اولان  
وسائط مادیه تکملات خارقه سی کبی شبلر یوقدی . بوسبیله  
بونلرجه ، حرب درس لرینی عا دنا تیز آلدن او کر نه بیلمکله برابر صرف  
مادی وسائطه اهمیت زائده بخش ایتمکه سائق اولان تمایلاته  
قارش ی محادله احتیاجی ده یوقدی . بو مسلك فکری به سالک  
اولانلر ، انکلتزه بحر یه سنده اولد یغی کبی ای ر مالز مه  
حربیه نک اهمیتنی استخفاف ایتمه مکله رار جسارت و مهارت کبی  
خواص بشریه نک لایق یله تقدیر قیمتی خصوص سنده دلائل عایدیه ابراز  
ایله مشلردر . ( دره یك ) دن ( نلسن ) ه قدر کچن تاریخ بحری  
دوره سنده ، انکلیز دونانماسنجه ، فائق بر مالز مه حربیه به مالکیتله  
فنا برسوق الحیدشک . فنا بر تعینه نک تلافی و اصلاح اید یله جکنه  
دائر بر اماره فکر وقناعت کور ومله مکده در ؛ بو کبی قیوداته ،  
جواهر متفقه امر یقانک ایلک زمانلرنده ده تصادف اید یله مز ؛  
نصل اید یله بیلیر که امر یقالیلر ، بو زمانلرده قیمتجه دون وسائط  
ایله ، اک پارلاق مظفر یستلرندن بر قاجنی قزانمشلردی .  
بوکا مماثل ویا بونک عینی اساسلری ، اسکندردن ناپولیون  
و ( نلسن ) ه قدر کلوب کچن بیوک قوماندانلرک اصوللرنده  
مندج کورور سهک بو حالی بر تصادف تلقی ایده مه یز . بیوک

قوماندانك موفقیتلری ، بو اساسلارك تطبیقاندی کی موافقت و مطابقت و عینی زمانده دخی وسائط مادهك اهمیتنی هیچ بر وجهله استخفاف ایتمه مکه عطف ایتمکه حقمن درکاردر . بوسبیدن ، حرب یامق مسلکری ایجاباتندن اولان ضابطانك ، یکر می ایکی عصردن بری موفقیتلی حربلر اجرا ایده بیلیمکه مساعد اولان اساسلره عائد معلومات عمیقہ ایله تحلیف نفس و فکر ایتملری الزمدر . انجق بواصول ایله ضابطان ، حربك اجراسنه واسطه اولان آلات و مالزمه حربیهك الك مؤثر بر صورتده استعمالنه اقتدار کسب ایتمش بولنه بیلیرلر . تجربه ، یکانه معیار حقیقتدر : حربك سوق و اداره سی اصولی ده بودستوره ابتنا ایدلمك اقتضا ایلر .

حرب باشلار باشلاماز ، اصل چاریشیلہ جق دشمن ، وسائط ماده ایله هجوم ویا مقاومتی مأمول بولنان دکل بلکه ، صلح واسایش زمانلرنده حاصل اولوب بسله نن اعتیادات و افکار ایله انسانك کندی نفسنده کیزلی صولتله کویسترن خصم جاندر . بومدهش دشمنی مغلوب ایتمک ایچون حربك نه اولدیغنی بیلیمك اقتضا ایدر ؛ صلح زمانلرنده بویله بر معرفت ، یالکز تاریخ حربی ، کمال دقت و مهارتله تبع ایتمکه ، بوندن استخراج

اولنان درسلى لايىقى وجهله تطبيق ابله مكله اکتساب اولنه بيلير.  
ا کر حربك سوق واداره سی خصوصنده بر لیاقت واهلیت  
کسب ایتمک ارزو ایدرسهك، شمدی به قدر حربده نه یاییلدیغنى  
وفصل یاییلدیغنى او کر نمه من لازم کلیر .



## ایکنجی باب

### سوق الحیش و تعیه

تعیه و سوق الحیش تعیرلرینک دالاتی : — اول امرده حربک سوق و اداره سنی اکلامق ایچون سوق الحیش و تعیه تعیرلرندن نه مراد ایدلدیکنی ادراک ایتمه مز ایجاب ایلر. بونلر، صنعت حربک تقسیمات اصلیه سنی کوستردر. بوتعیرلر، مقتدر محررین عسکریه طرفندن تعریف و توضیح ایدلمشسه ده، بتون شمولیه بونلرک دالاتلرینی ایضاح ایده بیله جک برتعریف جمل یوقدر. بونلردن برینک ساحه اشتغالی، بعضاً دیکریله تداخل ایدر و برخط فاصل ایچون ده عمومی برموافقت بولنه ماز. بوتعیرلره متعلق معاینک اشعارات مههمه سنه نظراً سوق الحیش، حربده محاربناک اجرا و استعمالی، تعیه ایسه، بالفعل محاربه ده قوتلرک استخدای صورتنده ظاهر اولور. سوق الحیش، میدان حربده وقوعه کلن هر شیئه شامل اولدینی حالده تعیه، محاربه ساحه سنده چارپیشمق صنعتندن عبارتدر. ینه سوق الحیش، محاربه یه سائق اولان اک انی اصوللری کوسترمکله برابر نره ده

ونه زمان محاربه ایتمک لازم کلدیکنی؛ تعبیه ایسه محاربه و مجادله  
هنگامنده مختلف سلاحلرک اک ای بر صورتده استعمالی  
اوکره تیر ونصل محاربه ایتمک لازم کله جگنی افاده ایدر .  
بوندن باشقه سوق الحیش، فنا بروضعیتده ایکن دشمنی مجادلهیه  
اجبار ایتمک صنعتندن و تعبیه دخی، تماسه کلیر کلز، قوتکیزک  
دها مؤثر بر صورتده دشمنه تقابلی تأمین ایده بیلیمک اوزره  
استعمال و ترتیب ایتمک معرفتندن عبارتدر .

بتون بوتعریفاته کی مهیمیت آشکاردر . بوتعیرلرک بالفعل  
افاده ایتدیکی معنا، اک ای اوله رق بهر بحثک احتوا ایده بیله -  
جکی اساسلری، حرکتلری و عمایه لری تدقیق و معاینه ایتمکه  
اکلاشیله بیلیر .

توکی خصوصانده معلومات بسیطه کفایت ایتمز . بونلر  
برضا بطک بتون حیات مسدکیه سی ائناسنده دوشونولوب تدقیق  
و تتبع اولونمغه دکر موضوعلر تشکیل ایدرلر .

هدف اصلی و پلان : — حربک لایق وجه اوزره سوق  
و اداره سنه بر هدف ایله بر پلانک لزومی ضروریدر . بوتعیرلردن  
ایکیسی ده معناجه واسع و شمولیدر . بر اصلی و احتمالکه برقاج  
دانه ده تالی هدف مقصود اوله بیلیر . بر پلانده ، بردن زیاده

حرکات متصورہ ہی احتوا ایدہ سیلیر . ہر شی ، ہدف اصلینک  
استحصالی امنیہ سنہ تابع بولونمالیدر .

اوافق پلانلر . اجزاسندن اولق لازم کلدیکی عمومی  
پلانک اجرا آئیہ غیر قابل تالیف اولمامالیدر .

مخاصات ، قوۂ قریبہ یہ کلدیکی زمان ، کرک ساحۂ وطنده  
وکرکسہ وطنک اجزای قریبہ وبعیدہ سندہ . مدافعۂ مملکت  
تدابیرینہ کرمی ویرلمک و تجارت بحریہ نک محفوظیتنے عائد  
وسائطہ توسل ایلہمک مجبوریث تحتندہ بولنور . مقاصد  
مذکورہ استحصالی اندہ بیلمہ نک اک انی یولی . دشمن  
دونانماسنی یا محو ایتکم ویاخود عاقل وعقیم برحالہ کرفتار  
ایلہمکدن عبارتدر .

بوکیفیت ، تجاوزی حرکتک ، دشمن قوای بحریہ سنی  
ہدف اصلی اتخاذا ایتہمک محسناتی کویسترر .

اگر دشمن ستون قوتی ، خصمنک ورودندن مقدم  
صاووشہ میہ جنی رنقطۂ معینہ دہ طویلامش بولنہ حق اولورسہ ،  
مناسب رقوتلہ اورایہ کیدوب مجادلہ یہ قیام ایتکم لازم کلیر .  
دشمنہ اوریلہ حق مدہش رضریہ ، ضمناً حربک قسم بحریسنہ  
ختام ویرمش اولور . فقط دشمنک بوقدر مساعد طاورانہ جفہ

انتظار ایدله ملیدر . اونك ده بره دف اصلیمی ، برپلانی  
اوله سیله جکی وونلر كده دشمن پلانلری آلت اوست ایتمكدن  
بشقه بر مقصدله یاسلمیه جنی درپیش ایدله لیدر . محاربیلردن  
بری ، بعضاً خصمنك قوجاغنه دوشر، و بوده بر مجادله ائناسنده  
بر طرفك اختیار و انتخاب ایتدیکی سوق الحیشك بعضاً فنا  
اولدیغنه دلالت ایدر .

حریده موقییت ، علی العاده ، ترتیبات سوق الحیشیه سی  
مکمل اولان طرفه توجه ایدر . بعضاً فقط نادر اوله رق  
ای تعیه جیلر ، فنا بر سوق الحیشی تضمین وتلافی ایده سیلر لر .  
مع مافیه ، بوکا کوکنمك کار عاقل دکلدر . كرك تعیه و کرکسه  
سوق الحیش امرنده صحیح وسالم بولنق هر حالده ده مناسب  
اولور .

دشمنك افکار وتصوراتی کشف ایتمك مهمدر : —  
سوق الحیش خصوصنده تأمین صحت ایده بیلمك ایچون حرکات  
حریه پلانلرنده ، دشمنك تصمیمات و افعاله مناسب ربای  
براقلمسی ایجاب ایلر . دشمنك نه یانماسی محتمل بولندیغنی ايله  
کندیملر كده یانق تصورنده بولندقلر مزی نظر دقته آلینجه  
بر سوق الحیش پلاننك بیوک بیوک قاریشقلر لی ، کوچلکاری

کوز اوکنه کلکه باشلار. کندی ایشی بیلن بردشمنک — هیچ اولمازسه اول امرده خصمه بویله برکال عطف اولونمالیدر — افعال حقیقیه سنی کیزله مک ایچون آلدن کلنی یاپه جنی و مخاصمه ایزی بللی ایتمه مکه چالیشه جنی دائرة امکاده در .

هدف و غایه یه قرار ویررکن، بونک استحصالی ایچون ده پلان تنظیم ایدرکن هر شیشی دشمن طرفندن کور مکه چالیشمق مناسب اولور . بونی هر درلو تفرعانه نظراً مکمللاً یاپه بیلیمک ممکن اوله مازسه ده مخاصماتک روش احواله متعلق دشمن نقطه نظرینه نه مرتبه یقین حاصل ایدیله یلیرسه ، خصمک اودرجه لرده احتمال موفقیتی سلب ایدلمش بولنور . ( نلس ) ک باشلیجه مخصوصاتندن بری ده ، رخصمک قیمتی لایقيله تقدیر ایده بیلیمک و بویله بردشمنک نه کبی برایش یاپه بیلیمسی مأمول بولندیغنی اولدن کشف و تعیین ایله مک قدرتندن عبارت ایدی .

حرب پلانسک ترتیب و تنظیمنده ، احوال و شرائط مخصوصه یی احتوا ایدمه یین اساس کتابلرله قونفرانس صالونلرنده درمیان ایدیلن دستورلره صیقی صیقی به باعلامه مک محذوری آشکاردر .

سوق الحیش برینک تقبی فائده لی اولور : — دکزده وقرده موفقیتی اجراآت حربیه نک استناد ایتدیکی اساسلر ،

یکدیگرینک عینی دکلسه ده بری برینه مشابه و مماثل اولدینی ایچون بر بحریه ضابطنه قره سوق الحیشنک تدقیق ده فائده دن خالی اوله ماز .

علی العموم قره سوق الحیشی ، ساحه حرکانی جهتیه دکر سوق الحیشندن ده محدود و مقصور بولنور . دکر سوق الحیشی ، بعضاً بتون بر بحر محیطی جولانگاه اتخاذ ایده بیلیر . بحری سفرلر ، طویله مسلح کمینک باشلیجه آلت حرب اولماسی سببیه حرکات حربیه نیک بیوک دکر ساحه سی داخلنده اجراسنی متضمن بولونمشدر .

کړك قره ده ، کرکسه دکرده هدف اصلی . دشمنک قوه مسلحه سیدر . قره ده یاپیله جق شی ، موفقیتلی هجوم ایله دشمن اردوسنی پریشان ایدوب شدتله تعقیبیه قیام اتمکدن عبارتدر . دکرده ایسه بویله بر معامله ، آنجق دونانمایه قارشی اختیار ایدیلیر .

بویله رهدف اصلی — یعنی دشمنک قوه اصلیه سی — دائماً مطمع نظر اولمالیدر . آقینلر و منفرد باصقین حرکانی ، باشلی باشنه موجب موفقیت اوله بیایر سه ده ، بولردن بر تأثیر ویا نتیجه قطعیه بکله مک عبث اولور ؛ بوقیل حرکترلله اصل حرب ایچون بر کون بیله قزاعق ممکن دکلدرد .

ر مملکتک سطوت عمومیه سی ، نوملکتک تحت تصرفنده  
بولان ستون منابع قوت و قدرتندن متشکل بولور: بوخصوصده .  
اک مهمی قوای عسکریه اولمق اوزره صنایع ، تجاری و مالی  
الح . قدرتلر موضوع بحث اولور . مادامکه حربک هدفی .  
قوای مختصمه نی مهزم و پریشان ایله مکدر . هیچ ربی اهل  
ایتمه رک بتون بوقوتلر اوزرینه تعرضده بولونمق هم منطقی  
وهمده معقول اولور . مع مافیه . بو . یالکز برشرط ایله  
ایفا اولنه یلیر : اوده : تخریب اولمق ایجاب ایدن قوت  
وسطوت حقیقیه ک بونلرک کلیتندن عبارت بولندیغنی  
ادراک و تقدیر ایده یلمکدر . رملک قوه مساحه سنی تخریب  
ایده یلمک — دکرده بویه برقوه مساحه ، منتظم ردو بامادر . —  
بویه رملک قوای عمومیه سنی کلیتیه محو و پریشان ایتمه ک اکسریع  
واک امین برچاره سیدر : چونکه آرتق غالبی منع و توقیف  
ایده جک واسطه قالمش دیمکدر . اساساً دشمن قوه اصایه سنی محو  
و پریشان ایتمک ، تاریخده شانلی اثرلر بر اقان بیوک دکر قو .  
مادانلرینکده اتباع ایتدکلری یکاه اساس حربدر .

دشمنی تخریب ایتمک ، خصمه ملاقی اوله رق بونی قوای  
فائده ایله مغلوبیه کرفتار ایله مک بوکبی ذوانک افکار و تصور .

اتنی تجسم وتمثل ایتدیرن بردستور مختصر، حقیقی بر فکر حرب ماهیتنده در .

یالکیز بویوک بر محاربه قزایلمقله اکتفا ایدلمه ملی ، بشقه جه ده ،  
مفرز قوتلرک و بولردن بالخاصه مهم اولانلرینک لزوم قطعی  
کورولمدکجه هزیمته معروض بولندیرلما مسنه عطف اهمیت  
ایدلمه لیدر .

هدف و غایه سیاسی : — مطلوب اولان ترتیبات عمومیه ،  
برجوق ملاحظات متباینه تحت تأثیرنده بولنان حربک جنس  
وماهیتنه وابسته در . بولر میاننده باشلیجه هدف سیاسی ، ذکره  
شایاندر . فرضا ، روس — ژاپون حربنده ژاپونیا . خصمنی  
یالکیز دکزده مغلوب ایتمکله اکتفا ایدرک روسلرک مانچوریدن  
سوروب چیقارلمسی لزوم سیاسیسنه تبعیت ایتمه مش بولنه یدی ،  
عمومی پلانده بام باشقه اولوردی .

تأثیرات سیاسیله ملاحظات سائرک ترتیبات اوزرینه  
اولان دخل و نفوذی نه اولورسه اولسون ، محاربه و مجادله نک  
نتیجه سی ، قطعی بر عامل حاکم موقعنده بولنور . بوسبیله ، قوه  
مسلحه نک تحشیدات و بوزعات سوق الحیشیه سی ، محاربه و مجادله .  
نک — بویه بر حالک وقوعی تقدیرنده — نتایج عمومیه سی

مساعد برحاله وضع ایده جک بر صورتده اولقی لازم کلیر .  
نتیجه قطعیته نک تقرر ایده جکی نقطه ده ، قدرت جریه جه تأمین  
فائزیت ده ضروریدر .

حرکات سوق الحیشه ، بالفعل اعلان مخاصماندن مقدم  
باشلایه بیلیر و باشلامالیدرده . بالضروره ، سفائن حربیه نک بر  
درجه یه قدر واسع بر تحشیدله مترافق بولنان سفر برلک ، حد  
ذاتنده بر حرکت سوق الحیشه دن عبارتدر . حرب ، تحقق  
ایدر و یا پک محتمل بر شکل کسب ایدر ایتمز ، حکومت ایچون  
اتخاذ اولنه حق الای حرکت ، قوه بحریه سنی سفر برحاله قویوب  
سفائنک الک مناسب مواقعده بولنوب بولندیغنه نظارت ایله مکدر .  
بوکی حرکات ، امور خصمانه دن معدود اوله ماز . بونکچونده  
داعی حرب بر شکاه کوروله مز . مع مافیه ، بوقبیل تدبیر لرله  
مخاصمات ، تعجیل و یا منع و تعطیل اولنه بیایر . الک جسور اولان ،  
حاضر اقلی بردشمندن زیاده حاضر لقسنر بر خصمه قارشى هجومه  
قالقیشیر ؛ هجوم و تعرض قصدنده بولنان طرفی توقیفه مساعد  
برشى و ارسه اوده : تجاوزینی قارشى لاق اوزره استحضارات  
فعليه اتخاذ ایدلایکنه دائر پیدا ایتدیکی قناعتدر . مادی و معنوی  
حاضر لقلر ، لابد و ضروریدر .

قوة بحريه نك عناصر ماديه سنی مؤثر و مفید بر صورتده استعمال و استخدام ایچون ایجاب ایدن تیقظ و اتباه ، حرب بحریده واسع اوله بیلیمسی مأمول بولان بتون ساحه مخصوصاته شامل برادرک و تصور محیط حاصل ایدلمسیله ده کوزل تأمین و تأسیس اولنور . هیج بروجه مهمنی اهمال ایتمه مک و مع مافیه تفرعاتک توضیح و تنظیمنده ده دوجار موانع اولماق اوزره بتون دارالحرکاتک نه اوله جغنه دائر بر تصویر فکری چیزمک ضروری کورولور . بویله بر تصویر ، بتون شرائط اصلیه متعلق صحیح بر فکر و بر مهلی ؛ تفصیلات و تفرعات دخی ، حرکات خصوصیه نك سوق و اداره سیله مکلف بولان مادونلرک رأی و اختیارلرینه ترك ایدلمش اولمالیدر .

مرکز حکومتده بولنق لازم کلن سوق الحیش متخصصی ، خطوط و شمائل اصلیه نك تعیین و تقدیرنده مهمیت و مشکوکیته میدان و برمه مک لازم کلدیکی کبی کندینی تفرعات و جزو یاتک جریاننده قایدیرماق اقتضا ایلر .

عمومی پلان ، بویله بر اداره سوق الحیشیه مرکزنده تنظیم و ترتیب ایدلمهلی ؛ قوة بحريه نك استعمال و استخدامنه متعلق تعلمات و اشعارات عمومیه دخی بورادن چیقمالیدر . عکس

تقدیرده ، اشتراك افعال و حرکاته انتظار ایدیه من . مستقل  
قوماندانلره حدود معینه داخلنده صلاحیت واسعه بخش ایدمك  
ایجاب ایدر . بریسنك یایمق تصورنده بولندینی برشیدن ممکن  
اوله سیلدیکی مرتبه لرده دیکرلری ده خبردار ایدمك کرکدر .

ای بر سوق الحیش پلانی چیزمه مك قولای برایش اولمدینی  
تجارب حربیه ایله مبتدر . بو خصوصده کی تجارب کوستریورکه  
بر طرف همان دائماً فنا بر پلان تنظیم و ترتیب ایتمش و بعضاً هر  
ایکی جهته دخی بویله بر نقصان مشاهده اولونمشد . بوندن  
باشقه ، اولجه اظهار ایدمش بولنان پارلاق بر کفایت حربیه .  
متعاقباً واقع اوله حق محاربنده ای سوق الحیش پلانلری قبول  
و انتخاب ایدیه جکنه دلیل وضمان تشکیل ایده من .

تاریخ حربده تدقیق و تتبع ایدمك ایجاب ایدر ؛ محاربات  
سالفه ایدیلن خطئیات یوزدن متولد هزیمتلر ، مظفیریتلر قدر  
دقت و اعتنایه مظهر ایدله لیدر .

مقصود و غایه نك وحدت و انفرادی ، مهم بر کیفیت در —  
دشمنك مقاصد و تصورات اصلیه سنی زیر و زبر ایتمه معطوف  
بولنان بر پلان تنظیمنده مشکلات اساسیه دن بشقه ، مقصود  
و غایه نك انفرادینی تأمین ایتمك کوچاکی ده وارددر . بولردن بعضیلری

يك قيصه دوشونجه محصولی و یا خود خود ایدیشانه اولمق اوزره  
یکدیگرینه مایلین و مخالف ر چوق مطالب و مدعیات میدان  
آلوب هیچ اولمازسه ، مملکتک بر قسم مطبوعانندن و سیاسیلردن  
حسن قبول و مظاهرت فعلیه کورور .

وقت وقت آلتان خبرلر ، پلایده مهم تبدلات اجراسنی ایجاب  
ایتدیره بیلیر و بعضاًده ضروری قیلار . دشمن بوویا شونقطهده می  
قارشیلایه جق ؟ دونانماک بر قسمی ، موضوع بحث اولان مقصد  
الجابیلر بر موقع مخصوصی محافظه و مدافعهیه سوق و توجیه ایدلمک  
مجبوریتی باش کوستره بیلیرمی ؟ طرزنده وارد خاطر اوله بیلر جک  
مشکل الحل سؤالار ، ماضیده اولدینی کبی استقبالده دخی میداه  
حقیقه مقدن خالی قالمایه جقدیر .

مستمراً نظر دقتده بولوندرلماسی ایجاب ایدن ر هدف  
مقصود ، دشمن سفائننی حربیه اجبار ایتک و بونی ده ممکن  
اوله سیلدیکی قدر خصمه غیر مساعد احوال و شرائط داخلنده  
وقوعه کتیر مکدن عبارتدر .

بونی اجرا ایده بیلیمک ایچون یالکیز دشمنک موقع و موضعی  
کشف و تحقیق ایله ایش بتمز ؛ بلکه آیریجه ده بوکار استلامدن اول  
هانکی نقطهده بولنه جنی ده کسدرلمک اقتضا ایله . بو خصوصده

الكز ياده استكشافاتك خدمت و معاومتنه كو كنيله سيلير . بو كيفيت ، هر نه قدر مناسب بر سر بستی حر كانه صاحب بردونانما قوماندانك صلاحيتي داخلنده ايسه ده ، بوييله مركز حكومتده بولنان مأمورين عأنده سنك اداره عموميه سي تحتنده اجرا ايدلك اقتضا ايلر .

مقصد سنر بر كشت و كذار ايله اك قابليت سنر بر خصمك بيله مشغول اوله جني تصور ايديله مز . دشمن فيلوسی هر هانكي بر نقطه به كیده جك اولور سه ، هر حالده بورا به بر سبب كافي تحتنده كيتديكي تأمل اولونما ليدر . احتمال كه بوضورتله بر خطا ارتكاب ايتديكي كورولور و كندی سنك مهم بر نقطه ده بولنامسی ، بك زیاده ارزو ایدیل بر یرده تبه له مك ایچون هوس وفرصت و یرر كبی اولور سه ده ، علی العموم دشمن طرفندن یاپیلان خطا لرك كندی كزه الكز ياده موجب فوائد اوله بیل مسی ایچون ، قوه اصلیه سنه ضربه آتمق و بولون مسی مأمول اولان موقعده یاقه لایه ورق محاربه به اجبار ايله مك لازم كلیر .

دشمن مغلوب ایديله جك اولور سه ، حرك اجرا آت ونتایجی ايله علاقه دار بر چوق شیلرك ایفا ایديله بیل مسنه مقتدر اوله بيله جكمز ظاهر اولور . حال بو كه بز مغلوب دوشه جك اولور . سهق ، دشمنك بز دن دها قوتلی اولدینی ، حریده بالفعل ثابت

اولدوقدن صوکره ، اولجه بعض اوفق تفک تالی موفقیتلر استحصا-  
لنک بزه موجب منافع اوله میه جنی تحقق ایلر .

حرب ، محاربه ایله نتیجه قطعییه واصل اولور . — ملتیر  
حربه قیام ایدنجه نتیجه قطعییه ، قوای مسلحه ک محاربه ده  
یکدیگر یله چاریشمه سیله تحقق ایلر . حربک هدف مقصودی  
استحصال ایچون ، علی العموم برویا دها زیاده دکز ساحه لرینک  
قونظرول ایدلسی ایجاب ایلر . بر طرف ، محادله یه ارزو کش  
اولوبده دیگر جهت بوندن روگردان اوله جق اولورسه ، بوضوکره کی  
یا بر لیانه التجا ایتله ی ویاخود بشقه بر ساحه یه استقال ایله ملیدر .  
چونکه هر ایکسی ده عینی صولرده محاربه ایتدن کزه مزلر .  
قوتلر ، نه قدر بیوک اولور ، بوقوتلره جولانکاه اولان صولردخی  
نه مرتبه محدود بولنه جق اولورسه ، محاربه دن اجتناب خصوصی ،  
اودرجه لرده مشکل اولور . بو حال ، اوقدر کثرتله واقع اولورکه  
متعارفه صورتنده تلقی ایدیله بیلیر .

معین بر ساحه بحرده حاکمیت مطلوبه یا قوه مختصمه یه ملاقی  
اولوب تهله مکله ویاخودده دشمن قوتی بویله بر ساحه دن دفع  
وتبعید ایله مکله استحصا اولنه بیله جکندن اول امرده قوتک  
بر ساحه دن دیگرینه نقلی خصوصنی اداره ایدن ، ثانیآده بونلرک

معین بر دارالحرکاتده استعمالنه سائق وسبب اولان اساسلری دریش ملاحظه ایتمه من ایجاب ایلر . برنجی صورتده ، مقصود و غایه ، خصوصی و معین بر ساحه داخلنده فائق بر قدرت حربیه به مالکیتدن عبارتدر . بوا یسه ، اورایه یا طوغری بدن طوغری به بر قوت کوندر مکه و یا خودده دشمنی ، ساحه مذکورده ده بولنان قوتنه امداد کوندر مکدن منع ایتک و یا خصمک بوراده بولنان قوتی انقسامه اوغری اتقی مقصدیله بالواسطه باشقه بر نقطه نی تهدید ایله مکه ممکن اوله بیلیر .

سرعت فائقه ، سوق الحیش نقطه نظرندن بر عامل مؤثر در . — هر ایکی اصول ، بر چوق حربلرده قوللانیلمش و بولردن هانکیسی قوللانیلیرسه ، طرف مقابلک بونی اخلال و یاسکته . دار ایتک ایچون تدبیر و ترتیب اتخاذا ایتمی ضروری کورو . لمشددر . زره به کیدیله جکی نه وقت حرکت ایدیله جکی ، نه زمان مواصلت اولنه جفی — تعبیر دیکرله هانکی سرعتده یوله دوام ایدیله بیله جکی خصوصلری ، در عقب مسائل مهمه شکلنده ظاهر اولور . بولردن اک مهمی اولان نقطه وصول ایله حرکت و عزیمت قرار ی . عوامل ناظمه مشابه سنده در . بولر ، عمومی پلانه ، دشمن حرکاتنه متعلق معلومات صحیح به ، خصمک هدف غایه سیله

تصمیماتنک طوغری اوله رق تعیین و تقدیر ایدلمسنه ور درجه یه  
 قدرده بالفعل سفائنک سرعت حقیقیه سنه وابسته بولنور .  
 بویله بر فکر و نظر ، تاریخکده قوه تأییدیه سنه استناد ایدر  
 بو خصوصده اک معروف بر وقعه ، ( نلسن ) ک آنتیللره طوغری  
 ( ویلله نوو ) ی تعقیبه قیام ایتسیدر . بوراده هر ایکی دونانما ،  
 همان همان عینی مسافه یی قطع ایتمش وانکیزلر اساساً کیجیلکده کی  
 مهارت سببیله بر درجه یه قدر سرعت فائقه یه مظهر بولونمشلردی ؛  
 فقط بو وبوندن بر قاچ دفعه بیوک بر فائیت . ( نلسن ) ک  
 معلومات بکله مکده غائب ایتدیکی یکرمی بر کونلک بر تأخر  
 و توقف ایله اضاعه ایدیله بیلردی . غریب هند آطه لرنده  
 یا کلش معلومات آلمسی و ( ویلله نوو ) ک آوروپایه بالتکرار  
 عودتنده توجه ایده جکی نقطه وصولک لایقیله کسیدریله مه مسی  
 حسبیله ( نلسن ) ک مهمجه بر فرق سرعتدن نه مرتبه آزر  
 شی بکلیه بیامک مجبوریتنده بولندیغنی کوستیر .

حریده بردشمنک حرکاننه عأدهم ایرکن وهمده صحیح  
 معلومات اخذ ایتک نادر الوقعدر . حرکتکزی محق کوستره جک  
 مرتبه لرده کوکسبیله بیله جک معلومات و حوادث اخذنده بر قاچ

ساعتلك تأخر ، قابل استحصال اوله بیلن سرعتلردن پك فضله  
بر سرعتی بيله هیچه تنزیل ایدر .

سرعت عالیه و سرعت سیرییه — ایچنده بولوندیغمز بخار  
دورنده سرعت اعظمیه ، بر سیر وسفرک اجرا اولنه بيله جکی بر  
سرعتیه معیار اوله ماز . مواد احتراقیهك سیر وسفر احتیاجاتنه  
کفایت ایده یلمسی لزومی طولاییسيله تصرف اوزره استعمال  
ایدلمسی ایله برابر دشمنله تماسه کک احتماله نظر آده بر مقدار  
احتیاطده بولولدیرمق ضرورتی ، دهادون بر سرعتی استلزام  
ایلر .

مؤخرأ چوشیا محاربیه سنده محو و مضمحل اولان روسیهك  
بالطق فیلوسی ، طنجه دن امید برونه قدر ۵۱۰۰ میل سورن  
مسافه بحریه یی ۴۴ کونده قطع ایلشیدی . بوده ، کونده ۱۱۶  
میل اندر که اسکی زمانلرک یاکسنلی سفائنك سیر وسفر سرعتلردن  
براز فضله جه بر کمیت دیمکدر .

قونك بوقیل قلیات و سیاحتنده قدرت حربیهك صابه  
صاغلام منزل مقصوده وصولی کیفیتی ، سریع بر سیر وسفر اجرا  
ایتمک لزومی قدر مهمدر . بوده هیج بر کمینک کری قالماسنی  
متضمن و بناءً علیه الك بطی کمینک سرعتی ، فیلوسرعتی اتخاذ  
ایدلمک معقول و ضروری اولور .

سرعت و شرائط ساثره - دشمنك ، منع ايتمك ايستيه جككز  
 هر هانكي خصوصي بر تشبثنه و بالفرض قره يه عسكرا اخراجا تي  
 ستر و حمايه ، دكز آشيري سوقياني تأمين و يا بر موقع معين  
 اوزرينه تعرض كبي حر كاته قيام ابتديكنه متعلق بر خبر آلد يگنز  
 واقع اوله بيابر . بونك ايچون ، وقت و زمانيله بر موقع مناسبه  
 واصل اولوب تشبثات خصمانه نك وقوعه كتير لمه سنه و يا هيچ  
 اولماز سه . اكمال ايديله بيلمه سنه ممانعت ايتمك اوزره آل كز دن  
 كلني يا پما كز ايجاب ايلر . بو ، هم سزك ، هم ده دشمنك زك ، بيله  
 بيله بر نقطه سوق الحيشيه يه ايلك اول واصل اولمغه چاليشد -  
 يگنز بر حال تشكيل ايده بيابر . سز ، همه حال بورايه كيده -  
 جكسه كز . وصول كز ده تصميمات خصمانه ني جبراً زير و زير  
 ايده بيلمك اوزره سطوت و قوته مالكيه تگز اقتضا ايلر : يعنى  
 سز ، بوراده دشمن دن ده قوتلى بولونما ليسكز .

حالبوكه ، نره ده بولتور سه بولون سون ، دشمنك بويله بر نقطه به ،  
 سزك و رود كز دن اقدام كله رك ايشنى يتيروب صاووشه بيلمه سنه و يا بو  
 ايشى يتير دك دن صوكره هر درلو مشكلات دن ازاده بولونه رق سز كله  
 محاربه يه كيريشمكه آماده بولنه بيلمه سنه مساعد اوله جق بروقت  
 وفر صتده وصوله قيام ايده جكي ده ماحوظ در . بون يابه بيلمكه

قدرت ، بر جوق شرائطه وابسته بولنور که سرعت نسبيه .  
بوشرائطدن انحق بری تشکیل ایده بیلیر .

اونکه سزك قطع ایده جکسکز متناظر مسافه لر ، سرعتجه  
مهم بر فرق بیله هیچ منزله سنه ایندیره جک مرتبه لرده مختلف  
اوله بیلیر .

سز ، طوغریدن طوغری به خصمانه و یا غیر خصمانه و فقط ضروری  
بر تشبیه بولنوبده بونی ترك ایده میه جک و یا خود سرعتکز نه  
اولورسه اولسون هدف مقصود یکزه وقت وزمانیله واصل  
اوله بیامه کزه مساعد اوله جق قدر ایرکن اکمال ایلیمیه جکسکزده  
واقع اوله بیلیر . دشمن ، حرکاتی کیزله مک ، سزی آلداتمی  
اوزره هر درلو غیرت و مساعدیه بولنور . هر حالده ، موضوع  
بحث ایدیلان رحال ایچون دشمن ، حرکات مصممه سی ساحه سندن  
سزك اک اوزاق بر موقعده بولندیغکز زمانی قوللار و یا سزك  
طرف کزدن ، کندی تشبیهاتی سکتهدار ایتک اوزره واقع  
اوله جق حرکاتک ، در عقب اجرا ایدیلیمیه جکی پک مشغول  
زمانلر کزی بولور و بیله مساعد رزمان و فرصتده امانی تعقیب ایلر .  
قوة حربیه ، مهم بر عاملدر — ایکنجی حال و احتمالده  
ایسه ، ساحه معلومه به بر قوة حربیه ایله واصل اولنجه دشمنک

بورالرده بولنان قوتی محوایتک ، احاطه ايله مك ويا بوساحه دن  
 دفع وتبعيد ايدوب جوار دكزه حاكم بولونمق يعنى كندى  
 كيلرينه سربست راقق ، ديكرك كيلره قيامق ايجاب ايلر .  
 ايكي هر طرف عزم قطعى ايله حركت ايدرك خط حرب  
 سفينه لرني جمع وتخشیده اجبار ايديله جك اولوبده مركزی  
 نقطه سوق الحیشه به طوغری جلب وجذب اولندقلری تقدیرده ،  
 عامل مهم ، سرعت دكل ، بلکه قدرت حریبه اولور .  
 واصل اولدینی زمان قوه مطلوبه بی حائز اولیه جق اولورسه ،  
 زورله دشمن مقاصدنی آلت اوست ایتك اوزره هر هانگی  
 برموقعه دونانما کوندرمه نك پك آز فائده سی کوروله بیلیر .  
 آمیرال ( غره یوس ) ، ( چه زاپیک ) لیاننك مدخانده بولنان  
 فرانسر دونانماسنه هجوم ایدوب دفع وتبعيد ایتدکدن صوکره  
 ( قورن والیس ) ی قورنارمق ایچون کوندرلمشدی ؛ مذکور آمیرال ،  
 وقت وزمانیله واصل اولدینی حالده معیتنده پك آز بر قوه حریبه  
 واردی . ( غره یوس ) ك وروددن صوکره سنه قدر ( قورن  
 والیس ) ك عرض تسلیمیت ایتدیکنه باقیایرسه ، قوه کافیه  
 کتیرمش بولنسه یدی بیله ( غره یوس ) ك زمان مواصاتی ، حدود  
 واسعه داخنده ، پك آز شایان اهمیت کورولوردی .

دها یقین زمانلرده ، ( توغو ) ایله ( روجستوه نسکی ) نك  
ژاپون دکنزنده طویل قوتلرله یکدیگرینه تقرب ایدوب حرکات  
بریه ایچون ضروری اولان و حربك عامل قطعینی تشکیل  
ایدن حاکمیت بحریه ایچون مجادله به کیریش سدیکنی کوردك .  
روس آمرالنك موقعی ، ( غره یوس ) ك كنك همان همان عینی  
ایدی ؛ بونك ده زمان وصولی ، دونانماسنك قدرت حربیه سیله  
کندی مهارت تعبیویه سندن دها آز اهمیتته شایان ایدی .

اوزون رزمان محاربه دن توقی ایدیله مز — بخار ایله تلسر  
تلغراف ، هرایکی طرفك ساحه حرکاتی توسیع ایتمش بولوندینی  
حالده ضعیف طرفه منسوب سفائنك سرعتجه متصور اوله ییلن  
فائقیقی ، تلاقیقی تأخیر ایتمکدن غیر برشیئه مدار اوله ماز .  
مجره کوستررکه ایرکیچ یاغیر مأمول بر حال ویا نقصان سرعت  
بوفائده نی اخلال وسکته دار ایلر . فیلو ، نه مرتبه جسیم اولورسه ،  
سرعتك نقصانی احتمالی اودرجه سیور . کیلر زور لاندینی زمان  
سرعتجه فائقیتك کوکینله مز برماهیتمده بولندینی و خدمت  
موظفه جهتیله ولفظاً عینی اولان سفائن سرعتلری یئننده بیله  
فرق عظیم اولدینی هرکسك بیلدیکی برکیفیتدر .

ای بر موضع ، سرعتدن دها مهم در . بویه بر موضع ،

سرعتہ ترتب ایدن فوائد سوق الجیشیہ نك حصولہ خدمت ایدر .  
 روس آمیرالی ( روجستونسکی ) نك ( ولادیووستوق )  
 لیمانہ واصل اولہ بیلیمك ایچون ایستدیکی برطریق اختیار  
 واتخاب ایتسی وحتی معیتندہ کی دونانما نك دہ ژاپونلردن دہا  
 سریع السیر اولماسی تقدیرندہ بیلہ ، ( توغو ) نك ( مازامپو ) دہ  
 طوتدینی موضع اعتباریلہ روسلرک یولنی کسمکہ پك مساعد  
 بر موقعدہ بولونماسی آمیرال ماہانك فکرنجہ بوکا بر مثال تشکیل  
 ایلر . سرعت فائقہ ، حربدہ سائق موفقیّت اولان عوامل  
 متعدّدہ نك یالکیز برینی تشکیل ایدر . استحصال ایدیان سرعت  
 فائقہ نك کرک قدرت حربیہ ، کرکسہ مستقر قوۂ حربیہ جہ  
 ایدیله جک فدا کارلقلرہ دکیمہ جکی جمهور متخصصین نزدندہ  
 متفق علیہدر .

سرعت فائقہ مالک اولان طرفک ، محاربہ یہ قیام ایتسی  
 تقدیرندہ — بر قوماندان ، معیتندہ بولنان قوتک کفایت حربیہ  
 سنہ اعتماد ایدہ جک اولورسہ ، بولک سرعت حرکتی ، نظرندہ  
 اودرجہ حائز اهمیت اولماز .

بویله بردونانما ، سرعت فائقہ یہ مظهر اولوبدہ محاربہ یہ دہ قیام  
 ایتک ایستدیکی صورتدہ یا قاچہ مدد دشمن اوزربنہ چوالانیر

ویا خودده انشای فرارده یاقالار . مذکور آمیرال ، فراره قیام ایدن طرفه قارشی سرعتجه ایکی مثلی بر فائقیت تأمین ایتمش اولسه ییله ، قاجانک وقت وزمانیله معلومات اخذایده بیلمسی تقدیرنده ، بویله بر فائقیتک پک آز فائده سی کورولور . فرار ایدن طرف ، استکشاف پلانیه سائر وسائط استخباریه جهتیله پک برباد ونقصان برحاله بولونوبده بویوزدن بر باصقینه طوتولمق احتمالی یوزکوستیرسه ، بوراده عامل مؤثر ، مذکور نقصانلردن عبارت بولونمش اولور .

اساساً ، قاجان طرف ، خصمنک کندی ساحه حرکانه دخولندن بر آز اول فراره تشبث ایده ییلدیکی تقدیرده ، سرعتجه فائقیت ، انجق بر محاربته ک اجراسنه مساعد بولونور ؛ بویله بر محاربته ائناسنده اک مهم عاملده ، سرعتدن زیاده قدرت حربیه جه فائقیتدن عبارتدر . فراری نی فراره اجبار ایدن کیفیت ، خصمنک سرعت فائده سی اوله مازدی : چونکه ، بوکی احوال داخلنده فرار ، اک آز احتمال خلاص عرض ایدردی . فرار ، قدرت حربیه جه دون بر مرتبه ده بولونیلدیغنی ادراک و تقدیر ایتمکدن وهرنه قدر طالع حربیه ده به یجک قدر قوی وقادر دکلسه ده هیچ اولمازسه قاجقه قوتنک بر قسمنی قورتارمق املنی تعقیب

ایله مکدن نشأت ایده بیلیردی . بوندن ماعدا ، کندیسنک فراری ، اساساً استحصالی ایچون مجادله تهلکه عظماسنی کوزه آلدیرمش بولونان خصمنه کندیسنک اشغال ایتدیکی ساحه بحریه نك حاکمیتی ترک وتأمین ایتمش بولونور .

سرعت فائقه وتصحیح خطایا — علی الاکثر ، سرعت فائقه نك ، تعیه ویا سوق الحیش خصوصاتنده یاییله جق خطالرك تصحیحنه خدمت ایده جکی تصور وتأمل ایدیلیر . بوحال ، فنا رتعیه جی ایله ینه فنا بر سوق الحیش جی ایچون بر قاچه ماق یولی تشکیل ایدر . بویله بر فکر وتصوره ذاهب اولوق ، کیزلی ومعند برعلته بکزر ؛ خسته ، بونك موجودیتندن ، سیرندن ، مهم برایش یامغه تشبث ایدنجهیه قدر خبردار اوله ماز . بویله بر تشبته کیریشدیکی زمان ایسه ، خسته نك ، بنیه سنی نه درجه لره قدرضعفه دوچار ایتدیکی ، تحقق فلاکت صورتنده ظاهر اولور . تعیه وسوق الحیش خصوصتلرنده کفایت ، مغنویات ویا عقلیات عالنه متعلقدر . کیلرك سرعتی ایسه ، مادیاته عائد بولنور . بولردن ریخی دیکرینه قاریشدیرمق ، حرب بحرینك سوق واداره سنده تأمین کفایت امرنده ابراز ایدیله جک غیرت ومساعی بی نشویش ایله مک دیمکدر ؛

عمومی فائزیت سرعت، امکانسرزد در بخارک قوه محرکه اوله رق دونانمالره قبولندن بری عمومی فائزیت سرعتک محافظه وادامه سی کیفیتنک امکانسرزانی قدر تعین و تحقّق ایتمش برشی یوقدر . رقیب موقعنده بولنانلر ، یاچارچاقوق مساوات اوزره بولنور ویاخودده بری دیکرینه قارشى تأمین فوق ایلر . بوندن بشقه ، بویله بر فائزیتک ، مصارعه یه کیرنلره ، حتی موقت بر فائده بیله تأمین ایده بیله جک قدر محافظه وادامه ایدلمسی غیر ممکن بولونمشدر ؛ چونکه اسکیمجه کیلر ، بویله رفائده دن محروم بولونورلر ؛ حربده ایسه ، دونانماحرکاتنک سرعتنی تنظیم ابدن سریع السیر اولان کیلردکل ، بطی بولنانلردر .

سوق الحیشجیلرک ، مساوات سرعت استحصال وادامه سی خصوصنده مسبوق اولان غیرت و مساعیسی ، مقرون موفقیت اولسه بحادر .

نتیجه — سرعتجه فائزیتک ، سسوق الحیش بحری نقطه نظرندن براهمیت قطعییه مالک اولمیدیغنه امنیتله حکم ایده . بیلیرز . سرعت فائزیه ، معقول اوله رق مطالبه ایدیله بیله جک بر قیمت اعظمیه بخش ایده جک اولسه ق بیله ، انجامکار ، بونک ، برچوق عوامل حربیه دن انجق بری اولوب بعضی

خصوصی و محدود احوال و شرائط مستثنا اولمق اوزره، اهميتجه بونلرك بعضيلرندن ده دون بر مرتبه ده بولونديغنى اكلار ز. چارچابوق ساحه محاربه و وصولكزه مدار اوله بيلن سرعت، قدرت حربيه جه دشمندن مهم بر درجه ده دون بولونديغكز تقديرده يك آذربفائده تأمين ايديه بيلير. بونك ايچون، هم تعبيه وهمده سوق الحيش نقطه نظرندن سفائك سرعتنه نه مرتبه لره قدر قيمت و اهميت بخش اولنه بيله چكى خصوصنه يك زياده دقت و اعتنا كوسترمك لازمدر. تاريخ بحرى تدقيقاتى استخفاف و استصغار ايدنلر نظرنده لوازم و وسائط ماديه نك حائز اولدينى اهميت عظيمه، سرعت، اساساً لايق اولمدينى بر قيمت فائقه نك بخش ايدلمسنة باعث اولور.

اوت، بوارزو، ديكر بر كفايت حربيه عنصرينك ضررينه اولميه رق استحصال ايديله بيلديكى صورتده سرعت مالكييت املی، مشروع و معقول كورلك لازم كلير.

حرركات حربيه نك يكد يكرينه تقدى، مهم بر كيفيتدر — دكزده بيوك بر حركت ايجاب ايتدير مى مأمول بولان حرركات مختلفه، مهم بر مقدار بالغ اولور. بونلرك تعريف و تحديدي، دكزدن خطوط مواصله نك كشاده بولونديرلمسى صورتنده

طار بر چارچيوه داخلنه آله بيليرسه ده ، بولك پك مختلف صور  
اجرائيه شامل بولنه جنی ده اونودولما لیدر . اول امرده هدف  
اصلی ، دشمن قوتی اولمالیدر ؛ بوده ، حد ذاتنده ، غایه مقصوده نظراً  
بر واسطه دن باشقه رشی دکلدر . غایه مقصود ایسه ، حربی موفقیته  
ختمه ایصال ایله مکدن عبارتدر . بولا وصول امرنده دخی ،  
برجوق منافعت مدافعه سی لازم کلیر . بوبده اك ای بر صورت  
مدافعه ایسه ، دشمنی تبهله مکدر . بوجهت ، معلوم و مسامدر .  
حد ذاتنده یا پیله جق ایش ، اولدجه متعدد اقسامه  
آیرلق لازم کله جکندن بونلرک هپ بردن موضوع بحث  
ایدیله بیلیمسی ممکن اوله ماز ؛ احوالده تقدیم الاهم مسئله سی ،  
سریع و قطعی بر صورت حله باغلامق ایستر . تقرر ایده جک  
تقدم ، هم اهمیت وهم ده زمان جهتیله اولمالیدر .

بالفعل حرب باشلار باشلاماز ظاهر اوله جق احوال و شرائطک ،  
برقونفرانس سالوننده حرب او یونی اوینارکن جاری اولاندن  
نه درجه لرده باشقه اوله جنی در عقب میدان چیقار . بوصو کره  
کنده ، فنا بر حرکتک اك بیوک جزاسی ، بر آژ عدم خشنودی  
ویا بر آژ نازکانه استزادن عبارتدر . بالفعل حرب موضوع  
بحث اواجبه ، بوحال ، بویله بر فنا حرکت یا پاک مملکتی محو

وانقراضه سور و كله مرسه، اك آشاغیدن قيمتلی اموالك ضیاعنی،  
 بوندن دها قيمتلی حیاتلرك هدر اولماسنی موجب اولور .  
 بوحقیقت ، حرب بحری ايله اشتغال ایدن تتون ضابطانجه ادراك  
 وتقدير اولونمالی وهیچ رزمان نظردقتدن دور طوتولما ملیدر .  
 حربك ظهورنده ايلك اولكجه هانکی قسم تفرعات ايله اشتغال  
 ایده بيله جکفی کسدير مك هیهچ برزكا وفراست ایچون ممکن  
 دکلدر . تفرعاتك اختيار و انتخابی ، کنديسی درجه سنده  
 دشمنكده تصرف ایده بيله جکی احوال و شرائطه وابسته بر  
 کیفیت در .

هرشیدن اول ، عمومی پلان حاضر لانیرو حاضر لانیلیدر ده .  
 مع مافیه بوده ، اقسام مرکبه سنه نظراً مناسب بر درجه ده حائر  
 الستیقیات اولمالیدر . بومطالعه نك ، موجب فائده اولدیغندن  
 فضله تکرار ایدلمسی موافق اوله ماز .

فائیت تعبیویه — سوق الحیدشجینك غایه مقصودی ، عناصر  
 اصلیه جه واکثریتله ده عدد جهتله خصمکزه فائق اوله رق  
 محاربه میداننه ورودیگز ی تأمین ایتمکدن عبارتدر . تعبییه -  
 جینك غیرت و مساعیسی دخی ، محاربه ظهوره کلنجه ، جان  
 آله جق نقطه ده دشمنه فائق بولنقدردر .

بونده متمثل بولنان اساس حرب ازلیدر . بواساس ، عینی  
 قطعیتله ، قرون اولی ووسطی دونانمالرینه ، ۱۸ نجی عصرک  
 کیلرله اک صوک وقوعه کلن محارباته اشتراک ایتمش بولونانلرده  
 توافق و تطابق ایدیوردی . مع هذا ، بحریه حربلری وقوعه  
 کلدکجهده جای تطبیق بولمقده دوام ایدوب کیده جکدر .

لوازم ووسائل حربیه نك عینیت ضمیمه سیله برابر بتون  
 خصمای محتمله نك قبول ایتمش بولوندقلری استحضارات  
 اولیه مشابهنه سائق اولان تمایلات ، عمومیت اوزره  
 فائزیت تعییویه ایله فائزیت عددیه تعبیرلرینک یکدیگریله قابل  
 استبدال برحاله کلمسی موجب اولمشدر . یوقارده ذکر ایتدیگمز  
 اساس حرب ، فائزیت عددیه نك ، برطرفک قوه کله سنده دکل انجق  
 جان آله حق نقطهده آلدده ایدلمسندده مندیج بولندیغنه حکم ایدر .  
 شبهه سزدرکه ، عددجهتیه دشمندن دهاقوتلی اوله رق ساحه مجادله به  
 وارمق ای بر سوق الحیشدر . مع مافیه ، کرک تاریخ بحریده ،  
 کرک تاریخ محاربات بریده بویه بر فائده اولیه به مالک اولوبده  
 بوندن نه صورتله استفاده ایده جکفی بيلمیه رک عدد آدون بر  
 دشمنک کنیدیسی تپه له مسنه میدان ویرمش بر چوق تعیه جیلره  
 تصادف ایدلمشدر .

جان آله جق نقطه — ماهر تعبیه جیلرک، عدد جهتیله نقصانی،  
موضعی یعنی جان آله جق بر نقطه ده تأمین ایدیلان بر فائقیت ایله  
تضمین وتلافی ایدرک غالبیتلر احراز ایتمش بولندی ده تاریخک  
شهادتیه ثابتدر .

بونک ایچون ، محاربهیه قیام ایتک اوزره بولنان بر قوه  
حریبه قوماندانک دریش نظر تدقیق ایده جکی مسئله ، جان  
آله جق نقطه بی کشف ایدوب — که دشمن قوتی میاننده اک  
ضعیف اولان واپی بر زمان ده ضعیف قالماسی مأمول بولان  
نقطه دن عبارتدر . — بورایه ، فائق و ممکن اوله بیلدیکی صورتده  
دخی مدهش وقاهر بر قوتله یوکلہ نمکدر . دشمن قوماندانک  
عینی املی تعقیب ایده جکی ده فرض ایدلمه لیدر .

اک ضعیف نقطه نک ، قدرت حریبه جه دون بر قیمته  
اولان سفائنک بولوندیخی جهته ده اولماسی ایجاب ایتز . فرداً  
بیوک بر قدرت محاربهیه مالک بولنان سفائنک ، قوتلرینک کمالیه  
اظهارینه مساعد اولمایه جق بر نظام حرب اختیار ایدلدیکی ده  
واقع اوله بیلیر. ده قوی بر دشمن قوتی طرفندن محو و پریشان  
ایدلمسنه میدان ویریله جک صورتده وقت وزمایله امدادینه  
شتاب ایدیله مه بن بر قسم قوتک بولوندیخی نقطه ، ضعیف تلقی ایدیلیر.

یلسکنلی دونانمار زماننده ، اشبو اساس حرب ، بتون مشاهیر بحریه طرفدن تصدیق ایدیلوب تطبیقنه اعتنا اولونمشدر .  
 ( نلسن ) ك ( نیل ) و ( ترافالغار ) ده تعقیب ایتدیکی تعبیه  
 دستوری ، اساساً عینی شیدی ، یالکز ، بودستورك موقع  
 فعله قونماسی اصولی ، هرایکی محاربهده باشقه باشقه اولمشدی .  
 بونلرك ايكيسيندهده ( نلسن ) ك هدف مقصودی ، هجوم ،  
 منتج موفقیت اوله دن امدادینه شتاب ایدیلهمیه جك بروضعیتده  
 بولنان دشمن قسمی اوزرینه قوه غالبه ایله صولات کوسترمکدن  
 عبارتدی .

تحقیق و تقدیر مزده یا کلما یورساق ، بو آنه قدر قزانیلان  
 ستون مظفریات قطعیه ، سرد ایتدی کمز اساس حربك تطبیق  
 و تعقیبی نتیجه سی اوله رق تحقق ایله مشدر . بوقاعده ، کیلرك  
 قوه محرکسی ، اسلحه و وسائل مدافعه سی نه اولورسه اولسون ،  
 جاری و حاکم بولونه کلشدر .

( نلسن ) ك اومعروف مخطره سینده ایضاح اولندینی وجه  
 اوزره ، ( ترافالغار ) دن اول مرتب هجوم پلانی ، روزکار  
 آتندن و یا روزکار اوستندن بر هجوم احتمالی احتوا ایدیوردی .  
 بونلرك ايكیسی ده حد ذاتنده عینی منبعدن ترشح ایدیور ،

خضعتك پيشدار سفاقي، امداده شتاب ايتمكدن منع ايدلديكي  
برزمانده وجهه هجومي دمدار كميلري اوزرينه توجه ايتمكدن  
عبارت بولونيوردى. فى الحقيقه ، اصل هجوم ، اولجه نشر ايديلن  
مخطرده كوسترلديكي كبي ياپيله مادي ايسه ده اساس حرب ،  
تماميله تعقيب ايدلمشدى .

حرب اساسلرينك تطبيق وتعقيب اولنه بيله چكى اك اى  
اصولى ، تدقيق وتعميق ايله بولوب چيقارمه نك اهميتى بوراده  
كالموضوح ايله ميدانه چيقار . چونكه ، بوراده ، اساس اعتباريله  
طوغرى ومتين اولان پلان ، تفرعاتنك موقع فعله اخراجى ،  
اولجه تصميم ايديلن ترتيباتدن باشقه بر صورتده اولدينى حالده ،  
الآن قابل تطبيق بولونيوردى .

پرووا نظامى — دونانمارك يالكن ايله متحرك بولوندينى  
زمانلرده ، آنا سلاحه — بوردهيه موضوع طويلر — كنش  
بر آتش ساحسى تأمين ايتك ايجون پرووا نظامى ، محاربه  
نظامى اوله رقى قبول ايدلمش وبهر كينك عادت ا كندى كندينه حر كتيه  
مظاهر متقابليه مساعد اولماسى وموقع محافظه سنه اك  
الويريشلى بولونماسى بو خصوصده آيريجه باعث ترجيح اولمشدر .  
بونظاملر ايله عادتاروز كارك كوزينه سپرايديليردى . چونكه

دونانمار، انجق بوخطر اوزرنده، همان همان مساوات اوزره بولونور و هرايكي طرفده، على العموم روزكار اوستى وضعيتنى آلمغه چاليشير بونك بعض فائده لر تأمین ایده جكي دوشونولوردی. بوضورتله، یلکنلى بردوانماده نظام حربك استقامتى، روزكاره تابع بولنديغندن ثابت قالیردی. هرايكي دونانما، عمومیتله یكدیكرینه موازى برر تشکیلاتده بولوندىقلرى ایچون بولردن بهرى، دیگرینك کرتیزینه عادتاً عمود اوله جق صورته برى برینه نظراً ترتیبات اخذ ایتمش بولنورلردی.

تک پرووا نظامی لهنده درمیان ایدیلان مطالعات، بورده - لری، باش قیج آتشرینه فائق بولوندىغی ایچون حال حاضر دونانمارینه ده قابل تطبیق بولنور. بخارلى بردوانماك نظام حربى استقامتى، روزكاره تابع بولونمديغی ایچون کیلر محاربه یه کپریشمك اوزره ایکن بتون بورده طویلرینك ایشله مسفی تأمین ایتك لزومی ایله تعین ایلر. تعیر دیگرله، نظام حرب، تقریباً دشمنك کرتیزینه عمود بروضعیتده محافظه ایدلك ایجاب ایلر. دونانما، ایستر یلکن، ایسترسه بخار ایله متحرك بولونسون، نتیجه ینه عینیدر. بوضورتده تشکلی ایدن بر پرووا نظامی دخی مدافعه خصوصنده اك مساعده شرائط قدرتی جامع بولنور.

یلهکنلی دونانما اصول تعبیه سنک استناد ایندیکی اساسلر ،  
 يك بسیط ایدی : بخارك قوه محرکه اوله رق قبول ایدلسنک  
 اشو اساسلر اوزرینه يك آرتاثری اولدینی مشاهده ایدلمکده در .  
 بوتاثیرات ایسه بروجه آتی خلاصه ایدله ییلیر :

۱ . بردونانما ، محاربیه قیام ایدرکن هیچ بر قسمی اقسام  
 متباقیه طرفدن آز بر زمان طرفنده امداد و معاونته مظهر  
 اوله مدن هجومه معروض بولونمیه حق صورتده ترتیب وتشکیل  
 ایدله لیدر .

۲ . بردونانما ، بیوک برفائقیتله دشمنک بر قسمی اوزرینه  
 توجه ایده جک و بو ائشاده اقسام متباقیه سنک امداد و معاونته  
 شتاب ایده یلمسنه امکان براقه حق بر طرزده محاربیه سوق  
 ایدله لیدر .

اشو اساس حربک تطبیقی کیفیتی ، هرشیدن زیاده ،  
 معروض هجوم اولان سفینه ویا سفائنه امداد و مظاهرت  
 خصوصنده کجه جک زمانه تابع بولنور . بویله برفاصله زمان  
 ایسه ، یاقین بر مجادله ده بر کمی بی تبهله مک ویا سکوته مجبور  
 ایله مک ایچون مروری اقتضا ایدن وقت ایله اولچولور . بومدت ،  
 الک یاقین بر حربه متعلق تجار غمزدن استدلال ایدلدیکی اوزره ،  
 ماضیده واقع اولدینی مرتبه لرده قیصه بولونمقله برابر موضوع

بحث اولان سفینه نك زرهلی اولوب اولمدينی ايله علاقه دارده دكلر .  
 ( چوشيا ) محاربه سنده ، ( اوسلیابیا ) زرهاییسی ، مؤثر مجتمع  
 آتشلر آلتنده ، ( ۹ ) دقیقه ظرفنده پریشان ایدلمشدی . ( واریاغ )  
 قرووزری ده ، ( چه مولپو ) آچیقلرنده ، ( ۱۴ ) دقیقه ایچنده  
 تپله نمشدی . ( چه زاپیک ) سفینه حربیه سی ، ( شان ) طرفندن ،  
 ( ۱۰ ) دقیقه ده مغلوب ایدلمشدی . ( ترافالغار ) ده ، ( ویتتری )  
 قالیونی ، فرانسز آمرال کیدسنگ قیپج طرفندن طوغری کچرکن  
 بتون رمزه بورده سنده کی ( ۵۰ ) طوب ايله مذکور سفینه یی باشدن  
 قیچه یالامه آتشنه طوتمشدی . بونک نتیجه سی اوله رق ، فرانسز  
 کیدسنده ( ۲۰ ) طوب بطلال اولمش وتلفاتی ده ۴۰۰ کشیی  
 بولمش ایدی . بوقیل مجتمع هجوملر ، قیصه بر زمان ظرفنده داغما  
 نتایج قطعی حاصل ايله مشدر .

برعصر اول ، منزللر ، قیصه ویا اوزون اولدقلرینه کوره  
 احتمالک ۲۰۰ دن ۲۰۰۰ یارده یه قدر برتحلف کوستریبور ،  
 محاربه احوال وشرائطی تحتنده کی سرعت ده ، بلکه اوچ میلی  
 تجاوز ایتمه یوردی . بوکون ایسه ، منزللرک ۴۰۰۰ دن ۸۰۰۰  
 یارده یه قدر تحلف ایتدیکی فرض اولمقله برابر محاربه سرعتی ده  
 علی التخمین ۱۴ میل اوله رق قبول ایديله بیلیر . سرعتک مهم

بر صورتده ترایدی نتیجه سی اوله رق محاربه منزللرنده بیوک  
تراید حاصل اولمش وبوصورتلده کیلرک اوزاق مسافهلردن  
طویلرینک آتشیله یکدیگرینه معاونت ومظاهرت ایده بیلمسی  
ممکن اوله بیلمشدر .

طویلرک آتش قوسلری نه مرتبه بیوک اولورسه ، بوحال ،  
دهامساعدشرائطداخلنده تحقق ایلر . حال حاضر دونائمالرینک  
سرعت عالیه سی ، تعیه بحریه نقطه نظرندن طی ایدلمسی اقتضا  
ایله ن اوزون مسافهلرک مقتضاسیدر .

ماحصل ، دشمنک بر قسمی اوزرینه یوکلنمک ، حالا مقصود  
اصلی در . پرووا نظامی دخی ، طویلرک ایشلدیله بیلمسی ومظاهرت  
متقابلیه امکان ورمسی جهتیله الان الک ای تشکیلاندر ؛  
بونکله برابر ، ماهر تعیه جی دهاسنه ، شمیدیلرده اولکندن  
دها زیاده احتیاج کورونیور .

ماهر تعیه جیلرک لزومی — اساس حربه زیاده سیله دقت  
وامهیت عطف ایدلدی ایهده ، بوندن استدلالاً موفقیتک ، مجرد  
بردستوری قبول ایتمکله استحصال ایدیله بیله جکنه ذاهب  
اولمالیدر .

ا کتساب موفقیت ، آنجق مناسب وتام بر قوتله تام موقعنده

بولنقله قابلدرد. بوكيفيت ، دشمنك بويله بر قصد و تشبته ممانعت  
ايچون آلندن كلني يابدني صورتده كسب مشكلات ايلر .

بو حال ، اول امرده ، اك موافق بر نظام حرب اخذني ؛  
ثانيآده اك موافق تعبيه مانوره لر ينك اجراسني ايجاب ايدر .  
تعبيه جينك نه كي بردرايت و مزيتة صاحب بولنديني تام بويله  
بر موقعده ميدانه چيقار. جهان ، پك نادر اوله رق بيوك و حقيقي  
تعبيه جيلر كور مشدر ؛ او قدر آزكه بولنرك شدت ذكا  
و مهارتي ده ده مرتبه سنده تلقى اولونسه بجادر .

مع هذا ، اصول تعبيه واديسنده حرب بحري يي تدقيق  
و تعميق ايتمش و دكزده بالفعل تعبيه مانوره لر نده ايني بر ملكه  
و عمارسه اكتساب ايتمش متوسط بر تعبيه جي ، استعداد و قابليت  
فطريه جه كندی امثال واقرائي اولان و فقط كرك معلومات  
حربيه و كركسه حركات تعبيويه نك اجرا آتيله عدم انسيت  
جهت لر نجه كنديسندن دون بولنان رقيب لر ينه تفوقندن امين  
اوله بيلير .

چوشيا محاربه سنك تبجي ، ژاپون مظفريت نك سرعت  
فائقه دن دكل بلكه تعبيه نقطه نظرندن اظهار ابديان درايت  
و مهارت غالبه دن متولد بولنديغنه دلائل قويه تأمين ايدر .

یالکز شو قدر وارکه ، ژاپونلرک سرعتجه فائیت مهمه سی ،  
محاربه ک صفحات اخیره سنده فوائد عظیمه تأمیننه خادم بولو-  
نمشد . روس دوناماسنک تشکیلاتی ، صوک درجه لرده  
قصورلی و رباد ایدی ؛ آمیرال ( توغو ) ، بو حالدن بک زیاده  
استفاده ایتدی ؛ ماهرانه تقریبی ایله دشمنک بر قسمی اوزرینه  
— دمدار سفائن — فائیت عظیمه ایله یوکلہ بوب قوه متبایقه نک  
معاونت لرینه شتاب ایتسندن مقدم ، بونلری محو و پریشان ایتمکه  
موفق اولدی .

عینی زمانده ، ( توغو ) ، کیمیلرینی ، یکدیگرینه امداد  
ومظاہرت ایدہ یلہ جک وجهله تشکیل و تعییه ایتش و بونلردن  
هیچ ری ، فائق و مجتمع بر هجومه قارش یالکز باشنه قالمش  
بولونمیه جق بروضعیتده اخذ موقع ایله مشدی .

دیگر جهتدن ، نتیجه موفقیتمک استحصالنده ، حرب و ضربه  
مألوف ژاپون کیمیلرینک طویحیاقدہ کی مهارت لری ده مدخلدار  
بولونمشدی . مع مافیه ، بوده ، حربک تام جان آله جق هنکامنده  
ژاپونلرک بر خط مستقیم اوزرنده سیر ایدوب طویلرینی متبادیاً  
دشمنه توحیده اصرار ایله ملریله تحقق ایدن اصول تعییه  
فائیتندن متولد عادتاً بر نتیجه ضروریہ صورتنده ظاهر اولمشدی .

حالبوکه ، بوانئالرده ، روسلر بوبله یایمامش ایدی . بوندن بشقه ، روس آتشی ، فائق وغالب بر آتش تمرکز و تجمعی ایله صوصدورلمشدی . بوبله راصول مدافعه ، کیمیری غیر قابل نفوذ زرهلرله ستر ایتمکدن پک مؤثر و متین برواسطه تحفظ ماهیتنده در .

تمرکز و تجمع - اصول تعیه ، قسماً محاربهنک مقدمات - نندن بشقه برشی دکلدرد . فائزیت موضعیه ایچون ایجاب ایدن مانوره لره ، طویلرک منزلی خارجنده ایکن باشلانیر ؛ هدف مقصود دخی - رکره محاربه مسافه سنه کیریلتجه - هجوم ایچون تصمیم ایدیلان دشمن قسمی اوزرنده تمرکز و تجمع قوت استحصالنه فرصت مساعدده بولماقدن عبارتدر .

بوراده تمرکز و تجمع تعبیرلرینه تعلق ایدن معانی وافکارک صراحتله تفهیمی مهم بر مسئله تشکل ایدر .

رکمی اوزرینه آتش ایدن ایکی سفینه حربیه نک آتشلری ، نک برکمینک دیکرینه قارشلی اولان آتشنک ایکی مثلی قدر مؤثر اوله ماز . چونکه ، آتشی آچان هرا یکی کمینک آتش قونطرولی ، بو حاله نظر آ ؛ مهم بر صورتده سکتده دارا اولور و بونلردن هرینک ، معین بر مدت ظرفنده ، آیری آیری هدفله نشان آلدقلمی

تقدیرده وقوعی ملحوظ اولاندن بك زیاده نقصان اصابتلر تأمین ایده بیله جکی وارسته اشتباهدر. اوج ویا درت کمی ، هپ بردن نك برکمی اوزرینه آتش آچه حق اولورسه ، کفایت انداخت ویا هرکمی ایچون برمدت معینه ظرفنده تأمین ایدیه جك مقدار اصابت ، دها زیاده تنزل و تناقص ایتمش بولنور .

بواجلدن ، ایکی ودها فضله سفائن حربیه بك ، نك برکمی اوزرینه آتشلرینی تمرکز ایتدیرمسی کیفیتی ، قارشیلرنده مذکورکمی قدر مساعد شرائط تحتنده انی برر هدف تشکیل ایده بیله جك واوزرلرینه مستقلاً آتش آچیله حق سائر کیلر بولندینی مدتیجه خطالی بر حرکت صورتنده تلقی اولنه بیلیر .

عدد ، موضع و تشکیلات اعتبارلریله هم عیار ایکی مخاصم فیلوی نظر ملاحظیه آلدیغمز زمان ، کیلرندن ایکی ویا دها فضله سنك آتشی مقابل فیلویه منسوب نك بر سفینه اوزرینه تمرکز ایتدیرن فیلونك ، نسبتاً کندی ضعیف دوشورمش اولدیغنی کورورز ؛ بوتقدیرجه ، بتون کیلری آتسه معروض بولندینی ایچون کفایت انداختده تنزل و تناقص ایتمش بولنور . آتش تمرکزینه قیام ایدن سفائنه نظراً بوتنزل ، دها بارز برشکله کیرمش اولور .

حالبوکه ، متمرکز آتشلره هدف اولان سفاننده وقوعه کتیریان خسارات ، بونلر اوزرینه توجیه ایدیان آتشلره متناسب اوله مدینی کبی عینی زمانده بوفیلونک هجومدن مصون قالان کمیلری ده ، آتشلرینک ستون کفایت انداختیله ایشه کیریشه جک بر حالدده بولنورلر. آبریمجه شو جهت ده درپیش ایدلک لازمدر : متمرکز آتشلر آجان سفانک ، هدف اتخاذا ایتدکلری کینک حربدن ساقط برحاله کلسندن صوکرده انداختلرنده دوام ایدرک بیوک مقیاسده بر آتش حجمک ضیاغنه سبیت ویرملری بک محتملدر .

برکره بو کینک سقطلا مدینی کورولدکن صوکره . یکی بر هدف انتخاب ایدوب بونک منزلی ، منزلنده کی تبدیلی تعیین ایتک وبونی ده کندیلری بالفعل مهادی آتشلر ایچنده بولندینی زمان یایمق ایجاب ایدر .

محاربه بک باشلانغیچنده ، هدفلری انتخاب ایدرکن منزل و منزلک مقدار تبدیلی ، هدفک مساعد بر وضعیتده قالمسی وقت وزمانی ، کونشک موقعی واحتمالکه روز کارود کزلرک استقامتی کبی خصوصیات ، عوامل مهمه دن معدود اوله بیلیرسه ده بونلرک اساسات حربیه نی تعدیل و تبدیل ایده میه جک تفرعات جمله سندن

اوله رق قبول ایدلمسی اقتضا ایلر . بونکله برابر ، عوامن مذکورہ مک تعیبه جی طرفدن استحقار واستخفاف ایدلمه مسی لازم کلیر .

ایکی ویادهای زیادہ سفینہ حریہ نک ، بر تک کمی اوزرینہ آتش تمرکز ایتدیرہ بیلمسی ، بعض احوال مخصوصه تحتندہ موافق ومناسب کوروله بیلیر ؛ مع مافیہ ، بواننادہ ہر ایکی طرفدہ آتش تعاطی ایدہ بیلہ جک بر موضعدہ مساوی ومعادل سفائنک موجودیتی لازم کلیر .

حالبوکہ بیوک بر مقدارہ بالغ اولان سفائنک عدداً آز کیلر اوزرینہ متمركز آتشری ، بوصوکرہ کیلرک حربداشترینک مظهر معاوتی اولہ مدیغنه کورہ ، قوای فائقہ بہ متعلق اساس حربیہ موافق اولمغله قالماز ، بلکہ بالفعل مفکورہ مک کندیسندن عبارت بولنور . احوال سائرہ دہ اولدینی کبی بورادہ دہ ، ہر کمی ، اک مساعد روضعتیدہ بولنان ہدفہ آتش آچارسہ آتش ، منطقی ومعقول بر صورتدہ توزع ایتمش بولنور . منزل وکرتیزی اعتباریلہ شدتلی بر آتش آچغہ مساعد بر موضعدہ بولنان ایکی کیدن ، رویدہای فضلہ سفینہ نک آتشرینہ معروض بولنان کینک ، اک الویریشلی بر ہدف تشکیل ایتسی نادر الوقوعدر .

هدفك تبدلی، یا هدف سفینه سنك و یا خود آتش آجان کمینك  
بر ایکی کمرته قدر دوری، کفایت انداختی اخلاص ایدہ جك  
احوال جملہ سندن معدود بولندینی ایچون بولردہ نظر دقتدن  
قاچیرلما ملیدر .

هم عیار واقران ایکی فیلو ویا دونامادن برینك دیکری  
مواجهہ سنده فائق و غالب بر وضعیت تعبویہ تأمین ایدہ یلمسی  
امکانسز اولہ جقدر . بوتقدیرده اك موافق چارہ، منتظم برروطہ  
اوزرنده سیر ایدوب بتون طویلری ایشلیہ بیلہ جك بر موضعه  
بولوندیرمق وهر کمینك - آتشی، اك الویریشلی هدفی اوزرنده  
تمرکز ایتدیرمکدن عبارت کورولور .

مادام کہ برکی اوزرینه توجیه ایدیلن مؤثر بر آتش،  
بوکیدن اجرا ایدیلہ جك انداختلرک کفایتی مهم بر صورتده  
تنقیص ایدیور . احوالده، بالفعل مؤثر برایش یاپہ بیلہ جك  
بر وضعیتده اولدیغنه کوره هر هانکی بردشمن کیسنی بویله بر  
ضرردن خالی اولہرق ترك ایتک - نادرآ - اینی بر اصول تعیبه  
صورتنده تلقی اولہ بیلیر .

آتش تمرکزلی، نتیجه نك حصوله باعث اولان آلات  
و وسائطك تمرکزلیه قاریشدیرلماقی اقتضا ایدر .

حرب بحری ساحه سنده سلاح اصلی ، طوپدر ؛ بعضی متخصصلرک فکرینه کورده ده ، آلات ووسائطک — طوپلر — حدود معقوله داخلنده انقسام وتوزعی ، طبیعتیله تقسیم وتفریق منطقی ماهیتنده بولنور . بویاناغز ایله ، تک برسفینه به یک آغیر سلاحر وضع وتعییه ایتمک مسئله سنه کلیر طایانیرز . بوقیل سلاحرله تسلیح ایدیلرک برکمی ، آیریمجه ده آلات ووسائط سائریه عرض احتیاج ایده جکندن طونه سنجه بیوک برتراید کوسترر ؛ بالواسطه وقطعی برصورتده سفائن حربیه عددنده نقصانه باعث اولور . ایلری کلن بحریه لرک بر چوغی ، بویک بیوک کیلردن یادرمش ویا یادریمقده بولو . نملردر . حالبوکه بودولتلرک ، نسبتاً دها حقیقجه تسلیح ایدلمش ، دها کوچک سفائن برچوقلرینه صاحب بولندقلری ده معلومدر . آز مقدارده بولنان بیوک سفائنه موضوع ومتمرکز مؤثر طوپلریله محاربه ساحه سنه واصل اولان تعیه جی یک ، عینی سلاحلری ، عدداً فضله ونسبتاً کوچک کیلره وضع وتعییه ایتمش بولنان برخصمه قارشى تأمین موفقیت ایدوب ایده مه می کیفیتى ، بوکوندن کسديريله مز .

هرایکی طرفك ده مدعیات و محاکاتی وارد ر ؛ فقط ،  
شیمدیکی حالده متخصصلرك اکثریت آرا و افکاری ، بك  
بیوك كمیلره و بوكمیلره عینی چاپدن ممكن اوله بیلدیکی مرتبه لرده  
بیوك و چوق طوب وضعنه طرفدار بولونیور .

بك بیوك بر كمینك بعضی فوائد اساسیه مالک بولونه جنی  
مسامدر . بویله بر سفینه ، كندندن كوچك بولنانلردن دهـ  
آغیر بر بطاریه نی حامل اوله بیله جکی کبی حجم و جسامتنك نزایدی ،  
طبیعتیله بر درجه یه قدر سرعتجه بر نزاید دخی میدان آچار .  
تعبیر دیکرله ، بویوزدن قزانیلان فضله سرعت ، قدرت  
حربیه جه بك آز بر فداکارلغه مقابل الده ایدلمش بولونیور .

فرضا ، آمریقاییلرك ۱۶ بیك طونه لق و ۱۸ میل سر -  
عقنده بولونان ( میشیگان ) زرهلیسی ، عمومیتله هرایکی  
بورده یه آتش ایده بیله جك صورتده آنجق ۸ قطعه ۱۲ پوسلق  
طوب طاشیه بیلیر ؛ بوندن صوكره انشا ایدیلن و ۲۰ بیك  
طونه جسامتده بولونان ده دهله وهر ، زرهلیسی ایسه . هپسی  
بردن هرایکی بورده یه آتش ایده بیله جك بروضعیتده بولونمق  
اوزره ۱۰ قطعه ۱۲ پوسلق طوب طاشیه بیلدیکی کبی ۲۱

میلک بر سرعت سیره مالک بولونور : حالبوکه « میشیغان » ، سرعتجه هیچ برترایده مظهر اولدن حتماً ۲۰ بیک طونه به ابلاغ ایدیله جنت اولسه بیله ، بورده آتشی اعتباریله دهله وهر ، دن دهافضله ۱۲ پوسلق طوپ طاشیه مازدی . بو افادادن ، بیوک کمینک فائده سیاسی ظاهر اولور ، چونکه متزاید سرعت ایله متزاید طوپ قوتی ، انجق بیوک کیده جمع واستحصال اولنه بیلیر .

بوندن بشقه ، کیلر ، ایستر « میشیغان » کی ۴۰۰ قدم طولنده ، ایسترسه « دهله وهر » قیلندن ۵۰۰ قدم طولنده بولونسون ، مرکزدن مرکز ۴۰۰ یارده دن آزر مسافده مانوره یاپه مازلر ، بوسبیله ، ۸ قطعه ۱۲ پوسلق طوپ طاشییان « دهله وهر » صنفندن سکز کی ، عینی مقدارده طوپنی حامل بولنان ( میشیغان ) سیستمندن مرکب اولان اون قطعه سفنه حربیه دن دهافقیصه بر پرووا نظامی تشکیل ایدر وعینی زمانده دخی سرعت فائده مظهر بولونور . بوا یکی خاصه حربیه مالک بولنان طرف ، برمانوره ایچون ایجاب ایدن زمان اعتباریله کندی لهنه تأمین فائده ایتش بولونور .

بیوک برکینک دیکر فائده اساسیه سی ده قارینه سنک تک برطو-  
ریدو ضربیه سیله مهلك بر صورتده یاره لانیه جق وجهله ترتیب  
وتنظیم ایدیه یلمسی کیفیتنده مند مجدر . بویله بر سفینه جسیمه ،  
بر محاربه یه اجبار ویا بر محاذله دن اجتناب واستنکاف خصو-  
صلرنده سربستی حرکانه مائک اوله بیلدیکی کبی محاربه منزلی ده ،  
بر حده قدر ، قونطرول ایدیه بیایر . بحریه نشانچیلغنده وبالخاصه  
بونشانچیلغک بیوک طویلره تعلق ایدن قسمنده وقوعه کلن  
مهارت فوق العاده طولایسیله ، استقبالده محاربه منزللری ،  
بالخاصه بتون طویلری وطوپ افرادی آغیر تاره تله داخلنده  
قالین زرهلرله تحت محفوظیته آلتش بولونان بیوک کیلره قارشی  
وسط چاپلی طویلرک مؤثر اوله میه جفی مرتبه لرده بیوک اوله جقدر .  
بونک ایچون ، شمیدیلرده بر زرهلینک بالفعل قدرت تعرضیه سی ،  
هرایکی بورده یه آتش ایدیه بیله جکی آغیر طویلرک عددیله قیاس  
ایدیه بیلیر .

بیوک ، آغیر زرهلرله مجهز کیلر ، بتون محاربه لرده تعقیب  
وتحرری ایدیان غایه مقصودک استحصالنه الیریشلی بولنور . بوغایه  
ایسه ، مخاصم دونانما ، بطی السیرو کوچک سفائن حربیه دن مرکب

اولمق شرطیله برابر ، اقسام متبایه سی ده ، منزل مؤثر و کورتیزک خارجنده قالدینی بر زمانده دشمن خطنک بر نقطه سی اوزرینه یعنی دون بر قوت اوستنه قوای فائقه ایله یوکلنه مک دن عبارتدر . بو کامقابل ، بیوک کی ، احتمالکه کوچکلر قدر قولایلقله سقطلانمغه میالدر . بیوک کی ، مبالغ جسیمه یه مال اولور . مخاصملردن هر ایکسی ده محاربه یه خواهشکر بولونورسه ، جبراً محادله یه تشبث کیفیتی ، بر خاصه ممیزه اولمق ماهیتندن تجرد ایلر . روس — ژاپون حربنده وقوعه کلن محاربات بحریه یه تعلق ایدن معلوماً نزدن مستخرج نتیجه لر ، محاربات بحریه مستقبله ک ، اوزون منزللردن اجرا ایدیله جکنه صراحة دلالت ایدر . محاربات مذکوره ، اول امرده منزلک مقدار تبدلی جزئی اولمق شرطیله ، ۶ سیک یارده دن مؤثر آتشلرله نتیجه فعلیه ک قابل استحصال اولدینی کوسترمشدر .

بیوک چاپلی ، عالی قدرتمده بولویان طوپلرله بر زمان معین ظرفنده ، نسبة اعظمی عدد انداخت ایله اعظمی تأثیرات تخریبکارانه آلدی اتمک ممکن اولدیضدن بر ذره لی یه بوصف طوپلردن قالدیره بیله جکی مقدارده وضع و تعییه اتمک و طور پیدو

مدافعه‌سنه مخصوص اولانلردن ماعدا دیگر کوچک چاپلرله بومیانده بر موقع ویرمه مک معقول و منطقی بر حرکت اولور . آتش قونطرولی مشکلاتنی تنقیص و تقلیل ایتک ایچون اوزون منزلی طوپلرک کاملاً برچاپده اولماسی لازم کلیر .

هر حالده ، بتون خصمای محتمله نک وسائط حربیه جهته — کیلر و سلاحلر — اولان مماثلت و مشابهتی ، تعیه‌چی‌نی کندی کیلرندن ویا کندی سلاحلرندن پک زیاده فرقلی کیلرله ویا سلاحلرله قارشق قومی مجبوریتنی درپیش ایتک لزومندن صرف نظر ایله مکه سائق بولونمقده در .

تعیه نقطه نظرندن آتش تمرکزی ، ایکی وجه ایله اجرا اولنه بیلیر؛ بونلردن بری: مناسب وجهله یاییلمش و فقط آتشلرینی تمرکز ایتدیرمکده بولونمش اولان سفاشنه ، مقابللرنده بولونان دشمن کیلرینه نظراً — بونلردن برقسیمی اوزرینه همان همان هپ بردن آتش ایدیله بیله جک ر موضعه ایصال ایتک اوزره — مانوره یایدیرلمقدن عبارتدر . بویله برطرز حرکت ، محاربه باشلا دقدن صوکره بتون حرکاتک زیاده سیله قصر و تحدید ایدلدیکی زمانلرده یعنی یاکنه لی دورلرنده اصول اولمشدی .

بواصولك، بوكون بيله جارى اوله جنى قويا ملحوظدر ؛  
چونكه يكدىكريله مجادله هنگاملرند، شمدىكى فيلور سلفلرندن  
(يلكنلى سفائن) دها زياده قدرت حركيه لرينه تصرف ايدرلر .  
دها اوزون بر مدت حركتلىرى ادامه و محافظه يه قادر بولورلر ؛  
آيرجه ده ، بوكون قطع اولنه حق مسافلر و منزللر ايله آتش  
قوسلرندن هپسى اونسبتده بيومشدر .

دشمنك بر قسمى اوزرينه بالفعل آتش تمرکز تنك ديكر  
اصولى ده ، چويرمه حركتندن عبارتدر . بويله بر حركت ،  
موفقيتله اجرا اولنه بيلدىكى تقديرده ، هانكى تشكىلاتده  
بولونورسه بولونسون ، دشمنك يالكز كوچك بر قسمك آتشيله  
، قابله ايدم بيله جكى بر نقطه دن دوچار هجوم اولماسنه الويريشلى  
و مساعد اولق كې بيوك بر فائده يى جامعدر . بو تقديرده ،  
دشمن ، نظام حركتده دوام ايدم جك اولورسه ، باشدن آشان  
بتون سفائنك ، خصمك بر قاج كميسيلا قيصه منزلدن مجادله يه  
طوتوشدىنى حالده ديكرلرى واحتمالكة اكثريسى ايچون  
اوزون منزللردن آتسه اشتراك ايتمكدن وياهيچ ايدممه مكدن  
بشقعه بر چاره قالمامش اولور .

بالخاصه مدهش و موخش بر تمرکز قوت ، باشند آشان  
 كميلرى ، متعاقباً دشمن رهبر و يار هيرلرخى هدف اتخاذ اتمكه .  
 مقتدر قيلمقله استحصال اولنه بيلير . بويله بر صورت حركت  
 اختيار اولونديغى تقديرده ، باشند آشيلان دو ناماك طور -  
 بيدولرينه تعلق ايدن ستون ايديشه لر دخى اپى ر زمان ايچون  
 زائل اولمش بولونور .

هر ايكى طرف ، سالف الذكر ايكى اصولدن ريله آتش تمرکز لرينه  
 مساعد اولان وضعيتك تأمينده چاليشه حق و بو حركت ائناسنده  
 ايكى طرف ده ، بويله ر وضعيت مساعدنى كندى ائنه تأمين  
 خصوصنده صرف مقدورت اتمكه را بر خصمنى ده بويله بر موقع  
 آلمقدن منعه قيام ايده جكدور . بونتيجهك استحصالى امرنده  
 وقوعه كله حركت اوليه صره سنده بر طرفك ياپه جنى  
 ياكلش بر مانوره ، خصمنك بويله بر فرصتدن استفاده ايده -  
 بيلمسى تقديرنده فاعلى ايچون يك وخيم اولور .

ميدانه چيقان بر بوشلقدن استفاده ايده بيلمك قابليتى ،  
 تجارب مكتسبه ايله انكشاف و تكامل ايتمش برفك و معرفته  
 وابسته در . نقصائى قابليتك ، مانوره ياپديريله حق سفاثنك

سرعت فائده سیله تضمین وتلافی ایدله بیله جکی امید ی ، هر -  
حاله تحقق ایدمه چکدر .

سرعت فائده ، بر تعیه عاملی ماهیتند در . بر کمی یه ویر یله -  
بیله جک هر هانکی بر خاصه — سرعت فائده وسائره کبی -  
مقتدر بر قوماندان آئنده ، لایقی وجه اوزره استعمال واستعمال  
اولنور . سرعتک ، خواص سائره جه فدا کارلق ایتد کجه تزیادینه  
امکان اولمدینی دانما در پیش ایدله لیدر . شو جهته ده خاطر ده  
بولوندور لما لیدر که ، سرعتجه ارزو ایدیلن فائیت ، وقیبلرک  
انشآت بحریه سیاستلریله در عقب یا زاله ایدیلر ویا خودده  
دون ر مرتبه به اسقاط اولنور . سرعت فائده دن قزانیله جق  
فائده تعییویه کلنجه ، بوبانده سیوک بر اختلاف فکر ونظر  
واردر . استحصال ایدیلن فائیت ، مهم بر درجه ده ایسه ،  
خواص سائره نک تناقص ضروری صورتده اختیار ایدیلن  
فدا کارلق پک عظیم اولمق ایجاب ایلر . بوجهت ، عمومیت  
اوزره هر کسک تحت تصدیقنده در . عینی صنفدن سفانده  
۱- نسبتی آشان بر فائیت ، نادر الوقوعدر .

بوله رحده قدر حیقان فائیت سرعتمه مالکیتدن متحصّل  
نتایجک ، ایکی فیلو آره سنده اجرا ایدیلن بالفعل تعلیملر

و مانوره لرله مؤید بولونان تدقیقات عمیقہ سی ، ہر ایک طرفہ محاربہ ایتک عزم وشوق اولدینی تقدیرده ، وقوعہ کلہ جک مجاہدہ کی فضلہ سرعت فائدہ سنک بر تأثیر قطعی اجرا سنہ کفایت ایدہ میہ جکنہ دلالت ایدر .

یوقارودہ موضوع بحث ابتدیکمز فائیت سرعت ایله تبدل منزل ، نسبتاً اوقدر بطی بر صورتده حصولہ کلیرکہ بوبطائت طولایسیلہ آتش آلتندہ قالینہ جق مدت ایله طویلرک دریسه اولنہ بیله جکلری قوس دائرہ نک حدودی ، بوندن دہا زیادہ شایان اهمیت کورولور . سرعت فائتہ ایله طویلرک بیوک دریسه قوسلرندن ایکسی دە ، آلات و وسائط بحریہ نک عناصر مهمہ سندن معدود اولوب احتمالکہ عینی درجہ دە شایان اهمیتدرلر . مع مافیہ ، تعبیہ خطالریخی تلافی خصوصندہ صوکرہ کنک قدرت وفائدہ سنہ قائل اولانلر ، اولکنہ طرفدار بولونانلردن یک آزدر . ہر ایک حالہ دخی ، قدرت وقابلیت بشریہ نک نقصانی تلافی امرندہ مجرد وسائط حربیہ نک قدرت ومؤثریتنہ ذاہب اولمق ، بیوک ضررلرہ باعث اولور . چونکہ صنعت بحریہ نک ہر شعبہ سی بوندن متأثر بولونور .

سرعت فائقه نك منزل انتخابه یارایه جفی ادعاسی ، انجق  
 بر حده قدر طوغریدر . بولك ایچون ، دشمنك بورده آتشی  
 داخل حساب ایدلك ایجاب ایدر . بویه بر آتشك شدت  
 و قدرتی ، آچیلغه اجبار ایدرك اصغری منزلی ده تثیت و تقریر  
 ایده یلیر . سرعتك ، مجادلنه قبول ویا مصادمه دن استنكاف  
 ایده یلمك قدرتندن فضلہ بر فائده تعبیه تأمین ایدوب اتمیه جکی  
 خصوصی ، الان مغلق و مشکوك بر مسئله اولوب مجارب  
 فعلیه ایله لایقی وجه اوزره تدقیق و تحقیق ایدیلنجه به قدرده  
 شكل حاضرینی محافظه ایده جکدر . بر زمانلر ، سرعتك ، اسلحه نك  
 انتخاب خصوصنده بر رحمان ویا فائده مخصوصه بخش ایده ییله جکی  
 ادما اولنش ایسه ده طوب ، حرب بحری وسائط اجراییه سی  
 میاننده او یله ر موقع اهمیت اخذ ایله مشدرکه یو یوزدن دوناما  
 محاربه لرنده هیچ بر انتخاب و اختیاره محل قالمامشدر .

معینده عالی سرعتلی کیلر ( ایستر زرهیلیر ، ایستره  
 قرووزرلر ویا طورپیدو مراکبی اولسون ) بولونان بر فیلوده  
 بوقیل سریع السیر سفائنك ، دشمن نظام حربنك پروواسنه  
 طورپیدو انداخت ایده یلمکه مساعد بر موضع آلتق ایچون

کوستره جکاری غیرت و مساعی ، کندی قوه اصلیه لرینک ، سرعتجه دشمنه فائق بولوندیغی تقدیرده تسهیل ایدلمش بولونه- جقدر . بوصورنده ، خصمک محاربه ایتمه یین باش اوموزلنی ، عالی بر سرعته مالک بولونان بویله برفرقه ایچون اک مساعده برموضع تشکیل ایدر .

محدود و محصور صولرده احتمالکه سرعتلی رفیلو ایچون بعض مرتبه فوائد و منافع بولونه بیلیر .

علی العموم ، سرعت فائقه ، بوکا مالک بولونان طرف ایچون محاربه یی قبول ویا مجادله دن استنکاف خصوصاً صولرنده برحق انتخاب بخش ایده بیلیر ؛ فقط ، بوده ، محدود بر زمان ایچوندر .

تاریخک دلالتی ایله ثابتدرکه متبادی تحریات و تعقیبات ، یا محاربه یه ویا بالا محاربه حاکمیت بحریه یه منجر اوله جقدر . تعبیر دیگرله سرعت نسبیله لری نه اولورسه اولسون ایکی مهم قوه بحریه ، بالا آخره محاربه یه طوتوشمدن مدت مدیده عینی صولرده قالماز . تاریخ ، بوجهتی مکرراً اثبات ایتشدیر .

باشلیجه دول بحریه نك کمی انشا آتی خصوصنده تعقیب ایتدکلری سیاستلرده ، علی العاده و مشترك فیه برزهرلی صنفه

تقرب ایچون برتمایل مخصوص کورولمکده در . بویله علی العاده  
ومشترك برصنفدن ، قدرت حربیه ( طوب قوتی ومحفوظیت )  
نك سرعت ودا ایدلمسی جهتیله واقع اولان کوزه چارپار بر  
انحراف وتباعدا ، بی معنا کورولمك اقتضا ایدر .

بونکله رار . بوقیل مشترك واساس برکمی ایچون مناسب  
اولمق اوزره وقت وقت قبول ایدیله بیان سرعت نه اولورسه  
اولسون . بویله راساس کمی یه نظراً مهم رسرعت فائقه بی حازر  
بولوبان بر قاج آغیر سفینه حربیه یه مالکیتده بحریه ضابطانی  
ایچون بعض مرتبه منافع وفوائد بولونه جنی پك ممکندر .

سرعت جهتیله بویله بر قزانج ، علی العاده اساس طوتیلان  
کیدن طولرک عددی تنقیص وتقلیل ایدرک وعینی زمانده دخی  
ضویلرک چاپیله زره محفوظیتی تام ترتیب اوله رق ادامه ایلیرک  
آلده ایدیله بیلیر . ویاخود بونیجه ، زرهللی قرووزرده اولدینی  
کبی طولرک عددی تقلیل ایتمکدن ایسه کرک چاپی وکرکسه  
زره ک تخنی تنقیص ایله مکله استحصال اولونور . برنجی اصول ،  
عمومیتله شایان ترجیح کورولمکده در ؛ چونکه ، محاربه ده  
بوصنفدن اولان سریع السیر بر زرهللی ، برابرنده بولوندینی

مشترك واساس سيستمده کی سفائنك تشكييل ايتديكى نظام  
حرره — منزل وسائر جهتلريله عینی شرائط تحتنده بولومعله —  
التحاق ایده بیلیر .

نونلرك، سیار ومستقل رفرقه حالنده استعماللرینه اشارت  
اولونمش و بیوک برقوتله استکشاف و تحریاته الویریشلی بولمه .  
جقلری ده دریش ایدلمشدر . یداختیاریده بولمه ایکی سلاح  
بولومان رباش قوماندان ، تعییه نقطه نظریدن بیوک منفعت وفئدهیه  
مالک بولوبور . چونکه دشمنك نونلرك بریدن توقی ایچون کوستر-  
دیکی فعالیت صیره سنده دیکرینه معروض اولماسی تهلاکه سی ده  
واردر .

یوقاریده ، سرعتدن صرف نظر . بطی السیر ردونامایی  
مضر بروضعیته القا ایدن احوال و شرائطی مناقشه ایتدیگمز  
دقت ایتك ایجاب ایدر .

طوبك اصول تعییهیه دخل و تأثیری — دونامالرك محاربیه  
کریشدکلری مسافهك تدریجاً ترایدی ، طوبدن غیری ستون  
اسلحه حریهك تأثیرندن کلیاً آزاده ومستقلدر دینه بیلیر .  
محاربات اخیره ، طورپیدونك منزل مؤثری خارجنده قالان

مسافه لردن اجرا ایدلمش واستقبالده دخی بو حالک دوامی  
بحزوم بولونمشدر . بوحال ، برچوقلربنک ظن وذهابی وجهله  
طورپیدونک اساعه حربه میاننه قبولدن متولد بر نتیجه  
ضروریه دکلدر .

بو ، طویلرک منزل مؤثرنده مشهود اولان متوالی تزايدک  
بر نتیجه سی اولوب طوب آتشی مؤثر قیلان آلات و وسائل  
دخی بومیانده داخلدر . دول بحریه ، کیلرینه وضع ایتدکری  
طویلرک منزلی تزید ایچون بذل غیرت واقدامده متفقدلر .  
بوخصوصده استحصال ایدیله جک تزايدن استفاده فکر  
وعزمنده بولونقلری دخی، درپیش تصور ایدلمک اقتضا ایلر .  
زرهیلر ایله قرووزرلردن ستون طورپیدو سلاحنک دفع  
ورفعی ، کربک دونانمار وکرکسه منفرد کیلر میاننده وقوعه  
کله جک محاربات بحریه مسافه سنده ریارده قدر تناقص بیله  
حاصل ایده مز .

طورپیدولر ، قره محاربه لرنده مستعمل دکلدر ؛ بونکله  
برابر ، صوک یارم عصر ظرفنده محاربلاک آتسه کیریشدکری  
مسافه ویا منزل ، دکزده کورولدیکی نسبتده تزايد ایله مشدر؛

مع مافیه ، تعبیه اساسلری ، کمی طویلرینک مهم برص-ورنده  
تزايد ایدن منزلندن ، یکی اصول قوای محرکه نك قبوليله استحصال  
ایدیله بیلن مهم و متزايد سرعتك تأثیرندن فضله بر تأثیر ایله  
متأثر اولمش اولمادی .

ایکی کمی آراسنده کی مجادلات — محاربه نك اصول  
تعبیه سی ، دونائمالر میاننده اولدینی کی ایکی کمی آراسنده کی  
مصادماتدهده جاریدر . بوتقدیرده ، بالطبع ، عمومیتله دون بر  
قوتی ، فائزیت موضعییه قلب و تحویل ایتك موضوع بحث  
اوله ماز . برچفت محاربیدن بری . دیکرندن دها قوتلی بولونو-  
رسه اشبو فرق و تخالف ، ضعیف اولانك — کندیسسی ماده  
دوچار خسار اولدن — کندیسسیله همحال و مساوی اوله حق  
مرتبه لرده قوی طرفی ازوب خیر پالاماسنه قدر دوام و تماندی  
ایدرکیدر . حتی صوك زمانلره تعلق ایدن تجارب حربیه .  
بو حالك ممکن الحصول اولدینی ارانه ایله مشدر .

اوحالده ، بردشمنك فائزیت سطوتی — منفرد سفائن  
محاربهلرنده — ازاله ایتمه نك بریولی اولدینی استدلال ایدیلیر . هر  
ایکی طرفك مرتبائی مکملأ تعلیم و تربیه یه مظهر ایدلمش اوله حق

اولورسه ، بویول ، دها بیوک بردرایت ومهارت تعبیویه  
اظهاریله کشف ایدیله بیلیر .

شوجیهت ثابت ومسلمدرکه ، مخاصم ایکی کمیدن بری  
دیگرندن پک زیاده قوی الشکیمه اولورسه، اوبری ، پک مضر  
بر وضعیتده قالیر . بویله بر مضر تک دفع و ازاله سی ، مجادله یه  
کیریشن ایکی دوناماده اوله سیله جگنندن دها کوچدر .

احتمالکه حال حاضر قرووزر لرینک مهم صورته متزاید و  
پک بیوک حجمی ، بوندن یا ککش بر استدلال نتیجه سی اوله رق تولد  
ایتمشدر . بویله بر استدلال یا ککشدیر ؛ چونکه بونکله ، قوتلی  
کینک دائما ملاقی اولوق ایستدیکی ضعیف بر س فینه حریه یه  
مصادف اوله جنی دریش ایدیله . حجم متزایدک — طبیعتیله —  
عددی تحدیده سبیت ویرمی ، بو حالی او مرتبه امکانش  
قیلارکه بویوزدن ایسته نیان شرائط داخنده تلاقیر بالضروره  
نادراتدن اولور . بحر محیط کبی واسع بر ساحه داخنده هر  
ایکی طرفک قرووزر لری بیننده بر تلاق و قوعی ، بونلرک چوق  
مقدارده بولونمسیله بر حد معقوله ارجاع اولنه بیایر ؛ حالبوکه  
طارو محدود صولرده بویله بر ضرورت یوقدر .

دشمنك برقاچ بيوك قرووزرى بولوندينى تقدیره، كندی طرفزه منسوب كثيرالعدد قرووزرلردن قسم اعظمك وظائف مأموره لرنده، خصمك كیلری طرفدن دوچارموانع اولیه جنی قبول اولنه یلیر . دشمن قرووزرلری ، بزم کیلردن هر هانکی برینه راست کلنجه — اك قوتلی کیلره مالک بولوندينى ایچون — دشمن طرفی غالب بر وضعیتده بولنور . برکسه چیقوبده حربده ر طرفه منسوب کیلرک دها قوتلی بر دشمنه راست کلدن بتون وظیفه لری کال امنیتله ایفا ایده یلملری چاره سی کشف ایدنجه به قدر بونی منعه ده امکان یوقدر . بو چاره ک کشفی دخی ، حرب بحرینک ختامی دیمکدر .

طورپیدو حربی — برطرفک طورپیدوی سلاح اصلی اولوق اوزره قوللاندینی حرکات حربیه ، حرب بحرینک بر شعبه مخصوصه سی تشکیل ایدر .

برصنعتک بتون شعبات مخصوصه سی کی — چته محارباتی . قره سفرلرنده بوکا بر مثال تشکیل ایدر — اشبو حرکات حربیه دخی آنجق احوال و شرائط محدوده داخنده قابل اجرادر . احوال و ایجابات ، بویله بر سلاحه پک مساعد اولمدجه بو قییل حرکاته تشبث ایدیلمز ؛ چونکه ایدیله مز .

طور پیدو حرکاتندن مقصد ، بر دشمن دونانماسنک  
 مهم بر قسمی کورلمدن تخریبه امکان بولمقدور . طور پیدو  
 هجوملرینه قارشی اتخاذ ایدیلن اصول مدافعه ، مجرد برماهیت  
 منفییه بی حائر بولونیورسه ، مهاجملر ، بالخاصه تحت البحر  
 مراکب ، کندیلرینه مساعد بولونان احوال و شرائط ضیائیة دن  
 استفاده ایدرک سزلمدن شکارلرینک اولدقجه یاقین بر مسافه سنه  
 کیره بیلر و بو صورتله ده هیچ بر سکتیه اوغرامدن ایشلرینک  
 بر قسم مهمی اجرا ایتمش بولونه بیلرلر . بو کیفیتک ادراک  
 و تقدیر ایدلمسی اوزرینه مخرب صنفی میدان چیقدی ؛ مخربلر ،  
 اساساً ، بالذات طور پیدو مراکبی هدف هجوم اتخاذ ایتک  
 مقصد قطعیسی اوزرینه اعمال وانشا ایدلمکده ایدیلر .  
 بو کیفیت ، طور پیدو بو طلرایچون کندی سلامتلی  
 غیرت و فعالیتله نهیه و احضار لزومنی استلزام ایتمکله برابر منتظم  
 بر محاربه ده بر طرفک هجوم ، دیگر جهتک مدافعه وضعیق  
 آله جنی عادی اصول تعیه و ایدیسنه ده کیرر . علی العموم جای  
 قبول بولان تعیه اساسلری . احوال سائر ده اولدینی کبی  
 بوراده دخی موقع تطبیق بولور .

روس — ژاپون حربی ، نه مخربك ونه ده طور پیدو بو طك اساسات عمومیه ده هیچ بر تحول حاصل ایده . مدیکنی کو ستر مشدر . اشبو مرا کبک بعضی مرتبه فائده لری وار ایسه ده یالکزن باشلرینه ایش کورمکه قدر تلی یوقدر ؛ بونلر ، دیکر سفائن صغیره مثللو ، بیوک کیلرک حایه ومظاهرتنه عرض افتقار ایدرلر . بو صنفدن اولان روس سفائی ، کندی طرفه منسوب زره لیلرک طالعربنه حصه دار اولمشلردی . بونلر ، ترصد وظیفه سنه مأمور بولونان ژاپون فیلولرینی طرد وتبعید دن ، دکر مواصله سنی کشاده بولوندر مقدن ومانجوری وقورا سواحلنه عسکر اخراجاتنه مانعتدن عاجز وقاصر بر حال اضطرار ایچنده بولونیورلردی .

طور پیدو مرا کبک ، وقوعه کلان بر محاربه ده طوپ آتشیله زیاده سیله خیر بالانش دشمن کیلرینک خرابیسنی اتمام واکمال ایتک خصوصنده کی فائده سی ، بر امر تعییه دن زیاده تدبیر موقت ماهیتنده بولونور . خسار زده سفائی قعر بحره کوندرمک مطلوب اولدینی صورتده بونتیجه ، کافی چاپده طوپلرله ، طور پیدولر قدر تأثیری کورولمک اوزره موقع فعله اخراج اوله

بیلیر . مع مافیہ ، بودہ ، محاربہ ایدن سفائنك جبخانه انكارنده بولونه میه جق ویا بولوندیغی تقدیرده اسراف وابداله مساعد اولیه جق مرتبه لرده جبخانه صرفنی ایجاب ایدر . بوندن باشقه ، قاجه میه جق درجه لرده خیر پالانان برکینك غرق ایدلمسند کی حکمتی اکلامق قولای برشی دکلدر . بویله رکمی ، باطیر یله جق اولورسه اغتنام ایدیله مز . بومکی ، مرتباتی طرفندن تسلیم ایدلمه یوب باطیر یلیرسه ، نتیجه — بونك کندی طرفنه ضرر و زیانی ایله برابر غنیمت حریبه اوله مامسی کیفیتی — تمامبله عینیدر ؛ چونکه غالبلر ، بویوزدن بر واحتمالکده ر چوق طور پیدو اقتصاد اتمش بولونه جقلدر .

بناءً علیه ، بو حالی اداره ایدن ، اصول تعبیه دکل تدبیر موقتدن عبارتدر .

دکزده تعلیم و ممارسه مك لزومی — تعبیه اساسلرینك تقدیر و قبول ایدلمسندن صوکره ، بونلرك موقع فعله وضعی اصوللرینك تلقینی قالیر .

مکتبلرده کی تحصیل ، صرف رسمیته انحلال و انقلابنه میدان ویرلمه مك شرطبله ، بعض مرتبه تأمین فوائد ایلر . علی العموم مکتب تحصیلنك پك بارز برخاصه لازمه سی اولان

رسميته طوغرى نمايل . موضوع بحث اتخاذايتديكمز تحصيل  
مخصوصه نظراً دكزده صيق صيق تعليمار و ممارسه لر اجرا  
ايدرك قونظرول آلتنده بولونديريله بياير . حق اول امرده ،  
بوقبيل ممارسه لرك ، مكتبلرده تامين ايديله بيله جك هر هانكي  
برقسم تحصيلدن دهايك مهم اولدينى تقدير ايدلمدكجه بوبابده  
برواسطه مانعه (قونظرول) خدمتى كوره ميه جكي ده مسلمدر .  
برتعيه وسوق الحيش مكاتبى . ايكي يوزلى برسلاح مثابه .  
سنده در ، بوسلاح ، بردقت متمايه ايله استعمال ايدليه جك  
اولورسه ، قوللابان آله ضرر ويرر .

رمكتبده . كفايت حربه ايچون لابلداولان تاريخ بحرى  
درسلى مكملاً اوقوتيله بياير . فقط ، بوتدريسات اتناسنده دنى  
تاريخك ويره بيه جكندن فضله سنى آلمغه ، اوزون بويلو استدلا -  
لانده بولونمغه قالدیشماق لازمدر . تاريخه ، اساسات تحريسي  
ايچون يعنى زمانك ووسائط ماديه نك تحولاتى مواجهه سنده صحت  
قطعيه سنى محافظه ايدن وشرىك دأتما اولدينى كى قالدینی مدتجه ده  
محافظه ايدم جك اولان قوانين ازليه ايچون مراجعت ايدلمه ليدر .

## اوچنچى باب

### صلح زمانلرينه متعلق سوق الحيش

حرب ايجون اولدني كچي صلح و آسايش زمانلري ايجون ده برسوق الحيش موجوددر . اشبو سوق الحيشك فعل و تاثيرينه حد و پايان يوقدر . بونك ماده اصليه سي ده ، استحضارات حربيه دن عبارتدر . سوق الحيشك بوقسمي ، مخاصمانك عدم وقوعي تقديرنده بيله . بر حده قدر ، يك مؤثر برصورت قلب ايديله بيلير .

بو آنه قدر هيچ بر حرب بحري به اشتراك ايتمه مش بولونان المانيا ، بوباده كوزل بر مثال تشكيل ايدر . المانيا ، بر بحريه حربيه به مالكيتمدن بري ، قرق يش سنه اقدام اهميتمنز ايكي كمينك غير قطعي بر مصادمه سي مستتتا اولمق اوزره ، دكزده هيچ بر كيسيله بر دشمن سفينه حربيه سنه تك بر كوله بيله آتما مشدر . في الحقيقه ، آلمانيا ، قدرت ماديه جه مهم بر دونانما وجوده كتير مش وفرصت ظهور ايدجك اولورسه ، بويله بر قوتي لايقي وجه اوزره استعماله مهيا بولونمش اوله جنف ده شبه دن عاري كور و ملك لازم كلشدر . اساساً ، صحيح و معقول بر سوق

الحیث شده ، فوق العاده بر انکشاف و تعالی به مظهر اولان تجارتسک بر لازمه متممه سی اوله رق قوتلی بر دونانمانی ایجاب ایتدیریوردی .

صاح زمانه متعلق سوق الحیش ، هر درلو فقراتیله ، حرب هنکامنده تصادف ایدلسی ملحوظ بولونان هدف مقصودک ترویج و تأمیننه سائق اولمالیدر . بویله برافاده مجرده ، معلومی اعلام صورتنده تلقی ایدیله بیلیرسه ده حربک ظهورنده اک انی نتایج استحصال ایتک مراد ایدلدیکی تقدیرده ، ده اصلح زمانلرنده تشریک و تألیف مساعینک لزومنی ارئه ایتک ایچون تکرارندن فائده مأمولدر .

امور بحریه دن هر هانکی برینه تثبت ایدرکن و یا اداره بحریه متعلق هر هانکی رفرع ، درپیش تدقیق ایدیلیرکن : ( حربه . بونک نه کنی بر فائده سی اوله بیلیر ؟ ) سؤال مقدرینه معقول بر جواب ویرمه لیدر .

حد ذاتنده اوافق و غیر مهم بر ماده ده ، منفرد قالمق شرطیله بوجهتک اهالی ، جدی و وخیم نتیجه لره منجر اولمایه بیلیر ؛ فقط بوکبی مواد واحوالک تراکمی ، لایحصا خسار و مضاره میدان آچار .

استحضارات حریه . ستون صنعت عسکری به حاکمدر .  
موفقیت هائیه دخی . همه حال واسع استحضارات حریه  
پروگرامنك استناد استدیكى اساسلرك اى ویا فنا بر صورتده  
تطبیقى خصوصنه وابسته در .

تاریخ، استحضارات لازمه به بوسل اتمه ملری یوزندن حربلرده .  
ملل مغلوبه نك دوچار اولدقلری ضایعات مدهشته نك تفصیلاتی  
ایله مالامالدر . اسپانیا ، فلمنك و فرانسه اك زیاده حرب ایچون  
استحضاراتده بولونما مق حسیبیه متعاقبأ دكزلرا ایمراطور لغنی ضایع  
ایله مشلدر . ( ۱۸۰۵ ) سنه میلادیه سنده انككتره ، ' ( نلسن ) ك  
دهاسی و دونائالرینك مكملتی سائقه سیله فرانسه به غالب  
كلش ایسه ده عینی زمانده خصمنك لاقیدیء محریسی  
وفیلولرینك عدم كفاى خصوصندن ده بك زیاده مسنهید  
اولمشدی . ایتالیا ، ماده مهیب کیلر جمع واحضاری ایله  
بر مظفریت بحریه تأمین ایدیله سیله جكنه قائل اولدیغی ایچون  
( لیسنا ) ده مغلوب دوشمشدی : لیسنا محاربیه سنده فقدانى  
حس اولونان کیفیت . برباش ایله معلم و مجرب مرتباتدن باشقه  
برشى دكلدی . اقصای شرقده روسیه سطوتنك افول و اضمحلالی ،

مدت مدیده استحضارات حریبه ده بولمقدمه اولان ردیکر  
ملک برکون کلوده پیش عزمنه دیگیله بیله جگنی ادرالک  
ودرپیش ایده مه مسندن تولد ایله مشدی . بعضی ملترلده  
کوردولمشدیرکه اولجه استحضارات لایقه ده بولومدن حربه  
کیریشمشلر و بوحالک نتایج ضروریه سی دخی مال و جان جهتیله  
یک زیاده صرفیات صورتندۀ ظاهر اولمشدر .

مسئله هر ایکی جهتدن یعنی غالب و یا مغلوب نقطه نظرندن ده  
باقیلتجه ، استحضارات متقدمه ک اهمیت قطعیه و عاجله سی کون  
کبی آشکار اولور .

بو . رد واسکاری قابل اولمایان رقصیه ماهیتندۀ در؛ چونکه ،  
عصرلرک تعاقب ایدن تجاری ، وجهتندۀ شبهه راقمیه جق  
مرتبه لرده صریح و قطعیدر ؛ و بولک قدر متفق علیه براساس  
حرب یوفدر .

مطلوب ایدیان سفائن صنفلی — حرب بحرینک تجارب  
مدیده سی ، دول بحریه نک افعال و اجرا آتیله متفق علیه اولدینی  
ظاهر اولان براعتقاد حاصل ایله مشدر ، اوده : رد و نامانک  
اوج بیوک سفائن صنفی احتوا ایتسی واشبو صنفلرک دخی

بر تقسیم داخلی به زیاده سیه مساعده بولونماسندن عبارتند .  
 ( تراقالفار ) ايله ختام بولان ايکي عصره شامل اولان محاربات  
 بحريه جسيمه دورنده ، خط حرب سفاتي ( قالونلر ) ،  
 فرقينلر و مراکب صغيره موجود بولونيوردی . بوکون سفائن  
 مذکورده ني ، زرهليلر ، قرووزرلر و طورپيدو بوطلر ،  
 مخربلر و تحت البحرلر کي کوچك و خدمات خصوصيه کيلري  
 تمثيل ايدر .

ا ک اول ذکر ايديان صنفده بولونان سفائن يعنى زرهليلر ،  
 دونانما محاربه لرنده بيوک فرقه لر حالنده دو کوشمکه مخصصدرلر .  
 بونلر ، حرب بحرينک باشيجه اسلحه تجاوزيه سني تشکيل ايدرلر .  
 زرهلي قرووزرلر ، يادشمندن معلومات آلق ويا کندی  
 دونانماسنک حرکاتي مخاصم کشافلردن سترواخفا ايله مک او زره  
 دونانمايه کشاف صفتيله ترفيق ايديلير ؛ دشمن دونانما ويا فرقه  
 سنک حرکاتي تعقيب - نرصد وراپور ايتک ؛ سفائن تجاريه يه  
 رفاقت و حمايه ايتک ويا تجارت ممرلريني محافظه و قره غول ايتک  
 و تجارتیه تعرض ايله مک بونلرک جمله وظائفندن معدوددر .  
 خواص ميزه لری اعتباريله زرهليلره پک ياقين بولونان بعض

زرهلی قرووزرلر ، زرهلیلرله برابر محاربه ایدمه جکله در. دشمن یاقین بر مسافده بولوندیغی زمان بونلر ، استکشاف خدمته کوندریله بیلیرسه ده، محاربه باشلامدن اول قوه اصلیه التحاق ایدمه جکله مرتبه لرده اوزاغه سوق ایدیه مزلر. محافظه لی قرووزرلر، عمومیتله قدرت تعرضیه و تجاوزیه جهتلیله محدود بولونقلرندن حرکات بحریه نوع وجنسک مساعداوله بیله جکی خدمات ووظائف ایفایه مختص بولونورلر. بونلر ، بردونامایه کوزجی صفتیه رفاقت ایدوب دونامانک محافظه سنه مؤکل و مترسد اولورلر . بینه بونلر ساحل قره غولی ، تجار کیلیری حمایه ، تجاری آبلوقه و تجارت تعرض کبی ایشلرده استخدام ایدیایلرلر .

اوجنجی صنف یعنی مراکب صغیره ایسه نوع وماهیاتی ، طاشیدقلری اسملرله تظاهر ایدن خدمات ووظائف مختلفیه مامور بولونورلر .

طورپیدوبوطلر ، برملککتک ساحل ویا لیمان مدافعه سیاره . سنک بر قسمی تشکیل ایتمکله برابر آیریجه ده سعه حرکتلرینک، اس الحركه لرینک ومرتباتلرینک قدرت تحمیلیه لرینک مساعده سی مرتبه سنده دونامایله بولکده اجرای حرکات ایدورلر .

. ضرر پید و بوط آزمانی اولان مخربلر ، زره لیلره رفاقت  
 ایتک اوزره ترتیب و اعمال اولونمش اولیغله بونلری ، مخاصم  
 طور پید و بوطلردن ، تحت البحرلردن و دیگر مخربلردن صیانت  
 ایدر بوندن بشقه ، مخربلر ، دشمن کیلرینه هجوم ایله ده مکلف بولونور .  
 تحت البحرلر ، رملکت لیمانلرینک مدافعه سییاره سنک  
 بر جزوئی تشکیل ایتکله برابر سعه حرکتلرینک مساعده سی  
 داخلنده دوناما ایله برلکده اجرای حرکات ایده بیلرلر .  
 هر صنف ، کندینه مخصوص اوصاف بمیزه مالک بولونمالیدر .  
 زره لیلره مهم مقدارده کومور استیعابنه الیریشلی اولوق  
 لازم کلیرسه ده بر زره لیده — حدود معقوله داخلنده بولونمق  
 اوزره — طویلر و زره ، سرعتنه تقدم ایتک ایجاب ایلر . قروزلر ،  
 کومور جهتیه بیوک بر قدرت استیعابیه ایله برابر سرعت عالییه  
 یه ده مظهر بولونمالیدر . برکینک بنیه انشائییه سنه ادخال ایدیله —  
 بیله جک عناصرک بر حدی اولدیغندن خواص مذکور منک ،  
 طویلرندن و ذره نیدن بعضی مرتبه فداکارلقلره استحصالندن  
 بشقه چاره یوقدر . سفاتی صغیره نلک قسم اعظمی ایچون — کندیلرینه  
 مرتب خدماتی لایققله ایفایه مدار اولوق اوزره — سرعت عالییه .

رلزوم مبرم شکندمه ظاهر در . بوخاصه حربیه دخی، هم ضوب  
وهمده کومور استیعابی جهتیه ایدیه جک فدا کار لقلره مال  
اولق لازم کلیر .

. متجانس دوناما — برمتجانس یعنی مختلف الصنف سفائن  
میرکب بولونان جزو تاملری، بر صنفده حاکم اولان اوصاف تعبیه  
وسوق الحیشیه جه عینی درجه ده انکشافه مظهر اولمش بر دونامایه  
مالکیتمده هم تعبیه وهمده سوق الحیش نقطه نظرندن فئده  
و منفعت وارد در . بو صورتله، جزو تاملر، محاربه ده کرک تعرضی  
و کرکسه تدافعی عینی قوللانی شایاق اوصافی حائز اوله جقلر  
ونظام حربک هر نقطه سنده دخی عینی مکنت و متانت بولویه .  
جقدر . بو تقدیرده سرعت، قدرت استیعابیه و دکز جیلک کبی  
اوصاف سوق الحیشیه دخی بر صنفدن اولان سفائن بر لکده  
اجرای حرکات ایدر و یا شرائط مماثله تحتند بولونور ایکن عینی  
اوله جقدره . بو صورتله کرک بالذات کیلرک قدرت و اجرا آتیه  
و کرکسه بو تفرک لوازم ضروریه و سائر سنده نظرتاً استحصال  
ایدیه بیله جک نتیجه، دها قولایقله حساب و تخمین ایدیه بیایر .  
مطلوب اولان سفائن عددینه اثر ملاحظات — سائف الذکر

اوج صنف سفائنندن هېښنی احتوا ایدم چک قدر بیوک بر  
بحریه نك قدرت وسطوتی نه اولورسه اولسون ، بهر صنفده کی  
سفائنك عددی ، معین بر اساسه توفیقاً تقرر ایتدیرلمه لیدر .  
فی الحقیقه ، تأمین مالکیت ایتك ممکن اوله بیلدیکی  
تقدیرده بهری ، دشمنه منسوب بولونان کیلردن دهه قوتلی  
اولمق اوزره دهه بیوک مقدارده سفائنه صاحب بولونمق  
اك اینی بر حرکت اولور ؛ فقط بوکا چاره وامکان یوقدر .  
اول امرده بوکا مانع اولان کیفیت ، مصرفك فضله اولیشی در .  
چونكه اك زنکین ملتده بيله مكلفك کیسه سندن ایديله بيله چك  
مطالبیه برحد واردو . بوندن ماعدا ، رقیب موقعنده بولونان  
مهم دولتلر ، سیاست انشائیله لرینی ، هیچ اولمازسه سزك  
بعضی کیلریکزه فائق ابعادده بعضی سفائن اعمال ایدم چك  
صورتده سوق و اداره یه قادو بولونورلر . جدی بر رقیب  
اوله بيله چك مرتبه ده قوی و قادو بولونان هر هانگی بر  
دولتك ، مجرد اوندن فضله کمی ندارك واحضار ایتمكه  
مطلوب ایديله میه چکی ایسه هر کسك تحت تصدیقنده در .  
تأمین مالکیت ایتمه من ايجاب ایدن زر هیلرک عددینی تقرر

ایندیررکن ، بر مقدار مناسبه مالک اولدیغمز تقدیرده ، بونلری حربده نه وجهله استعمال ایده جکمز کشف و تعیین ایتمه مز لازم کلیر . زرهللی قوتی ، صلح زماننه متعلق سوق الحیدشه بر عنصر مهم اولمق اوزره تاقی ایدلمه لیدر . حالبوکه ، اگر حرب هنکامنه تعلق ایدن سوق الحیش مؤثر اوله جقمسه ، صلح زماننه عائد بولونان سوق الحیشک صاعلام اساسلره ایتنا ایتیمی ایجاب ایلر .

بو کیفیتک درپیش ملاحظه ایدلمسی ، مهم مسائل تعبیه تولید ایدرکه ، بونلرده : معین بر دشمنه ویا بر اتفاق خصمانه یه قارشئ مقابل و محائل و عینی زمانده مساوی مقدارده کیلرله می ؛ ویا خوددها آز مقدارده و محاصمک کیلردن دها قوی وسطوتلی کیلره ویا متوسط حجمده کثیرالعدد سفائنه مالکیت تأمین ایتمکله می ؟ دها بیوک فائده حاصل ایدیله بیله جکی خصوصاً صلیرنک تقرر ایتدیرلمه سندن عبارتدر .

قروووزر قوتی قرارلاشدیررکن مدافعه ایدیله جک خصوصاً صات ایله برابر تصادف ایدلمسی باحوظ اولان ایجابات تدافعیه یه قارشئ اتخاذ اولنه جق حرکات دخی داخل حساب ایدلمه لیدر .

بونلردن هر هانکی برنده مشهود اولان تزايد ، قرووزر قوتنك تزييدينه سائق اولماليدر . اشبو تزايد دنخي ، يافردا قرووزرلر حجهنك وباخود مجموع جهريسنك تزييديله استحصا ايديله بيلير .

هانكي اصولك انحاذ اولنه بيله جكنه دائر بر قرار اعطاسنه مدار اولمق ايچون تجربه يه يعنى تاريخ بحري يه مراجعت ايتك مجبوريت تحتنده در . بويله بر مراجعتده مساعحه وتكاسل كوسترليكي تقديرده حرب بحري به متاق مسائل مهمه نك تقرر ايتديرلمسي خصوصنده صرف ايديله جك غيرت ومساعى ، عموميت اوزره عقيم وعبت كورولور .

اوچنچي صنفك — يعنى مراكب صغيره ايله خدمات مخصوصه سفائى — قوه عموميه سى ، بونلرك بالفعل حربده كي افعال ووظائفنه نظراً تثبيت وتقرير ايدمله ليدر .

طورپيدو بوتلره ، دشمن كبلرني باطيرمق ويا خيربالامق ايچون لزوم كورونور . مخربلر دنخي ، طورپيدو بوتلرك حركات واجرا آتسه ايقاع موانع ايتك ويا بونلره سكته ايراث ايله مك خصوصنه خادم بولونورلر . تحت البحر ايسه ، غير مرئيت غصه سنك تزايدندن استفاده ايتمكه برابر ديكر

جهتدن ده مشكلات عظيمه به معروض بولونه رق طور پيدو  
 بوطله ترتب ايدن ودشمن سفائني باطير مق ويا حير بالا مقدن  
 عبارت اولان وظائفك عينى اجرا ايله مكلف بولونور . بر  
 صنفك اشبو شعباتندن هر هائىكى برينك طرز ودها طوغريسي  
 امكان استعمال واستخدامى ، هدف مقصودك قابل وصول  
 وتقرب اولوب اولماسنه منوطدر . بهر شعبه مراكبك سعه  
 حركتى ، مواد احتراقيه قدرت استيعابه سنك مقداريله محدوددر .  
 بوده ، انجق ابعادك توسيعيله تزديد ايديله بيلر ؛ بوراده ايسه ،  
 در عقب حدود تكامله طيانيلير ؛ چونكه ، مراكب مذكوره به  
 يا محدود ابعاد تأمين ايديله جك اولورسه ، خواص واوصاف  
 اصليه لرى يوق ايديلير .

بناء عليه ، بهر شعبه به منسوب آيرى آيرى سفائنيك ،  
 اوصاف مخصوصه لرينى محافظه ايتمى طلب ايدلديكى صورته .  
 انجق متوسط بر سعه حركته مالك بولونيور لر مش كې نظر دفته  
 آلتى ايجاب ايدر . سعه حركت نصف قطر لرى خارجنده  
 قالان هر شى ، بونلرك ، مهاجائندن معصون وسالم بولونور .  
 اوحالده ، بونلرك عددى ، داخلنده بالفعل اجراى

حرکات ایدہ بیلہ جکری ساحہ بحریہ داخلندہ جولان ایتکہ  
قیام ایدہ بیلن مخاصم سفائنک مقدارینہ وابستہ بولونما ایدر .  
بونی تقدیر و حساب ایتکہدہ کی مشکلات ، آزادہ  
اشتباہدر ؛ مع مافیہ ، حرب بحری مسائل ، عمومیت اوزرہ  
مشکل الحلد ؛ بونکہ برابر ، حلدہ تصادف ایدیلہ جک مشکلات  
حسدیلہ بومسائلک هیج بری متروک و مہمل براقیلہ ماز .  
حربدہ ، دشمنی موضوع بحمنز اولان ساحہ بحریہ داخلندہ  
کنیرہ جک بر حرکتی درپیش ایدہ بیلیرز : اکر اونک یرندہ  
بولونمش اولسہ یدق ، بزم کندیمزک نہ یامش اولاجمہزہ تعاق  
ایدن وقوف و معلوما تمزدن دشمنک رفاقتندہ نہ مقدار قوت  
بولنہ جغنی تخمین و حساب ایدہ بیلیرز . بو کیفیت ، بزم کندی  
قوتمزک مقدارینی تعیین و تثبیت ایتہ مزہ مدار اولور . حربدہ  
دشمن ، یوقاردہ درپیش ملاحظہ ایتدی کمز و جملہ حرکت  
ایدہ جک اولورسہ بز ، اوکجہ دن کوزلجہ حسابلا یہ جق صورتدہ  
بونی تعیین و تثبیتہ مجبور ایدلش اولورز .

بدعتلرک پک چابوق قبول ایدلہ مسی اقتضا ایدر — آلات  
و وسائط سابعہ نک ہرہانکی برصنفنک جنس و ماہیتی ، نہ مرتبہ

خصوصی اولورسه ، بونك قیمت سوق الحیشیه سنی تعین و تقریر ایتمك دخی اودرجه لازم و مجبوری بولونور . بوسیله ، حربده نه صورت و طرزده استعمال ایدیه بیه جکی دور و دراز دریش تدقیق و ملاحظه ایدلمدن هیچ بر صنف سفینه حربیه نك دونما میاننه قبول و ادخال اولونماسی اقتضا ایلر .

بو قضیه ، مذکور صنفك انشا و اعمالی ، بر بدعت و اختراع فنینك قبول و ادخاله سائق اولدینی صورتده دها صحیح و قطعی برشکله کیرمش بولونور . یکی برشیده تظاهر ایدن مهارت و ظرافت ، بویه برشیئك بر آلت حرب و ضرب اوله رق میدانه چیقان فائده عملیه سنده کی نواقصه اغماض عین ابتدیره بیللمسی مأمول بر سحر و فسونه مالکدر . دیکرندن بر آز فضله انجه لکی حائز اولدینی مفروض بولونان بر آلتك اوبرینك، یرینه قائم ایدلمسی خصوصنده التزام اولنان سرعت ، قدوت و مهارت سوق الحیشیه دن زیاده و سائط مادیه نك اهمیت فائده سنه متعلق ذهاب و اعتقاد ایله سوق و اداره ایدیلن برسیا - سنك ایجاب ضروریسی اولان قرار سزلفه دلالت ایلر .

سفائن حربیه اسلحه سنه متعلق بر اختراع فنینك قبول

وادخالی ایچون درمیان ایدیان سبب ، عمومیت اوزره ایکی  
 شقدن بری اولق اوزره ظاهر اولور : یا ، بر رقیب بحری ،  
 هر هانکی بر شیك دها ای اولدیغنه قانع اولمش ویاخود ده  
 دها مکمل بر آلت میدانه قونولمشدر . برنجی شقه نظراً ،  
 تبدیله کیریشمدن اول دشمنك ، مفروض اولان فاقیتنك  
 حقیقت حالد موجود اولوب اولمدینی تحقیق و تقریر ایدلمه لی ؛  
 بوندن باشقه ، آلد بولونان آلات و وسائطك صور استعمالنه  
 ادخال ایدیهك اكالات و تعدیلات ایله خصم محتملك بویله  
 بر تفوقی قارشیلایمق امكانی بولونوب بولونمدینی تدقیق و تفتیش  
 ایدیلوب بر قراره ربط ایدلمه لیدر .

فضله بر اینجه لكك قبول و اختیارینه كوره ، بویله نمونه  
 عرفان و مهارت اولان بر اینجه لكك ، بوزمانه قدر مستعمل  
 بولونان عینی جنسدن هر شیك ترك و اهمالنه دكر برماهیتده  
 بولونمدینی حقنده قناعت فکریه حاصل ایدلك کرکدر .  
 بویله بر شیك قبولندن متولد مصارف ، باشقه بریولده دها  
 مفید اوله رق استعمال و اختیار اولونه مازمی ؟ بویابده حلی  
 ایجاب ایدن روح مسئله ، بودر ؛ چونکه ، بر قوه حریبه دن

مطلوب ایدیلن کیفیت ، حدفاننده میخانیکی بر اینجه لک اولمایوب بلکه ، حرب باشلار باشلاماز لزوم وفانده سی پک حوظ اولان هر هانکی برشیدر . امور بشریده و وسائطک احضاری درجه سنده خصوصات سائرده مکملیتک غیرقابل استحصال اولسی حسیله بر حرب کیمسنه قونان هر بر سلاحک هیچ اولمازسه بر درجه یه قدر اصلاح و تعدیل ایدیله بیله جکی ثابت و مسلم اوله رق تلقی ایدلسه بجادر .

پک صیق تبدیلاتدن توقی ایتک ایجاب ایدر — تجهيزات بحریه نك هر شعبه سنده اولدینی کبی اسلحه خصوصنده دخی اکالات تدریجیه واقع اولسنه رغماً کیملرک تسلیحاتنده تبدیلات سریمه یه مساعد بولونان و صلح زمانلرینه خاص اولان اصول حرکت ، ای و معقول برشی اولماز . حرب ، بر کره باشلادقدن صوکره لایقی وجه اوزره تبدیلات اجرا ایدیله مز . حربده موفقیتک معاق و منوط بولوندینی آلات و وسائطک ، انجق قیمت و قابلیت اصلیه سنی بالفعل اثبات و اظهار ایدنلردن عبارت بولونمسی ده مهم بر کیفیتدر .

بوندن باشقه ، کیملره وضع و تعییه ایدیلان اسلحه نك ویا حائر اهمیت اولان خواص سائر نك ده ا یکی برشی ایله صیق

صیق استبداله بر مانع معنوی ده واردر . تکملات اخیرہی قبول و ادخال نامنه وقوعه کتیریلان تبدیلات مکرره ، مرتباتک ، آلارینه ویریلان آلتلره قارشى عدم خشنودیلرینی جلب ایدر . بری بری بشنه یاپیلان تبدیلات ، اک صوک قبول ایدیلان اختراع فنینک بیله تعدیل واکمال اولنه بیله جکنه دائر بر فکر واهتقاد بسانمسنه سائق اولور . ایشجینی ، طاقلری حقنده فنا بر فکر بسلامکه سوق و اجبار ایدن خطا آلود وسقیم بر اصولدن ، بر منظومه دن عبارتدر که بویله بر ایشجینی ، طاقلرینک حال و شانندن شکایتله کندى طرفندن واقع اوله بیله جک بر عدم موفقیتی معذور کوستره جکنه ذاهب ایدر . بو اصول ، و سائط ماده نك اهمیت فائقه نی حائر بولوندیغنه دائر بر قناعت حصولنه باعث اولسی سببیله ده ا زیاده ایراث خسار ایلر . چونکه ، بوتقدیرده دشمنک سزدن ده ا مکمل بر صورتده مجهز بولوندیغی اکلاشینجه ، مغلوبیتکیزک تحقیق حالنده معذور طوتولما کز اقتضا ایدر . حالبوکه ، تجهیزات ماده جه دون بولونان طرفک کراراً احراز غالبیت ایتدیکی تاریخ بحرینک شهادت صریحه سبیله مثبتدر .

غالبك فائق ، تجهيزات مصنوعیه و تسلیات عقلیه لرنده مندیج بولوندیغندن بویله بر حقیقت عظمائی سترواخفایه سمیت و برهمنی ملحوظ اولان هر شیء ، بر طرف ایدلمك ایجاب ایلر .

اجرا ایدیلان تبدیلاتدن بعضیلرینك بك صبق و سریع اولمسی ، بونلرك بك اهمیتسز اسباب ایله اتخاذا و اختیار اولونمش بولوندیغنه دلالت ایدر .

کندیسی چارچابوق تبدله معروض قالان بر تبدیل ، مهم برا کمال و یا تکمله سائق اوله مدینی کبی ذاتاً لایقی وجه ایله تدقیق و تتبع ایدلمدن ده قبوله مظهر اولمش بولونمازدی .

برشیء ، دور و دراز تدقیق و تتبع ایتمك ، مشقتلی بر ایشدر ؛ برچوق اذهان و افکاره کوره ده ناخوشدر . بونکله برابر ، دیگر مسائلک هر هانکی برندن بك زیاده حائر اهمیت برشیء و ارایسه ، اوده : حرکات حربیه تعلق ایدندر . بو ، صلح زماننده یا بیلمالیدر و اکثریتله یا بیله بیلیرده .

تعلیم و تربیه بحریه — صلح زماننه متعلق سوق الحیش بحرینك هیچ بر عنصری ، ضابطان و افرادك تعلیم و تربیه سندن ده ازیاده حائر اهمیت دکلدور .

ایجابات حقیقیه به موافق وسائط ساجیه تأمین مالکیت  
ایده بیلیمک مهم بر کیفیت ایسه ده قوللانماسنی بیلیمینلر آلدن  
اک مکمل آلات حربیه نیک پک آفر فائده عملیه سی اوله جنی ده  
مسامدر .

ایجاب ایدن تعلیم و تربیه ایله کفایت حربیه استحصالی ،  
بالخاصه ، ضابطانک ذمت همته مترتب وظائف عدادینه داخل  
بولونور . بونلر ، ضابط اولوق صفتیه یالکیز کندیلرینک دکل ،  
آیریمجه افراد ، وظیفه کفایت حربیه سنک ده استناد ایتدیکی  
برتشکیلات و تعلیم و تربیه منظومه سندن مسئولدرلر .

ینه ضابطان ، وسائط مادییه نی ، مثلاً تام طاقم بر زرهللی  
ایله بونک قارمه قاریشیق مرتباتی آله آلیز ، بونلری ، بر  
چلیک کتله سندن ، برهرج مرجدن عسیرک اک مکمل ، اک  
مؤثر بر سلاح حربی صورتنه قاب ایلر . ضابطانک بویله بر  
آلت حربیه بخش و اضافه ایده بیلیمجکی کفایت ، موهوم  
برماهیتده دکلدر ، بلکه کمینک کندیسنی قدر حقیقی و فعلی در .  
بویله بر کفایت ، نفس کمی کبی حاضر آله ماز . بونی تکوین  
واعمال ایده جک انجیق ضابطاندر ، بش فیلری ، بوایشه قادر دکلدر .

تعلیم و تربیه بحریه ده کفایتی تولید و تشویق ایدن اسبابدن  
بری ، حرص مسابقتدر ، بواویله بر متاعد و که بر قوه بحریه  
ایچون پاره ایله مبادیه ایدلمسینه امکان یوقدر ، مع هذا ، لایقیله  
انکشاف ایتدیکی صورتده غایه مطلوبه نك استحصالنه طوغری  
قوی و مهیب بر تاثیر و نفوذ مالک بولونور . بوقیل بر حرصی  
بویله بر قوتی بسله مک ، عینی وجهله ضابطانك آئنده در .

تعلیم و تربیه نك مقصود حقیقیسی ، حریده کفایتدر —  
برد و نایماده تطبیق ایدیان تعلیم و تربیه نك کیفیتنه تعلق ایتک  
اوزره صلح زمانه مخصوص بعض تجربه لرک قبولی لازم  
کلیرسه ده بونلر ، هر حالده نقصان و غیر کافی اولدقلرینه قائل  
بولونه رق قبول ایدلمه لیدر . چونکه تجربه و معیار حقیقی ، انجق  
حریده تطبیق و اجرا ایدیله بیلیر .

امر و اطاعت کبی ضبط و ربط عسکرینك ایجابات ضروریه سنندن  
معدود اولان بر کیفیت بیله مادون و مأمور موقعنده بولوناندن  
اوقات عادیه ده بعض مرتبه امتناع نفس ایستر : حالبوکه ،  
دشمن طویلرینك تخریبکار آتشی آلتنده بولونوکن بویله بر  
اطاعت ، صداقت کامله و استحقاق حیانتك اک علوی تجلیاتی  
صورتنده ظاهر اولق اقتضا ایدر .

بو کیفیت ، تعلیم و تربیه نك ، على العاده تحت تأثیر بنده تطبیق و اجرا ایدلیدی احوال ایله نتایج مستحصله نك ، داخلنده تحقق ایده جکی شرائط میاننده کی فرق عظیمه دلالت ایلر . بتون تعلیم و تربیه نك مقصود حقیقیسی ؛ حربده کفایتدن عبارتدر . بالفعل تجربه حربیه دن نه مرتبه لوده تباعد ایده جك اولور سهق ، بویه بر هدف مقصودی پیش نظر دقتده طوتمقده اودوجه مشکلاته دوجار اولورز .

بناءً علیه ، تعلیم و تربیه یی ، غیر حقیقی و یا ساخته و خیالی اولمقدن وقایه ایچون دوامی و بیوک بر غیرت معنویه احتیاج کورولور .

تعلیمك لزوم و اهمیتى — بر چوق کیمسه لر ، تعلیم ایله تهذیب و تربیه نك عینی شی اولدیغنه قائل و ذاهب اولورلر . حالبوکه بونلر ، یکدیگرنیدن کلیاً آیری شیلردر . تعلیم ، ضروری بر شرردر ؛ حالبوکه نفس الامرده موافق بر تهذیب و تربیه ، كرك حد ذاتنده ، كركسه نتایج حاصله سنده موجب خیر و منفعتدر . تعلیم ، انتظام و اطرادك قبول و اختیارینه معطوف بولونمقله شخصیتك محو و فنا سنه منجر اولور . بونك

ایچون تعلیم خصوصنده نه مرتبه لرده تأمین مکمیت ایدیلیرسه  
ایدلسون، بونک کهایت حربیه یه دلالت ایده جکنه قائل اوله حق  
برکسه یه تصادف ایدیله مز .

بونکله برابر ، مکمل تعلیم و تعلیمات کورمش قوای عسکریه یه  
اولان لزوم و احتیاج ، احتمالکه قره دن زیاده دکزده دها  
بارز برشکده ظاهر در . بردونانمایه ، حرکات حربیه سی دشمندن  
ستر و اخفایه آلوریشلی هیچ بر انحطاط و ارتفاعی اولمایان  
برسطاح مایع اوزورده ، بتون قوتیله خصمنک ضعیف بر نقطه سی  
اوزرینه یوکنه جک وجهله مانوره یابدیرمق اقتضا ایلر . صلح  
و آسایش زمانلرنده اوزون بویلو ودواملی برتهذیب و تربیه  
ابتدائییه کورمدن بویله بر نتیجه مک استحصالنه عادت اامکان  
یوقدر . بوقبیل برتهذیب و تربیه دن مقصد ، سفائن حربیه مک  
سیر و سفره آلیشدیرماسندن و یناشیق نظامده سرعت عالیله  
صحت و سرعتله مانوره اجراسندن عبارتدر . ماهیت اصلیه سی  
اعتباریله بر آلت حرب و حربدن بشقه برشی اولمایان بردونانمایه ،  
قومانداننک نتایج مکمله استحصال ایده بیلمسنه مدار اوله بیلان  
وحدت و عضویتی بخش ایده بیله جک مشترک و متحد مانوره لر ،  
دشمن قارشیسنده چارچابوق اوکره نیلوب یاییله حق قدر بسیط

شیردکدر؛ بونلر ، دکزلراوزرنده سورکلی و مزعج استحضارات  
اولیه نك نمره سی شکنده تظاهر ایده بیلیر . علی الاکثر ، کشت  
و کذا دلرک ، تعلیملرک و معین زمانلرده فیلو مانوره لرینک  
لزو مسزلغنه دائر مطالعات در میان ایدلدیکی ایشیدیرز ؛ بوقیل  
اقوال و افکار بی اساس و عبثدر ؛ چونکه تعلیملر و مانوره لر ،  
ضابطان و افراد محاربه ده موجب نفع و فائده اوله جفی مسلم  
بولومان برارتباط ، بر مهارت تشبیه بخش ایدر ؛ بو خصوصه  
یالکز پک زیاده اشارت استعمالی ایجاب ایتدیرن پک قاریشق  
تعلیملر و مانوره لر دن توقی ایدلمه لیدر ؛ چونکه بونلر ، فعلیاتده  
متروک و بی لزومدر .

حالبوکه تهذیب و تربیه نك هدف مقصودی ، ملکات فکریه  
و ارادیه ایله برابر خواص ماده و جسمانیه بی ده تمیه و تقویه  
ایله مکدن عبارتدر . تهذیب و تربیه ، فطرة پک بیچاره اولان  
افرادده خواص شخصیه یاراده ماز . بونک یابه سیله چکی برشی و ارسه  
اوده ؛ طوغری درست تطبیق ایدلدیکی صورنده حریده مفید  
و جالب . نفعت اوله جق خواص و اوصاف بشریه نك ملکه و  
نماره سنه فرصت و امکان ویرمکدر .

طینتنده جرثومه سی موجود بولونمایان سرعت انتقال

وجسارت کبی خواص فطریه یی هر هانکی بر شخصک طبیعت  
معنویه سنه نقل و نقش ایتک ، هیچ بر منظومه تهنید و تربیه دن  
بککنه من . بویه بر منظومه ، انجق بوکبی مزیاک ، مدت مدیده  
عاطل قالمق یوزندن متروک و منسی بر حاله دوشمسنه مانع اوله بیلیر .  
هرکس ، ایلک دفعه برایش یاپارکن تردد کوستیررکه بو حال ،  
جیانت ویاعصیت صورتنده ظاهر اولور . حالوکه برکسه برایش  
ویابوکا مائل برشیی برقاج دفعه یاپه جق اولور سه ارتق اوقور قالمق  
علامندن اثر قالماز . بویه بر آدمک جسارت ماده سی ، قطعاً  
تبدل ایتمه مشدر ، یالکز الفت ، بالفعل بویه برایش ایچون بر نوع  
استحقار و استخفاف تولید ایله مشدر . فی الحقیقه محاربه ک  
بتون شرائطی صلح زمانلرنده تمثیل و تجسیم ایدیله من . مع مافیه  
ضابطان و افراد ، حربک بعض شرائط عمومیه سیله مألوف  
ایدیله بیلیر .

صلح زمانلرینک اعتیاداتی ، عمومیت اوزره مناسب ر  
تهنید و تربیه یی اخلاص ایدر — صلح و صلاح ، بالخاصه مدت  
مدیده حکمفرما اولمش ایه ، بردوناما ضابطان و افرادینی  
کندیله کندن ، صنایع و مسالک سائر اربابیه تماسه کتیریر :  
بو حال ، کندکجه آرتار . بونلر ، مذکور مسالکی اینش باشنده کوره

بیلیر ؛ آیریجه ، اربانی ایچون ضروری اولان خطوات تحصیل و تربیه بی ده تعقیب ایده بیلیرلر .

حالبوکه بوصوکره کیلر ، بردونانماک وظیفه و خدمت حقیقه سنی کوره مزلر ؛ چونکه بوایش ، بونلرک دائرة ترصدانندن خارج بر ساحه ده اجرا ایدیلیر . بونک ایچون ده بردونانماک کفایتی خصوصنده ضروری اولان تهذیب و تربیه منظومه سنه دائر طوغری بر فکر حاصل ایتدکاری دخی نادراً واقع اولور . بحریه ضابطانی ، بعضاً مسالک متعددده نک تعقیبنده اختیار ایدیلان معین بر طرز تربیه و تحصیلک نتایج نافع سنی درپیش ایده رک — چونکه ایتهمک اللرنده دکلدر — دیکر لرندن فرق اساسینه رغماً کندی صنعت و مسالکری ایچون ده بویله بر طرز تحصیلک موافق اوله بیله جکی ذهابه دوشرلر و بوفکر لرنده دخی اصرار ایدرلر ؛ چونکه بتون مسالکه قابل تطبیق اولان تعلیم و تربیه اصولاری ، ایلک دوره لرنده عینی خطوات ترقی بی تعقیب ایدر .

اصل ادراک و تقدیر ایدیله مهین جهت ایسه ، مسالک بحریه نظراً مسالک سائر ایله اولان نقطه اختلاف و حدفاصله چارچابوق مواضات ایدلمسندن عبارتدر .

حرب ، بر صنعت عملیه در ؛ مع مافیه ، بویله بر صنعت ،  
فنی و عملی بر صورتده در پیش تدقیق ایدلمك اقتصا ایلر . حرب ،  
حیات ساکنانه اجرا آت و ایجاباتیله مجرد بو حیاتك پثر مرده  
بر صورت ادراکیه سندن ده عبارت دکلدر . بونك کندينه  
مخصوص اساساتی ، ایجابانی اولدیغندن بونلری فعالیت بشریه نك  
دیگر شعباتنه متعلق بولونانلره تقریب ایچون صرف ایدیلان  
مساعی ، عقامت و افلاسه منجر اولور .

بو خصوصده بالکمز ، حریده کفایتهمدار اوله بیله جك شیلری  
هرهانکی ر ویا هر بر شعبه صنعت و معرفندن آلمق و بونی ده  
دیگر بر صنعت و مسلکده بولونه بیله جکی ایچون دکل انجق کفایت  
محاربا نه نك ، مبادله و مناقله ایله ترویج و اعلا ایدیله بیله جکی ایچون  
یا یق ایجاب ایلر .

دکنز تجر به سی ، تعلیم و تربیه بحریه نك الك مهم رعنصریدر —  
قانون موجودتی ایجاب اوله رق بردونانمك خدمت فعایه سی ،  
دکنزده اجرا ایدلمك اقتضا ایدر .

حرب بحری حرکاتنك ، بر مکتب و یا قوفرانس سالونی  
محیطنده سوق و اداره ایدیله میه جکی پك ، معلوم بر کیفیتدر .

بر دونا ناما ضابطانك نوکبی مواقعه بر آ ز زمان قالماسی لزومنی قبول ایدلم ، بوزماك ، عملی ودها مفید معلوماك اکتسابی خصوصنه ممانعت ایدله جك مرتبه لرده اوزون اولمامه سی ایجاب ایدر .

نوندن ماعدا ، صرف بحریه به تعلق ایتمه یین مواده حصر و تخصیص ایدیلن تدقیقات و تتبعات کمیتهك ، کفایت حریه ایلله قابل تألیف اوله بیلله جك الودون واصغری بر نقطه به قدر تنزیل و تقصیری ، بر تعلیم و تربیه منظومه سنك ال برنجی هدف مقصودی اولوق کرکدر . دونا ناما ایچون صرف نظری ایشلر ، عملی اولانلردن دها يك آ ز حائز اهمیتدر .

بتون مهم دولتلرک ، عینی جنسده کیلره و طویلره تأمین مالکیمته چالیشمدق لرینه نظر آ حکم ایدیلله بیلیرکه — حدود معقوله داخلمده — عصر انسانی یعنی آم ، موفقیتلی بر حرب اجرا ایتمکده وسائط ماده دن — کیلر و طویلر — دها زیاده شایان اهمیتدر . انسانلرک ، حرب بحری به کوره ال و ریشلی بر صورتده یتیشدیرلمسی طرزی ایسه ، بالفعل دکزده تعلیم و تربیه دن عبارتدر .

تعلیم و تربیه بحریه نك ال مهم عنصری ، دکز تجربه سیدر . بناء علیه ، دکز تجربه سنه اولان لزوم و احتیاج ، قطعی و اساسیدر .

ایستر ضابط ، ایستر سه عسکرا ولسون ، بر سفینه حریه  
منسوینه حقیقه لازم اولان هیج رشی یوقدر که کمیده  
اوکره یلمسنه امکان اولماسون .

بر چوق احوال و صفحاتنده ، جهانک اقسام مختلفه سنده  
دکزرله مألوف بولونان بر بحریه ، حربده لابدا اولان معلوماتک  
مهم بر قسمنی آله ایتمش دیمکدر . خدمت بحریه ده مستخدم  
بولونان هر رتبه دن هر فرد ، حرب ایچون استخضارات فعلیه  
و حقیقیه ده بولو مقدر و بناءً علیه مخاصماتک ظهوریده دشمنی  
مغلوب و پریشان ایتکه قدرت و قابلیتدن بشقه بر حکمت موجودیتی  
متصور اولمیان بر مسالکه سالک بولوندیغی حس و ادراک ایتلیدر .  
دکز ایشلری ، نوایشک اک زیاده حائر اهمیت اولان قسمیدر .  
دکزه الفت ، مائی صولر اوزرنده مدت مدیده ایفای وظیفه  
ایتکله تأمین اولونه بیلیر ، بشقه درلوده تأمیننه امکان یوقدر .  
بر بحریه حربیه ک علت و حکمت حقیقه سنه متعلق افکار صحیحجه  
وسالنه تلقین ایدیلوب تجربه بحریه ده مجبوری بر شکله صوقولقدن  
صوکره تعلیم و تربیه بحریه نک عناصر سائره سی — که کیلرک ،  
ماکنه لرک و یا اسلحه نک لایقی وجه اوزره قوللا یا حاسندن

عبارت در — ایله بر حرب مساهکی ایچون اهمیت عظیمه سی درکار  
اولان افراد و ضابطانک سوق و اداره سی معرفتی قولایلقه آلد  
ایدیلیر .

متخصصلر — دها = بر بحربه ده بعض خصوصی مواقع  
ایچون لزومی کورولن آذرب قسم ضابطانک دها اساسلی و دها  
شامل بر صورتده تحصیل و تربیه سی شریطه سی ، اکثریت عظامانک  
لایقوله تعلیم و تربیه سنه مداخله ضرورتی کورولمدن ایفا ایدیله بیایر .  
بر بحربه نك اداره سی باشنه کچه جک اولانلر میاسندن اصلا  
میخایک متخصصی ، کیا کر ، هیئت شناس و یاریاضی بولونانلری  
انتخاب ایتمک احتیاجنده دکلز .

اصل مطلوب اولان ، حرب بحرینک حرکات و اجرا آتی  
موقع فعله قویه بیله جک ، پلان ترتیب ایده جک ویا خودده  
بونلری تفیش ایده بیله جک صورتده تحصیل و تهذیبه مظهر  
اولمش آدملردن عبارتدر .

حرب ایچون بردهای مخصوصه صاحب ذوات یتشدیرمک ،  
اقتدارمنزک خارجنده در . بونلر ، ترتیبات بشریه اعانه سیله  
تکوین ایدیله بیلمکدن زیاده تصادفاً ظهور ایدرلر . دهانک پک

نادر اوله رق ظهوری ده ، متوسط بر قوماندانك وظيفه سنه كوره  
اك مكمل تجهيزات ماديه و معنويه مظهر ايدلسی خصوصنده  
صرف مقدرت ايتمكلكمز وجوبنه دلالت و اشارت ايدر  
احوال و شرائط خارجيه ك معاونت و مظاهرتنه مظهر  
اوله مایان و مكمل بر تحصیل و تربیه كورن متوسط ذكالر ، هیچ  
بر زمان دها ايله مسابقه قدرتیاب اوله ماز : مع هذا ،  
اولكیلك ، هرايكیسنی ده مساواته القا ایده بیله جك معاونت  
و مساعدیه مالك اوله لری ممکن در . حالبوکه ، دهانك بك آز  
مأمول ایدیان جهتلردن ظهورینی در خاطر ايتمك لازم كله جاكندن  
دها ايله تلاق برقاعده دكل نادر الوقوع بر شاذدر .

توزیع قوت — صلح زمانه متعلق سوق الحیشك مهم ر  
دیكر عنصری ده توزیع قوتدر . توزع ، تجمع و تمرکزك ضد  
و خلافی اولان طاغیلمه دیمك دكلدر . تجمعك منافع و محسناتی  
عمومیت اوزره اودرجه عظیم دركه بوكا نظراً قوتك توزع  
و انقسامی ، دائماً اقسام متعدده نك در عقب طویلانه بیله جكاری  
حدودلر داخلنده اجرا و محافظه ایدلك ایجاب ایلر .

تجمع سوق الحیشی ، بالضروره بتون قوتك تك بر موقعده

طوپلانما سنی ایجاب ایتمز . بر قوتك سـوق الحیش نقطه نظرندن  
تجمعی ، اقسام مرکبه سنك دشمنه ( و یادشمن محتمله ) نظراً  
اخذ ایتمش اولدینی موضع ایله دشمنه دائر معلومات استحصالنه  
مدار اولان استکشاف خدمتک وسائر وسائطك کفایتی ، اجزای  
منفردہ سی اوزرینه خصمك هجومنه فرصت و مساعدده ویرمدن  
رجزؤ تام حرب صورتنده بر آرایه طوپلانه بیامه سنه امکان  
اوله حق بر طرزده توزعی دیئکدر .

مجمع بر دونانما ، کرک هجوم و کرکسه مدافعه ایچون  
بتون قوتی بر جزؤ تام حالنده استعماله مهیا بولونور . بویله  
بر دونانما ، یالکز تک بر خط مواصله کشاده بولوندیر مق  
وایلری اس الحرکه سنده دخی تک بر لوازم ده پوسی محافظه وادامه  
ایتمک مجبوریتنده درینه بودونانما ، معلومات اخذینه ، قوه اصلیه ک  
امنیت و سلامته مدار اولوق اوزره انجق آیری بر قوه معاونه  
عرض احتیاج ایدر ، حالبوکه ، زرهللی قوتندن آریلان هر  
برمفرزه دخی ، کرک استخبارات ، کرکسه امنیت ایچون قوه  
اصلیه به تخصیص ایدیلنه معادل بر قوه معاونه ایستر ؛ بویله برمفرزه ،  
مظاهرت معاونه خصوصنده قوه اصلیه دن دون برشیئه مظهر

اولورسه بوحال ، ایجابات و احتیاجات تعییویه سنك دون بر مرتبه ده بولونماسندن دكل بلكه و سائطك فقدانندن نشأت ایتمش اولور . سوك مقیاسده بر بحریه حربنده بر قاج تجمع نقطه سی بولونه جنی ملحوظدر .

اشبو نقاط تجمعیه نك عددی ، بر جوق خصوصاته متوقفدر : — مخاصم دولترك عددی ، دشمن و یا دشمنلرك قوتی و موضعی و اولدن كشف اولونه بیله یکی مرتبه لرده نیت و مقصد سوق الحیشیسی ، قیمتی ، وضعیت مخصوصه سی و تحت مدافعه به آلتما سی اقتضا ایدن منافعك ماهیق و بزم كندی سوق الحیش پلانلرمز بوجمله دن معدوددر .

بتون قوه مخاصمه ، تك بر نقطه سوق الحیشیه ده تجمع ایتمش بولونه جق اولورسه ، بوندن ، بزم ده بتون کیلرمزی بر نقطه ده جمع و تحشید ایتمه مزه حکم ایتمكلكمز ایجاب ایله مز . اكر مدافعه ایدیه لك منافع ، واسع بر صورتده توزع ایتمش بولونورسه ، دشمنك بونلردن برینه تعرض ایتك اوزره قوتنك بر قسمی افرازه قیام ایتك احتمالی ده در پیش ایدمله لیدر . بوصورتله دشمن ، یکی بر فعل و حرکت قیام ایدن طرفه

توجه ایتک لازم کلن عزم و تشبث ملکه سینه مظهر بولونه جفندن  
قوتمزی او طرزده تعبیه و توزیع ایتش اولمالی یزکه بوجهتدن  
قزانه جنی فائده یی یا اخلاص ایتک و یا خودده سبقت ایله مک اوزره  
بالفعل دها اول طاوراه بیللم .

بونکله برابر ، مهاجم طرفک هجومه معروض بولونمسی  
ملاحظه اولان هر بر نقطه ده قوتمک بر قسمی بولوندر مق سطوت  
وقوتی ، توزیعدن زیاده تفریق و تقایله باعث اولمق دیمکدر .  
قوة بحربه نك مختلف خللره تقسیم و تخصیصی ، یالکز هر جهته ده  
قوی بولنق تشبثاتنک بالفعل هیسج بریرده قوتلی اوله مالمق  
نتیجه سینه سائق بولوندیغی تقدیر ایدمه یینلر عندنده مقبول  
کوروله بیلیر .

حرب بحربینک هدف مقصودی ، مواقعک ضبط و اشغالی  
دکل انجق دکز آشیری خطوط مواصله نك قونطورول ایدلمسندن  
عبارتدر . خطوط مواصله قونطورول ایدلدکدن سوکره بونلر  
میانندن کلوب کچن وسزه عائد بولونان هر شی کبی مواقع دخی  
تحت امنیتده بولونور . بوکبی ملاحظات ، صالح زماننده قوتک  
برطرز معین اوزره توزعنه و اقسام جزئیته نك برچوق مواقع

ثابتیه دکل انجق اولدجه واسع ساحه لره توزیعنه مساعد اوله جق نتایججه منجر اولور . اشبو ساحه نك وسعتی ، بورایه تخصیص ایدیلن بتون سفائن طاقنی مذکور ساحه داخلنده جمع وتحشید ایچون اقتضا ایدن زمانی داخل حساب ایده رك تخمیناً تحدید وتعیین ایدیله بیلیر . امریقا محاربات داخلیه سنده بونك حائز اهمیت بر مثالنه تصادف ایدیلیر : حكومات شمالیه نك بتون قوه بحریه سی ، متفق جنوب دولتلك سواحلنده تحشید ایدلمشدی .

حالبوكه ، حكومات شمالیه ، سفائن تجاریه لری اعتدایله عاداتا هر بر دكزده منافعه صاحب بولونیوردی . اشبو منافع ، بر ایکی جنوب قرووزرینك ایستدكلری کبی خسارات ایقاع ایده بیلیمه لرینه مساعد اوله جق مرتبه لرده مدافعه سز بر اقیلمشدی . حكومات شمالیه ، پك بیوك ضرر لر کورروب عقلی باشنه كلدكدن صكره قوتی ، مناسب بر صورتده توزیعیه ابتدار ایتمش وبو وجه ایله مخاصم قرووزرلرینك تخریباتنه سكته ایراث ایلیمه بیلمشدی .

حرکات حریبه پلانلری — دونماسنده قوی الشکیمه

بر واسطه جبر و شدت ماهیتی کورن بر ملته کوره ، اشبو قونك مؤثر بر صورتده استعمال واستخدامنی در پیش ملاحظه ایتك و ظهوری ملحوظ اولان احوال وایجاباتی قارشیلایمق بر امر احمدر .

بویله بر قونك استعمالنه متعلق اصول ، مختلف دشمنلره و بونلرك منابع عسکریه سنه ، قربیت و یا بعدینه توقف ایتكله باشقه باشقه اوله جقدر . حرب آچیلیر آچیلماز قیام ایدیله جك حرکات عسکریه پلانلری دخی دهها صلح زماننده هر بر حال واحتماله نظراً ترتیب و تقریر ایدلك ایجاب ایلر . بر شعبه نك سکون و سکونتی ایچنده ترتیب و تنظیم ایدیلوب هر شیئك دوشونولدیکی کبی ظهور ایده جکی خولیاسنه قابیلهرق ثابت ولایتغیر فکر لره مستند پلانلرك پك آز قیمتی اوله جنی مثبتدر . بوندن باشقه ، اك دوربین بر فکر و نظر بیله دشمنك انتظار ایدلك بر تهدیدی سببیله زیر وزیر اوله بیلیر ، یالکزر ، سوق الحیش نقطه نظرندن باشلیجه خطوط حرکتی اولدن کشف و تعیین ایتك و پلانلری ده بوکا کوره ترتیب و تنظیم ایله مك لزوم قطعی تحتنده در . بتون بر سفر ائناسنده ، ابتدادن ارتکاب

ایدیان خطیبات سوق الحیشیه نك تعمیری همان همان امکانشز  
کودولور .

قوتلرک جمع و تحشیدی هنکامنده، دها مبادیده ارتکاب ایدیلم  
خطیبات سوق الحیشیه نك تعمیرینه بتون برسفرک جریانی ائناسنده  
امکان بولمق، مستحیلدر. بناءً علیه ، عقل سلیم ، هر حال وکارده  
اولدن کشف و تعیین اصولی ، بحث و طالعه تفویض امور و ایتک  
مسکنتنه ترجیحی ترویج ایلمر .

پلانلرک قباطاسلاق چیزلاری بیله موجب فائده در ؛ سوق  
الحیش و تعبیه نك موضوع بحث و مناقشه ایلدلیکی برده ، بونلرک  
لزوم و اهمیتق دها مبرم و عاجل برشکله کیرر . بوقیل پلانلرک  
احوال مخصوصه یه ، محتمل دشمنلره کوره تطبیقاتی ایشه ،  
تسلسل منطقیده بر ایکنجهی خطوه تشکیل ایدر .

مفصل پلانلره مالک اولمق و یا احوال و شرائط محاربانیه  
عاند عقله کله بیان هر درلو ترتیباته برپای برافغه تثبت ایله مک  
بی لزومدر . قارشیلانمق مراد ایدیلمق و قوعانک ظهورندن چوق  
زمان اول ترتیب و تنظیم ایلمش بولونان پک دقیق و مفصل  
برپالانه — آرادده وقوعه کله بیله جک بر چوق تحولاته

رغمًا — باغلامق ماحوظدر . بونك نتیجه سی دخی ، هیچ برپلاه صاحب بولونیامدینی تقدیرده واقع اوله جفندن دها بر باد بر شکله ظاهر اولور .

تجاوزی حرکات قیمت واهمیق — پلانلر ، تجاوزی وتدافی اولق اوزره ایکی قسمه آیريله بیلیر . بعضی مملکتلر ایچون تدافی خط حرکت — برطاق احوال و شرائط مخصوصه تحتنده اولق اوزره — مناسب والویریشلی اوله بیلیر . دیگر مملکتلر ایچونده حرکات تجاوزیه ، همان دائماً واحتمالکه کمال قطعیتله اک مکمل بر احتمال موفقیت عرض ایدر .

اسکندر کبیر ، یکرمی ایکی عصر مقدم ، تجاوزی بر خط حرکتیه قیمت مخصوصه بخش ایدن بر عقیده حربه میدان قویمشدی ؛ بوعقیده حربه ، الان اهمیتنی محافظه ایتمکده در . اسکندر کبیر زمانندن بری ، کرک دکزده ، کرکسه قره ده تمیز ایدن بتون بیوک قوماندانلر ، تجاوزی بر خط حرکت اختیار واتحاب ایتمکه اک پارلاق ظفرلرینی تأمین ایله مشلردر . تجاوزی خط حرکتک ، بوجهتی اختیار ایدن قوماندانه ، حتی هر هانکی بر عماربه نك وقوعندن اقدام بيله ، فوائد قطعیه بخش ایتدیکی آزاده اشتباهدر .

چونکه ، بویله بر قوماندان ، نه یایمق ایستدیکنی سیلدیکی  
 حالده دشمنی ، بوندن بی خبر قالیر . ینه بویله بر قوماندان ،  
 حرکاتنه ، محاربه ایتک ایستدیکی موقعه وزمانه حاکم بولونور ،  
 بالنتیجه ظاهر اوله حق محاربه دخی توکبی شرائط مساعده  
 سببیه اوله بر ماهیت صریحه اکتساب ایلرکه بوندن خصمک  
 هیچ بر فائده تأمین ایتسنه امکان قالماز . بو صوکره کنه ، هر شی  
 مجهول قالیر ؛ دشمننه عطف واسناد ایده بیله جکی ستون پلانلر  
 ایچندن هانکیسنک انتخاب واختیار اولوه جغنی بیله مز .  
 تجاوزی حرکاته قیام ایتک اوزره پلانلر استحضاری ، بلا سبب  
 حرب آچغه دلالت ایدر صورتنده تلقی ایدلمه ملیدر . بویله  
 بر حالک وقوعی ، مستحیلدر . بر ملت ، بلا سبب دیگر بر ملت  
 تعرض ایتمه مکله مکلف ایسه ده معروض هجوم اولدینی تقدیرده  
 نصل حرب ایده جکفی بیلمه مکه حق یوقدر .  
 ستون حرب پلانلرینک تحتنده مستتر اولان فکر عمومی ،  
 منافع ملیه بی مدافعه ده اک مکمل واسطه ، بو پلانلرک تجاوزی  
 حرکات ایله موقع فعله وضعندن عبارتدر .  
 بر ملتک منافی تهدید ایدلدیکی زمان ، یالکز ایکی درلو  
 چاره مدافعه کورولور :

اشبو منافع ، یا طوغریدن طوغری به ایقاع حرمت ایده -  
جک بر قوه کافیه ایله ستر وحمایه ای دیله رک ویا خود دها اییسی ،  
اصل تهدید منبعی محو و خراب ای دیله رک مدافعه و محافظه  
اولونه بیلیر .

سوق الحیشه متعلق حرب بلانلری یاپارکن سوق الحیشهچی ،  
اول امرده نه کبی خصوصاتک مدافعه ای دلمک لازم کلدیکفی  
کشف و تعیین ایتمه لی و بونلر اوزرینه واقع اوله بیله جک هجوملری ،  
نه یولده تدابیر تجاوزیه ایله منع ویا سهکته دار ایده بیله جکفی ده  
بوندن صوکره قرار لاشدیر مایدر . بر دونانما ، بر سلاح  
تعرضدر ؛ بو آنه قدر سبقت ای دن تجارب ایله تحقق ایله مشدرکه  
مدافعه نفسک اک مکمل اصولی ، هجوم و تعرضدن عبارتدر .  
اون سنه مقدم اقصای شرقده وقوعه کلن حربده  
بر طرفده ؛ دلیرانه و متشبثانه بر حرکت تجاوزیه ، دشمنک  
قوه معنویه سی انکسار و انحلاله او غراتان هجوم آتی یعنی  
اسکندر ، آنیبال ، سزار ، سوفرن ، ناپولهئون و نلسن کبی  
بیوک قوماندانلره مظفریت بخش ای دن اصول وقاعدهک  
تطبیقاتی واردی : دیگر جهته ایسه ، جینانه بر حرکت

تدافیه ، مسکینانه بوضع انتظار ، موجب انکسار برعطالت  
حکمرما اولویوردی . بو ، دائماً ، مغلوبیت وهزیمه مقارن  
اوله کلش برحالد .

پلانلر ، سیاست خارجه دن متأثر اولور — علی العموم  
حرب پلانلرینک استحضارندن مقصود اصلی ، معین بر مملکتک  
کرفتار هزیمت ایدلمسندن عبارت بولونمیه جفندن بولنری احضاره  
مأمور بولونانلرجه مخاصم اولمالری الک زیاده محتمل بولونانلرک  
کیملر اولدیغنی بیله بیلیمک اوزره ملی سیاست خارجه یه واقف  
بولنقی ایجاب ایدر .

بوجهت تعیین ایدیله بیلنجه ، سوق الحیشجی دخی افکار  
ومطالعاتی استناد ایتدیره بیله جک صاعلام و صریح اساسلر  
الده ایتش بولونور . حرب مسئلهء عمومیه سنک تک بر صورت  
حلی یوقدرکه تکمیل اختلافات ملحوظه یه الویریشلی وقابل  
تطبیق بولونسون ؛ مع مافیه ، کوزلجه تعیین وتقریر ایدلمش  
احوال صریحه یه قابل تطبیق بر طاقم صورت حللر بولونه بیلیر .  
روسیه نك، ژاپونیا ایله اجرا ایتدیکی حربده دوچار اولدینی  
عاقبت ، اقصای شرقده توسع سیاستنک نتایج ضروریه سنی ادراک

و تقدیر ایده مه مکه تظاهر ایدن خطای فاحش سوق الحیشینک  
جزای سزاسیدر . بویله بر خطای اساسی ، ایشک مبادیسندن  
اعتباراً قوای حربیه سنک افعال واجرا آتیه دخل و تأثیر کو-  
سترمش و ابتدای امرده کندیسنی مغلوبیت و اضمحلاله نامزد  
قیامشدی .

اولکجه دن پور آر تورده یاره له نن کیلرک ، آنجق ثم التدارک  
ترتیب و احضار ایدیان و سائط ایله تعمیر و ترمیم ایدیه بیلیمسی  
کیفیتی ، پور آر تورک لوازم و آلات بحریه جه درجه فقر و نقصا-  
ننه دلالت ایلر . احوال متعاقبه حربیه ، ولادیووسستوق  
لیمانک ده دهها مکمل و سائط و متابعه مالک بولونمیدنی ارايه  
ایله مشدر .

بتون بو حربک صفت کاشفه سی ، اول امرده بحریه اصابت  
ایدن وظائف و خدماتک برنجی درجه اهمیتده بولوندنی کیفیتنک  
روسیه جه تقدیر ایدیه مه مسنده مندر جدر . روسیه ، سیاستنک  
اک مکمل ضمانی ، دو ناماسندن عبارت بولونمق لازم کلدیکی  
ا کلاماش کبی کورونویوردی . ابتدادن ارتکاب ایدیان  
خطیبات اساسیه دخی ، بالاخره باش قوماندانلغک یامش اولدنی  
سوق الحیش یا کاشاقلری ایله اکمال و امام ایدلمش اولدی .

حرب ایچون یاپیلان استحضار ائده دهاییه احتیاج یوقدر —  
 قوای ملییه جمع و تحشید ایتک ، دها صلح زماننده سلاح ،  
 کمی ، مرتبات ولوازم ضروریه ندارک ایلهمک ، خلاصه  
 بتون بووسائط و منابعی ، تهلیکه زماننده و تهلیکه نقطه سنده  
 اعظمی احتمالات مساعده تأمین ایدهمک وجهله اک مکمل  
 بر صورتده فصل استعمال واستخدام ایتک ایجاب ایتدیکنی —  
 هیچ برجهتی بخت و طالعه براقیه رق — تدقیق و تتبع ایتک  
 اقتضا ایلر .

دیگر هر شئیک مساوات و معاداتی تقدیرده ، بیوک بر قوماندا-  
 نده باش کوستررسه ، بوندن دها بیوک بر فائده متصور اوله ماز .  
 مع مافیله ، بوبله بر قوماندان ، قدرت ایجادیه و تداییر خارق العاده  
 وادیسنده کندیسندن بالفعل محاربه دن بشقه برشی مطالبه ایدلیه جک  
 اولورسه ، مظفر بتندن اولنستهده امین و مطمئن بولونور .

پلانلره ، لوازم مسئله سی ده داخل ایدله لیدر — پلانلر  
 بالکمز قوه حربیه نك توزیع و تقسیمندن ، صورت استعمالندن  
 باحث اولمقله قالملی ؛ بونلرله برابر مذکور قوتک عرض  
 احتیاج ایدمبیله جکی بتون لوازم و حوایج ضروریه نك تأمین

واحضارینه عائد ترتیباتی ده احتوا ایتمه لیدر . دردست تنظیم بولنان برپلانك بوقسمی ، اوکجه دن مکملیته غایت قریب اوله رق بتون تفرعاتیله برابر چیزله لیدر . لوازم وحوایجی تأمین اولو- نه حق قونك مقداری معلوم بولونور ؛ بویله برقونك معین بر مدت ایچون قسم اعظم احتیاجاتی ، اولدجه صحیح و سالم برطرزده تحمین و حساب ایدیله بیلیر .

لوازمك سوق و نقل ایدلمسی لازم كلن مسافه ، كرك بونلرك نقلیاتی وكر كسه لوازم وحوایجی طاشیان كیلرك بالتكرار ده بو لیمانلرینه عودتی ائناسنده مرور ایدن زمانلرده حساب ایدیله بیلیر .

مواد مذکوریه متعلق حسابات ، لوازم نقلیه مخصوص كیلرك آیری آیری ابعادیله برابر جنس و عددینی تعیین و تقریر ده یاردم ایدر .

بونلرك عددینی قرار لاشدیرر كن هوانك احوال وایجابی و دشمن قروزرلرینك فعالیت و تشبثات محتمله سی ده درپیش ایدلك اقتضا ایلر . ده بو موقعدن ایسته نیان لوازم ویا نقلیه سفائنك مقدار مطلوبی ، اورایه کیتمه لی : ضایعات و ضبط

و تسخیر کبی احواله قارشى بوايشه ، یوزده معین بر مقدار فضله  
کمی تخصیص ایدملیدر .

اس الحركات — دونانمالر ، تاریخ بحرینک هر بردورده  
کمیله تکمیلینه ، اوراق ولوازمی ندارک ویا اکاله مساعد  
اس الحركاته احتیاج مبرم کورمشلردر .

دکز حربنه متعلق حرکات ، بوقیل استناد نقطه لرینه تأمین  
مالکیت ایدلمدیکی صورتده مادر وطندن اوزاق یرلرده موفقیتله  
اجرا ایدیله من ، بناءً علیه ، نقاط مذکورہنک انتخاب و تجهیز  
صلح زمانلرینه عائد سوق الحیدشک الک مهم مشغله لرندن بری  
تشکیل ایدر .

دونانمالر ، بنفسه قائم و دائم دکلددرلر . بونلر ، لوازم  
و حوائج ضروریه لرینی قره دن آلیر ویا لکز تعمیرات فاریقه لری ،  
حوضلر و سائر ایله مکمللاً مجهز براس الحركاته نک اجر ایدمه بیله جکی  
تعمیرلرہ متبادلاً مجبوریته حس ایددرلر . بونلر اولمدجه ، دونانما ،  
حرکات حربیه ساحه سنده محافظه وادامه موجودیت ایدمه منلر .  
روزکارک یکانه قوه محرکه اولدینی زمانلرده بیه جکی  
ایچه جکی ، جیخانه سفی مکمللاً تأمین ایدن بردونانما ، حین  
حاجتده ، آیلرجه دکزده قاله بیلیردی .

حال حاضر سفائن حربيه سى ، مرتباتلرينى آيلرجه بسليه .  
 بيله جك حوايج ضروريه طاشييه بيليرلر سوده قوه محرکه لرني  
 ادامه ايتمك اوزره انجق برقاج هفتقل وحتى برقاج كونلك  
 كومور آله بيليرلر . مواد احتراقيه ايچون صيق صيق ليمايه دونمك  
 مجبوريني ، دونانما رفاقتنده كومور كميلري بولونما ديفنى تقديرده ،  
 قطعى ومبرمدر .

بوندن بشقه ، چايك تكنه لر ، دكز صوييله تماسده بولونه  
 بولونه پيسله نير ؛ سوق الحيش وتعبيه نقطه نظرلرندن بعض  
 مرتبه حائز اهميت اولان يوكسك سرعتلر كم مهم بر صورتده  
 تناقصنه ميدان ويرمه مك مطلوب اولدينى تقديرده ، آره صره  
 حوضه كيرمك ايجاب ايدر .

فنا هو الردن متولد خسارلك تعميرينه ده احتياج كورولور ؛  
 حتى مظفر بيله اولسه ، محاربه يه كيرمش بولونان برقوتى تركيب  
 ايدن سفائنك يكي باشدن حرب وضرربه الوريشلى برحاله وضعى  
 ايچون بيك درلو تعميراته لزوم واردر .

اس الحركه ( استناد نقطه سى ) ، صحنه حركاتدن نه درجه لرده  
 بعيد بولنورسه ، دشمنه قارشى حركات حربيه سنده ، برباش قوما .

ندان طرفدن استعمال واستخدامه مهيا بولنه بيله جك دونانماك يوزده مقداری اونسبتده كوچك اولور . تعمير ويا كومور ايجون قوه حربه دن انفكاك ايدن بركى ، تكرار كلوب دونانمايه النحاق ايدنجه قدر استعمالدن ساقط بولونور . بو حالده ، كيده جكي اس الحركه ، دارالحركاتدن اوزاق اوله جق اولورسه ، ايشه يارار سفان حربه جه واقع اولان ضرر روزيانده او مرتبه بيوك اولور . نفس قرده تاسيس ايديله جك برنجي صنف بحري براس الحركه ، امنيت و محفوظيتي خصوصنده دونانماندن كلياً مستقل و آزاده اوله جق درجه لرده متين و مكملأ مدافعه آلتنه آلمش اولماليدر . اطه لرده تاسيس ايديانلر دخي موقعاً عيني مرتبه متاتي حائر اولق ايجاب ايدر سه ده بويله بر موقع ، صو كنده دشمنى ، قوتلى بر قطعه عسكر يه سوق و اخراجندن ، اس الحركه ي محاصره طريقيله ضبط و تسخير دن منع ايتك اوزره دونانمانك قوت وسطوته ( بونده دونانمانك اثبات وجود ايتيمى لزومى مجبوريت تحتنده دكلدر . ) استناد ايتك كر كدر .

بناءً عليه حال حاضر اس الحركه لرى ، مهم مقدارده لوازم و حوايج ضروريه ، جېخانه ، كومور ، ياغ ، يدك و احتياط اشيا ،

مواد ابتدائیه و سائرہ ایلہ برابر حوصلہ ، تجهیزات کاملہ بی حائر تعمیرات فابریقہ لری ایستر . بتون بوشیلردخی دونانماک معاونت و مظاهر شدن مستقل اولہرق ہفتہ لرجہ و احتمالکہ آیلر جہ مقاومتہ مدار اولہ سیلہ جک تحکیمات تدافعیہ ایلہ تحت محفوظیتدہ بولوندر لمق اقتضا ایلر . چونکہ اصل مسئلہ ؛ دونانماک ، حرکاتی اجرا ایتک قدرت و قابلیتنی تأمین ایتکدن عبارتدر . بوحال ، بالذات دونانماک بیلہ امنیت و سلامتی تشکیل ایدر .

بوقیل براس الحریکہک انتخاب و تجهیز ی خصوصاً صلیبہ نہ مرتبہ عطف دقت و اہمیت ایدلسہ ی نہ آزددر . لایق وجہ اوزرہ رانتخاب اجراسنہ مدار اولمق اوزرہ ژاپونیا ایلہ واقع اولان حر بندہ ، روس قوای بحریہ سی ایچون تحشد و تجمع نقطہ سی اولہرق قبول و اختیار ایدیلن پور آرتور کبی بر موقع مستحکمک بعضی محذور لریخی کوسترمک فائدہ دن خالی اولہ ماز . پور آرتور لیمانسک احوال و شرائط بحریہ سی ، بورادہ برنجی صنف براس الحریکہ تأسیسنہ همان همان الویریشلی دکلدی . ایچ لیمان ، بردونانمایہ ملجأ اولہ میہ جق مرتبہ لردہ کوچک ایدی . دمیرلی بر فیلولی تحت امنیتدہ بولوندرہ بیلہ جک محفوظ برطیش

لیمان ده بوقدی ؛ بوندن بشقه ، دونانمانك ، استحکاملر آلتنده  
 نظام حرب تشکیل ایده بيلمسنه مدار اوله جق برمرساده  
 موجود دکلدی . بوصورتله ، موقعك مدافعه بحریه سنی تشکیل  
 وتنسيق مسئله سی ، مشکل الحل برمعما ماهیتنده بولونیوردی .  
 آیریجه ، مدخلك قبادلسی احتمالی ده واردی . نهایت الامر ،  
 اوزون وطار بریارم آطه نك نهایتنده کائن بولومسی حسیله پور  
 آرتور ، کریدن هجومه معروض بولونیوردی . اصل انتخاب ایدلك  
 ایجاب ایدن ولادیووستوق لیمانه نسبت ایدیله نجه ، پور آرتورک  
 وضع وموقعی ، دارالحرب اولماسی محتمل بولونان ژاپون دکزینه  
 نظراً خارج عن المركز ایدی . قوتلی برصورتده مدافعه آلتنه  
 آلتسی لازم کلن اس الحركه لرك انتخابنده ، آتیده مذکورملا  
 حظات مهمه جاری وحاکم اولمالیدر : محتمل حرکات حربیه  
 مراکزینه ویانقاط سوق الحیشیه یه قریت ؛ بومباردماندن مصونیت  
 ومهاجمه سهولتله مقاومت ؛ دمرمحلی وحوضله ، تعمیرات فابریقه .  
 لری ، ریختیملر وسائر وسائط لازمه نك تأسیسنه مساعدوسعت :  
 ثابت وتالی اس الحركه لر ونقلیه سفائی — دونانمالره نقطه  
 استناد اوله جق باشلیجه اس الحركه لر دن ماعدا بونلرك پی درپی

لوازم ضروریہ ایلہ بسانمسی مسئلہ سی دہ، منتظماً و مطرداً تشکیل و تنسيق ایدلمہ لی ؛ بوقبیل برتشکیلات دخی دها صاح زمانلرنده قبول اولونمالیدر . چونکہ حرب باشلادقندن صوکرہ بونک وجودہ کتیریلہ بیلمسی امکانسز اولور .

ساحۂ حرکات نہ مرتبہ واسع اولورسہ ، تنسيق و تشکیل ایشی دہ اودرجہ مشکللہ شیر . سفائنک حرکاتی ، یالکز متوسط و سمعته ساحہ لرلہ محدود بولونور و انجق اصل اس الحرکہ دن ویا مادر وطندن نسبتاً قبضہ برغیوبته احتیاج کوستیرسہ ، کیلر هر زمان اوغرادقیری اس الحرکہ ویا لیانلردن علی العادہ ارزاق و لوازم سائرہ اخذ ایدہ بیلیرلر .

حالبوکہ ، حرکات حربیہ ، کیلری مادر وطندن ویا باشلیجه اس الحرکہ دن زیادہ سیلہ اوزاقلاشدیرنجہ لوازم ضروریہ بونلرہ یاطوغریدن طوغری بہ کوندرلمہ لی ویا خوددہ کیلرک اصل منطقه حرکاتندن مهم براویغونسزاقہ میدان ویرمدن انفکاک ایدوب کیدہ بیلہ جککاری نقطہ لرہ دپو ایدلمہ لیدر .

بوکیفیت ، تالی اس الحرکہ لر تشکیلی فکرینه وجود ویرمش و بواصول ایلہ ارزاق و لوازم سائرہ تأمین خصوصنک ملاحظات دقیقہ بہ تابع طوتولماسی ضروری کورولمشدر .

برکینک حربده کنديسنه تخصیص ایدیان منطقه حرکاتدن ولوقیصه برزمان ایچون انفکا کندن ممکن اوله ییلدیکی مرتبه-لرده توقی ایدله لیدر .

مادامکه کمیلر ، کندی کندیلرینه اولدجه مهم تعمیرات اجراسنه الویریشلی وسائطه مالک اولمقله برابر کندیلرینه نقل ایدیان هر درلو لوازم واشیای آله بیلیرلر ؛ مادامکه بونلرک خسته و یاره لیلری چیقاریلوب زنده افراد ایله استبدال ایديله بیلیر ؛ اوحالده حوضلا نه بيله جکاری بر لیانه کیتمکه مجبور اوله جق مرتبه لرده تعمیراته احتیاج کو سترمدکاری صورتده کمیلری ، تالی اس الحرکه لردن آازاده قیلحق ممکن اولور .

برکینک حوضلانمه زمانی ویا اس الحرکه لیاننه عنیمتنی ایجاب ایتدیره جک بیوک تعمیراتی ، اولکجه دن حتی تقریبی بر صورتده بيله حساب و تخمین ایديله مز : حالبوکه بویه برکینک لوازم ضروریه سنی اکماله مجبور اوله جفی زمان ، بر درجه یه قدر آز خطایه معروض اوله رق حساب ایدلمک ممکندر . اشبو ایکی زمانک بر آاره یه تصادفی ، کو کئیه میه جک بر یاورى طالع اثری اولمقدن بشقه بر وجهله تلقی ایديله مز .

مناقلاتی تأمین ایتک اوزره براداره منتظمه تشکیلی لزومی  
عیان و آشکاردر . بو کیفیت ، حد ذاتنده لوازم و اشیای  
ضروریه خطوط مناقلاتنده فاصله تشکیل ایدن براس الحركه  
( ده پو موقعی ) تأسیسندن متولد وضعیت غیر منطقیه به دلالت  
ایدر ، چونکه بوقیل براس الحركه دن ایدیه بیله جک استفاده ،  
لوازم ضروریه نك قره به چیقارلمسی وبالا خره تکرار کیلره  
آلنسی ایجاب ایتدیره نك تأمین اولونه بیلیر .

بویه براس الحركه ، کلیاً یا کلش و فنا بر موقعده انتخاب  
ایدیه بیلدیکی کبی کرک تأسیسی و کرکسه مدافعه سی خصوصاً صلی ده  
بك فضله مصارفه میدان آچه بیلیر ، خلاصه ، کیلر ، صحنه  
حرکات جوارنده بوکا بدل سیار و موقت براس الحركه استعمالنه  
مجبوریت کورورلر .

بوندن صوکره سی ، نقلیه سفائننك براداره منتظمه سینه  
وابسته قالمقندن عبارتدر .

نابت ده پو موقعنك الك بیوک منفعتی ، اس الحركه ده درانبار  
ایدلمسندنه بوزولوب خراب اولوق تهلهکسی بولونمایان لوازم  
ضروریه نك نقلی ایچون بورادن کیلره قدرمتمد اولان خطمو اصله نك

قیصه لفنده مناجدر . بعض جنس اشیا وارد در که چابوق  
 بوزولور ؛ بعضیلر بده مثلاً کومور کبی ، حجمنک وسعتی اس الحركه  
 ده کافی مقدارده ده بو ایدیه بيلمسنه مانع اولور ؛ بونلرك  
 نقلیات ایچون ، خطوط مواصله نك كشاده بولون دورلماسی ایجاب  
 ایدر ؛ خطوط مذکوره ، رصنف اشیا ایچون آچیق بولونه -  
 بیلیرسه دیکرلری ایچون ده آچیق دیمکدر .

عمومیتله ثابت ده بو موقعی اصولی ، مصرفسز ظن اونونور ؛  
 حالبوکه هر جهتی درپیش ایدیلنجه ، بونك ، پك هالی به مان  
 اولدیغنه شبهه قالماز .

صالح و آسایش زمانلرینه متعلق سوق الحیشك بوشعبه سنه  
 مطوف دوائی وانجه برتدقیق و تفتیش ، دها صالح زمانده  
 مکمل ر تشکیلانیه محتاج و مستعد بولونماسی اعتباربله یرینه  
 مصروف و معقول بر حرکت اولور .

بوجهتی ، حرك ظهورینه تعلیق ایتمك ، ابتدای مخاصماتده  
 حدوثی محقق بولونان مشکلاتی عمداً تزئیده باعث اولمقدن غیری  
 برمعنا افاده ایتمز .



## دردنجی باب

### حاکمیت بحریه

حاکمیت بحریه دن مراد به در ، حرب بحریدن مقصود ،  
حاکمیت بحریه استحصال ایله مکدر ، بوده : منافلات بحریه مک —  
یعنی ، واسع رایمپراطورلغک ر قسمی ایله دکز تجارتک کچه جکی  
دیگر اقسام فی ربط والصالق ایدن ومخاصم قوای سمریه مک  
سروری مجزوم بولونان طرق بحریه مک قونطرول ایدلمسینی  
ناطق رافاده بسیطه دن عبارتدر .

بو کیفیت ، مظهر اولان طرفه ، حرکات حریه ساحه  
بحریه سنک فتح واستیلای قطع یسندن دها فضله فوائد تأمین  
ایلر : بوحالده ، حاکمیت بحریه مفهومی ، آریجه سیرسفائنک  
سربستیسینی ، تجارت بحریه مک امنیت وسلامتی ، ملی بایراغک  
جولای کبی بیوک برملتک حیات فعاله سنه دلالت ایدن  
هر شیئی احتوا ایدر .

بویله ر قونطرول تأمین ایدن دولت ، ایستدیکی نقطه ده  
خصمه هجوم ایده یلیر ، بوقیل ر قونطرولک ، دکز آشیری  
بیوک رهیت سفریه عسکریه کوندرلمسندن اقدام تأمین ،

درجه وجوده در . بوجهتك اهمالی ، ایر ویا کچ ، اضمحلال  
وفلاکته منجر اولمشدر .

ابتدای امرده ، صوری بر موفقیت کوروله بیلیر ؛ فقط ،  
تشیجده ، فلاکتک نحقی ضروریدر . رومایه قارشی آجدینی  
حربلرده ، ( آنیبال ) ی ، مصر سفرنده ، ( بوناپارت ) ی  
پیشان ایدن کیفیت ، حاکمیت بحریهك استحصال ایدیلومه -  
مسنده مند مجدر .

( بوناپارت ) ، دهاسنك اك ماهرانه ترتیبات وتنظیماتنه  
رغماً ، هیچ بر زمان سربست بر شهر ایه تأمین حاکمیت  
ایدهمهك یوزندن انکاترمه تجاوزواستیلا تصوراتندن فراغته  
مجبور اولمش وبالاخره انکاترمك مغلوبی اولدینی اعترافه قدر  
وارمشدی .

اسپانیا - امریقا حربنده ، حاکمیت بحریهك قدر واهمیتی  
قدر ایدن حکومت متحده امریقا ، ( چروه را ) فیلوسنك  
آجیق دکزده بولونهرق بر تهدید محتمل تشکیل ایندیکی مدتجه ،  
( کوبا ) یه بر هیئت سفریه عسکریه اعزامنه متعلق هیچ  
برتشنده بولونمادی . اشبو فیلو ، ( ساتیاغو ) لیاننه قبانیر

قیامت ، بویله بر هیئت سفر به دخی امنیت و سلامتله نقل و سوق ایدلمشدی . ژاپونلر ، روس — ژاپون حربینک باشلانغچندن اعتباراً سربستیء حرکانه مظهر اولمش بولونمایه یدیلر ، ( قوره ) و ( مانچوری ) یه کوندردکلری ۶۰۰ سیک کشی به بالغ اولان بیوک براردونک موفقیتله سوقیات و اخراجاتنه ولوازم سفر به سنی نقله امکان بوله مازلردی .

ژاپونلر ، هرشیدن اقدم ، باشلیجه هدف مقصودلری یعنی حاکمیت بحریه یی استحصاله جایشدیلر ؛ دهها مخاصماتک باشلانغچنده ، دشمنلرینک باشلیجه قوهء بحریه سنی اس الحرکه سنده خیر یالایوب محاصره آلتیه آله رق بو مقصوده ظفر یاب اولمشلردی . ژاپونلر ، بو حرکتلریله حربک اساسات حقیقیه سنه آگاه اولدقلرینی کوستریبورلردی .

حاکمیت بحریه استحصالی ، بر طرفه یالکزدکز آشمغی ایجاب ایدن حرکات جسیمه نک اجرا سنه قدرت بخش ایتمکله قالماز ، فضله اوله رق دیگر جهتی ده بویله بر قدرتدن محروم و مهجور قیلار . بو کیفیت . صوکره کنک ، اوافق تفک حرکتلر اجرا سی خصوصنده کی قدرتی سلب ایده من ایه ده بونلرک اجرا آتی

اشكال ايله بياير . بوقيل حركتلرك ، نتيجه ده مغلوبته محكوم بولونان رقلعه مدافعلرينك خروجي كي موضعي موفقيتي اوله بياير — طبق ، خروج حركتلرينك محاصره اردوسنك غلبه نهائيه سني تعويق ايدم بيلمسي كي — ايسه ده ، بولركي ، اولنرك ده بك فضلله براهيتي اوله ماز وساحه شمولي داخلىنده حاكميت بحريه مجادله سنك اولجه برتيجه قراره باغلاشمش بولوديني رحر بك روش جريانه اجراي تاثير ايدم مز . بو حال ، مخاصميندن برينه ، قيام ايدم بيله چكي حر كات حريه جهتيه واسع بر ساحه انتخاب واختيار براقير ، حالو كه ديكرى ، حربده قطعي بر ماهيتي اوله ميه جق حر كات جزويه قصر مساعي ايتمه مجبور قالير وبولري بيله ، آنجق بك بيوك مشكلات تحتنده و بيوك بر اميد موفقيندن محروميت ايچنده اجرايه قيام ايدم بيلير .

( ولا ديووستوق ) ليماني اس الحركه اتخاذايدرك بورادن طوضري اجراي حر كات ايدن روس قرووزرلرينك ياپديني كي خروجلر ، غير محاربلك و يلاقاچاق اشيا بطاشيان كميلرك و يا خود آراصرار نقليه سفينه سنك ضبط و يا غرق ، صورت ظاهرده جسورانه حر كاتلر ايدى . مع مافيه بولنرك حقيقت

حاله ضرر سز آقینلردن باشقه بر صورتله تلقی ایدیله بیلمسنه  
امکان اوله مازدی . چونکه بوقیل حرکاتک ، وقوعاتک روش  
جریاننه و یا حرب مسئله سنک حله قطعاً هیچ بر تأثیر اجرا  
ایده مدیکی نتیجه تحلیله ثابت اولمشدر . بونلر ، حربک نهایتی  
نه بر کون ایچون تسریع ایتمش ونه ده بونک نتیجه سنده ذره قدر  
یر تحول اجرا ایلشدر .

حاکمیت بحریه نه صورتده قزاییلر ؟ — قوتلی برد و یا غایه  
مالکیتک ، حاکمیت بحریه استحصالنده بیوک بریاردمی اولور ؛  
فقط ، بونکله قزائغ خصوصی بر شکل قطعی اکتساب ایده مز .  
حاکمیت بحریه نک قزاییلمسی ، اک زیاده ترتیبات اولیه ، پلانه  
و بو پلانک موقع فعله وضعنه متوقف بولونور .

هر شیئدن اول ، یاییله بیله جکندن فضله سنه قیام ایتمه مک  
اقتضا ایلر . بک جوغی قاورامق ، یالکز کوشک طونه بیلمک  
دیمکدر ؛ حالبوکه حریده طوتیلان هر شیئه ، صیم صیتی صا .  
ریلوب یاییشمق لازم کلیر ؛ طبایع بشریه ده علی العموم تأمین  
نفوذ و حاکمیت امرنده فعال ایکی عنصر وارددر : حدث و جیانت ؛  
بر آدمک سجیه و یا مزاجنی ده بونلردن هر هانکی برینک حاکم

و نافذ اولوشنه نظراً تمیز ایدمرز . مع هذا ، طبیعتده هر ایکی عنصرک موجودیتی فرق ایدلمه مش ویا ایدلمیه جک بر آدم کورلمه مش و کورلمیه جکدر .

بونلردن ابکیسوده لایقی وجه اوزره دنکاشدیریلیر یعنی حیانت ، محو و فاسانه سائق اولمدن حدتی تنقیص ایدرسه ، ستایجی اعتباریله دوریین ، احوال و ایجاباتی تقدیر ایدر منور برجسته رته . مظهریت تأمین اولنور ، بوحاله مظهر اولان بر قوماندان ویا مادونی ، دکرلی بر مجاهد صورتنه تمثل ایلر . بویکی عنصر ، نسبت حقیقیه ده ائتلاف و امتزاج ایدنجه ، یکی بر مرکب یعنی شجاعت حصوله کافی بر قرابت و صمیمیته مالک بولونور . پلان تنظیمنده کوستریلن فضله جسارت ایلر اشبو پلانلرک اجرا آتنده اظهار ایدیلن نقصانی عنیم و قرارک اکثریتله وقوعی ، بوخصوص دریش تفکر ایدیلنجه اکلاشیلیر .

بوحال ، بر حربده هر ایکی طرف ایچوندده واقعدر . دشمن ، عادتا سزک کندیکز کی ، اجرا آتیه قیام ایدلدیکی زمان پک احاطه لی اولق اوزره نظره چاربه جق پلانلر ترتیب ایده جکدر . بر طرف ، دیکری کی بالفعل اجرا آت دوره سنک ایجا

باتندن اولان مهلاك و مشكلا ته مصادف اولونجه مایوس  
قاله جقدر . بوراده ، يالكز وباشايجه نقصان و يامفقود اولان  
شجاعت ماده دكلر ؛ اك زياده نقصانی محسوس اولان کیفیت ،  
شجاعت مغویه در .

مسئولیت قورقوسنك نام ديكري ده شجاعت مغویه  
فقد ایدر . بوكییت . مهم ره رفته قیام ایدیله جکی زمان ،  
هیچ روجهله شجاعت ماده دن محرومیتلری کورولمه مش  
اولان بعض طبایع اوزرینه محتمل رعدم موفقیت و اهمه سندن  
متولد تأثیراته مفاومت ایدمه مکدن شقه برشی دكلر . ناراحتده ،  
فردا جسارنلری هر درلو شك و شبهه دن وارسته اولدینی حالده  
صنعت حرب اجرا آتنده محاربه دن درین وجبلی بر خوف  
و احتراز ابله قاچنمش بر چوق ذواته تصادف ایدلمسی موجب  
حیرتدر .

هرايکی طرفك ده بوكی تأثیراته معروض بولو عسی حسبيله  
دشمنه . بيوك ركفايتسزلك و باغارق العاده بر قدرت عطف  
واضافه ايتكم معقول اوله مانز ؛ مع مافیه ، اونك ده ، همان همان  
سزك كنديكزده موجوديته ذاهب اولديكز مرنبلرده

شجاعت و عقل سایمه مالکیقی فرض ایدلمش اولوق کرکدر . بویله  
یا بقله ، خصمک اجراآت محتمله سنی دها صحیح برصورتده  
حساب و تخمینه یول بولمش اولورسکمز .

سز ، حاکمیت بحریه استحصال ایتک ایسته یورسکمز ؛  
دشمنکمز ، بومقصدده مانع وحائل اولوق فکریده بولونیوز .  
اوحالده سز، اونک یرنده اولسه کز نه یاپاردیکز ؛ .

اونک تدابیر و ترتیبات دقیقه سی ، تمامیه کشف و تعیین  
ایدیله مز ؛ فقط دشمنک وسائط و منابعی ایله اصول معتاده سنی  
عقلی برتقیش ، مورود معلوماتی اینجه دن اینجه تدقیق و تتبع .  
اونک تصوراتنه دائر اولدجه صحیح وقوف پیدا ایتمه کزه  
یارار . دشمنک مأمول ایدلدیکندن بشقه برصورتده حرکتی  
تقدیرنده تعدیل ایدیله میه جک مرتبه غیرالستیقی اولمامسینه دقت  
ایدلمک شرطیله پلانکزی ده بوکا ایتنا ایتدیره بیلیرسکمز . احتمالا نه  
مستند و مطلوب ایدلدیکی زمان تعدیل و تبدیله الویریشلی برپلان ،  
سوق الحیدشک روحی مشابه سمنده در . قوتلی اولان طرف .  
اعلب احتمال ، دیکرینک قوه بحریه سنی آرزمان اینچنده  
قهر و رباد ایتمه جباله یه جق و کندی قوتی ده بویله برهدف

مقصوده کوره جمع و تحشید ایدم جکدر . چونکه کندبسی  
ضعیف و عاجز موقسنده بولونمش اوله یدی ، علیهنه بو طرزده  
حرکت اولونه جفتی بیلیر .

هجوم آنی — قوی نی دو چار ضعف ایتک ، ضعف ایچون  
موجب فوائددر ؛ بوکا ایکی وجه ایله تثبث ایدله بیلیر :  
بونک بر وجهی : حربک رسماً اعلانندن اقدام ، قوه فاد  
ثقه نك، هجومه معروض لیانلرده طویلانیسی مأمول بولونان ویا  
متفرق مواقعه قالمش اولان اقسامی اوزرینه هجوم آنی  
اجرا ایتکدر . برچوق ملتلر ، اکثریتله موققیته تبتجه لنن بو  
اصوله مراجعت ایله مشدر .

بواصول حرکت ، علیهنه استعمال ایدیلان طریقه ، عمومیت  
اوزره ، ظلم و وحشت صورتنده تلقی ایدلمش ایسه ده صنایع  
موجوده نك اك عملیسی اولان حربده بوکبی تلقیلرله هیچ بر  
شی قزانیله ماز . حربده تدابیر لازمه یه توسل ایتک ، خیزی  
واولدوره سی یه اورمق ، دها کارلی برایشدر .

بوقیل تثبثلر ، علیهنه توجیه هجوم ایدله جک قوتک بتون  
اقسامی ، یکدیگرینه مظاهرت ایدله جک بر مسافه داخنده

بولوندير مق وبردمير يرنده هر درلو ترتيبات تدافعيه دن خالی اوله رق يانان کيملرک معروض بولونه جقلری آنی باصفين هجوملر-ينه نظراً بو نوع حرکات عقيم قيله بيله جک تدابير احتياطييه توسل ايله مکله قارشيلانير .

مناسباتک کرکينلک دوره سنک ماهيت اصليه سنی صحتی وجه اوزره تقدیر ايتمک ، اهميت عظمایي حائزدر . بوصره لرده ، صلح و آسایش زمانلرينک اعتيادات لاقيدانه سنه مساع يو قدر . بودوره ، اصلاً ، تبصر و احتياط دوره سيدر .

دشمن محتمل قوای حربيه سنک مواضعنه وقوف و اطلاع ، ديگر طرفی ، کندی قوننک اجزاسنی نره لره وضع و تعبيه ايتمک لازم کله جکی خصوصنده اعطای قراره سوق ايدر . معلومات و اوامرک وسائط نقليه سی ، هرايکی طرفه ده آجیقدر ؛ برطرف ، بولردن محروم بولنورسه ، بو ، صرف کندی اثر غفلت و تسهیلدر .

کرکين مناسباتک مخاصمانه منقلب اولمق اوزره بولوندينی دوره اثناسنده آنی باصفين هجوملرينه انتظار ايدلمه لی فقط بولردن خوف و احتراز اوزره بولونما ملیدر لر . ممکن اوله

بیلدیکی صورتده ، خصم محتملی کندیکزدن قورقوتوب اونك سزه یایمق ایستدیکی شیء ، سزك اوکا یایمق اوزره بولوند . یغکزی وبونی ده کندیسندن اول یاپه جغکزی احساس ایتمه لیسکز .

خصوصی صنفلردن اولان سفائن صغیره ، موضعی اوله رق یاندافی و یا تجاوزی حرکتلرده استخدام اولونه ییلیر . کیلرک یاندینی دیمیر محللری بك آجیق اولمدینی صورتده ، اك بیوك دشمن سفائنك آتی بر هجومه معروض بولونماز . بوتقدیرده دشمن ، هجومه معروض سفائنه قارشى ، طورپیدولریله تعرض ایتك اوزره مراکب خصوصیه سنی صالديرر . هجومه معروض اوله جق طرف ، تام ترتیب تدافعی بر وضعیت اخذ ایتش بولونورسه ، مهاجملرک دوچار اوله جقلری مشکلاتك بیوك بر قسمی ، هدف ، قصودلرینك منزل مؤثرینه دخوله امکان بوله ییلمله لری اعتباریله بر طرف اولمش بولونه جقدر . تعرضی اصول مدافعه ، ترتیبات تحفظیه نك استحضاری ده کافل اوله بیلدیکی صورتده ، نتایج مکمله وعد ایدر . تعرض اصولی ، یالکز دارالحرکانه طوغری کلکده بولونان مهاجملری قارشى یلامق پلاننه دکل آیریجه ده کندی لیمانلرنده دشمنك کندیسنى باصدیرمق ترتیبانه ده شایلدیر .

بالفعل اعلان حربدن مقدم ، سیاسى کرکینلکک صوک  
 حدینه واصل اولدینی رزمانده واقع اولان بر باصغین هجومنه  
 مشهور بر مثال ده ، ۱۹۰۴ سنه سی افرنجی شباطک ۹ نجی کیجه سی  
 پور آرتورده یاتان روس دوناماسنه قارشى ژاپون مخر بلرینک  
 صولتیدر . بوجوم . غیر منتظر اولمامق لازم کلیردی : چونکه ،  
 ده ا ۱۰ سنه اقدام ، ژاپونیا ، رسماً اعلان حربدن اول ، (چین) ه  
 هجوم ایتش ایدی . حقایق وقایعه نظراً بونده ، ژاپون مزاجنک ،  
 ژاپون دوناماسنک مظهر اولدینی انکلیز تربیه سنک ومنتج  
 موفقیت اولدینی صورتده بویله بر هجومدن کندی لرینه توجه  
 ایدجک قیمت عظیمه ک دخل کلیسی واردی . مذکور  
 باصغین هجومی نتیجه سی اوله رق ۲ زرهللی ، ۱۰ محافظه لی قرووزر  
 محاربه دن ساقط اولدی : بوسبیلله ، روسیه دخی ، قطعی بر  
 وضعیت پستییه دوششمش بولندی . ایرتسی کون ، ژاپون  
 دوناماسنک قوه اصلیه سی ، پور آرتور اوکنده کورودى ، که  
 بو حال ، اولکی کیجه واقع اولان هجومک بر نتیجه منطقیه سی  
 وژاپونلر طرفندن استحصال ایدیلان حاکمیت بحریه نک ایلک  
 دفعه اوله رق فعلی بر تظاهری دیمک ایدی ؛ چونکه ، عینی کونده ،

ژاپون عساکرینک ( چه مولپو ) به اخراجاته مباشرت ایدیلوردی .

( چه مه لپو ) ده ، شباتک ۹ نجی کونی روسیه نک ( وار-یاغ ) قروزریله ( قوره چ ) غابوٹنک تخریجی کیفیق دخی ، مناسبات سیاسیه نک کرکینلکی انناسنده متفرق سفائنک معروض هجوم اوله بیله جک مواعده بولوندرلمسند کی تهله که به دلالت ایدر . قوتلرک انقسامی — دهامخاصاتک بدایتنده ، آنی برصولته دشمن قوتنک تنقیص و تقلیلی ممکن اوله مدینی تقدیرده — که وقت وزمانیه ترتیبات لازمه تحفظیه به توسل ایتدیکی صورتده ممکن اوله میه جنی بک محتملدر — بونک ، بالقوه دوچار ضعف ایدلمسی ایچون یکانه چاره ، قوتلری تفریق وانقسامه سوق ایتمکدن عبارتدر . بویله برخصمک ، تجارت بحریه سی واسع ایه ، تجار کیلری ده بتون دکلرده طاغینیق برحاله بولونه جفندن بونلرک حمایه سی ایچون دونانماسی تفریق وانقسامه اوفر اتمغه تخریص ایدلمک ممکن اوله بیلیر ، ویاخودده دشمن ، صالح زماننده ، موضعی تدابیر تدافیه سیله حائز اهمیت اولوق اوزره تالق ایتدیکنی عالمه اعلان ایتدیکی بر نقطه به ویا خارج وطن

براستاسیونه قارشی ایقاع ایدیلن هجوم تهدیداتی ایله قوتی تفریق و تقسیمه سوق و تشجیع ایدیله بیایر .

تاریخ بحری ، بوقیبل سـوائتک قدرت و اهمیتنه دلالت ایدر بر چوق مثاللر ارانه ایدر . هر حالده ، حرب بحری خطوات و ایجاباتنه تعلق ایدن ملاحظات ، دشمنک ، سزک ارتکاب ایتسنی ایستدیکز قصورلری ارتکاب ایتیه جکی ذهاب و اعتقادی اوزرینه ایتنا ایدلمک ایجاب ایدر .

سزک ایچون اهمیت بحریه یی حائر خارج از وطن مستحکم برلیمک ضبطی مقصدیله برویادها فضلله فیلونک سوق وارسالی ، سوائتک مذکوره میانه داخلدر .

دشمن ، اکر بویله برشی یاپه جق اولورسه ، تجمععی اخلاص ایتمش بولونور ؛ دیگر جهتدن ، اونک فیلولریله اوغراشمق اوزره سزده بر قوت افراز ایدمک اولورسه کز ، عینی خطایه کندیکزده دوشمش بولونورسـکـز . خارج از وطن لیمانلر ، دونامادن امداد و معاونت سوق وارسال ایدلمدن اپی بر زمان مهاجمله مقاومت ایده بیلمسـنـه کفایت ایدمک درجه لرده قوت و متاسه مظهر بولونمایورلرسه بو حال ، صالح زماننده متعلق

سوق الحیشک پک نقصان و خطا آلود بولونمش اولدیغنه  
و حرب باشلار باشلاماز ، حال و موقعک پک مظلم اوله جغنه  
دلالت ایلر .

انی بر زمان مفهومندن ، اغلب احتمال ، بر آیدن آلتی آیه  
قدر بر مدت قصد اولونور : فقط هر حالده ، اشبو مدت ،  
احوال و شرائط مخصوصه به متوققدر .

اک فضله قورقوله جق نهاسکه ، موضوع بحث اولان لیمان مخاره  
و مواصله سنک انقطاعیدر . اگر لیمان ، بونلرک انقطاعندن  
صوکرده ده ، بر قاچ هفته قدر مقاومته دوام و اصرار ایدرسه ،  
دها بومدتک انقضاسندن مقدم کنندی خطوط مواصله لر سنک امنیت  
و محفوظیتی ، مهاجمیه قیام ایدنلر ایچون بر امر ا هم و مبرم  
تشکیل ایده جکی ده مجرب و معیندر . بوجهته ، بالخاصه اشبو  
خطوط مواصله ایله اوغراشمغه کوندریان بر قوتک آنسزین  
ظهوری ادیشه سی ده منضم اوله جقدر . یوقارده ذکر ایدیلان  
ایکی درلو تهدیدک نتیجه مترا کمه سی ، لیمان ایچون متین  
راستحکام تشکیل ایده جقدر . مهاجملرک اصل امید نقطه سی ،  
بوراسنک آنی و چوق سورمز بر هجوم ایله ضبطندن عبارت

قالير . حالبوکه عسا کر موجوده سی حد لایقنده بولوندرلمش  
وترتیبات تدافیه سی ده متمادیاً لایقی وجه اوزره ایشلر برحاله  
طوتولمش ایسه ، بویله بر موقعك سقوطی تهاکه سی آذر .

بوندن ، مجتمع و متحشد دونانما کزی فعلاً دوچار ضعف  
ایده جك مرتبه لرده قوتلریکزی تفریقہ معطوف بولونان دشمن  
غیرت و مساعیسی . همسه میله جکز اکلاشیلیر . تجارت یوللریخی  
حمایه ایتك اوزره مناسب صنفلردن قرووزرلر کوندرلمسی  
یوزندن بردونانما ، بالفعل دوچار ضعف ایدلمش اولماز ؛ اکثر  
محاربه اویونلری ، ایکی طرفك ده اویزایه بیله جکی شیلردندر ؛  
بوقیلدن اولمق اوزره ، برطرف ایچون اولدینی کبی دیگرجهت  
ایچونده مخاصمی ، تفریق وانقسام ایله ، قوه اصلیه سی دوچار  
ضعف ایتك معطوف حیلہ لره ، اغفالره توسل ایتك یولی  
آجیقدر .

ایلك ضربه یی اورمق — مخاصماتك ایلك دوره سی ،  
اغفال تشبثاتیلہ مالامال اوله جنی ایچون بوقیل تشویقات مففلا نه یه  
مقاومت ایده بیله جك متانت طبع و سرعت انتقال کبی خواص  
بشریه نك تظاهراتنه پك زیاده فرصت وامکان بخش ایدر .

تعبیر معروفیلہ ، ایلک ضربہ بی اور مق کیفیتن دها جاذبہ دار  
 پک آز سائق بولونہ بیلیر .

بو کیفیت ؛ پک نافذ و مؤثر در ؛ چونکہ ایلک او کجہ ضربہ  
 آنمقدہ قطعی و احتمالکہ پک بیوک بر فائدہ وارد در . بلا قید و شرط  
 در میان ایدلیدیکی صورتدہ اشبو فائدہ ، عیاندر . فی الحقیقہ  
 او مرتبہ عیانکہ ، بویوزدن بر جوق کیمسہ لک ، بونی سریع بر سفر  
 بر لکک مقصود غایہ سی اولمق اوزرہ تلقی ایتسنہ میدان آچیلیر ؛  
 حالبوکہ بو صورتلہ یاسیلان سفر بر لک ، کورولتوسر جہ و فقط لایق  
 اولدینی سرعت و کفایتلہ اکمال ایدیان معقول و دوراندیشانہ  
 برایش اولمقدن زیادہ عجولانہ بر مہرج مہرج حالنہ منقلب اولوز .  
 حربدہ قید و شرطدن وارستہ ہیچ برشی بو قدر . دشمنک  
 قارشیلامسی و احتمالکہ بوکا مقابل مدہش بر ضربہ حوالہ ایتسی  
 محقق بولوندینی صورتدہ ایلک سلہ بی اورمغہ جبالامقدہ ہیچ  
 بر فائدہ یوقدر .

ایلک ضربہ نک نہ صورتلہ قارشیلانہ جنی . بونک ہر ایکی  
 طرف ایچوندہ نہ کی نتایجہ منجر اولہ جنی خصوصیلری ، ضربہ نک  
 حوالہ سنہ قیام ایتمدن اقدام لایقیلہ در پیش تأمل ایدلک کر کدر .

بعضی‌لرینک حیرت و تقدیرینی جلب ایدن ایلک ضربه‌نک لاقید  
بر دشمنه قارشى عجولانه برطوپیدو هجومه منحصر اولمسی بک  
ملاحظه‌لدر . بؤکا امکان موفقیت بخش ایتمکه اک زیاده یاردم  
ایده‌جک کیفیت ، بویله برلاقیددن عبارتدر .

ماضیده آبلوقه‌نک حاکمیت بحریه استحصالنده بر واسطه  
اوله‌رق استعمالی ، اکثریتله کورولمش برشیدر . ( بره‌ست ) ک  
( قورن وولیس ) ، ( طولون ) ک ، ( نلسن ) فیلولریله آبلوقه‌سی  
بو خصوصده اولدجه معروف برر مثال تشکیل ایدر ، ازمئه اخیرده  
( سانتیاگو ) نک ، ( سه‌مپسن ) ، ( پور آرتور ) کده ( توغو )  
طرفلرندن آبلوقه‌سی ، اصول مذکورده‌نک هنوز متروک اولمדיغنه  
دلالت ایدر .

سربست بردکزه اهمیت ، مخاصم دونانمانک التجاییتدیکی  
موقعک محاصره‌سنى صوک درجه حائز اهمیت برشکله وضع ایده‌جک  
مرتبه‌لرده عظیم اولدجه‌ده متروک قالمیه‌جقدر ؛ آبلوقه‌دن مقصد ،  
دشمنی ، بالکزه فعل و حرکت قدرتندن محروم ایتمکدن عبارت  
اولما بوب آیریجه‌ده صیقی برترصد آلتنده بولوندی‌ره‌رق خروجه  
قیام ایتدیکی صورتده تپه‌سنه بینمکدن عبارتدر . بوجه ایلله  
آبلوقه ایکی مقصده خدمت ایدر : برطرفک محاربه ایتدن

ضرر منزهه حاکمیت بحریه فائده سی ادراک و تقدیر ایده بیللمسینه  
و تخریبی خصوصی تحت الزمیتده بولونان دونانما ایله ممکن اوله .  
بیلدیکی مرتبه لرده صیقی بر تماس تأسیس ایلیه بیللمسینه مدار اولور .  
بوسبیلله ، باشلیجه هدف مقصودک استحصالی ، علی الاکثر  
محاصرله مساعد احوال و شرائط تحتده امکان پذیر اولمش  
بولونور .

محاصر بر حرب فیلوسی ، کندیسنی ترکیب ایدن قوتلر  
ایچون مؤثر و مفید بر مکتب تجربه تشکیل ایدر : بونلر ،  
دکزه ، دکز حیانتک مشکلات و مزاحمه آلیشیرلر . انجق  
منادی دکز تجربه سنک بخش ایده بیلله جکی درین بر کمبجی  
حسیله مشبوع اولورلر .

بو صورتله ، کیت کیده مرتبانک قوه مغضویه لری تزایدا ایدر ، غلبه  
وظفر عزم و مرامیله متحرک و متهیج اولمغه باشلارلر . قوای  
محصوره دن اسیر که ن حرکت و فعالیت ملکه سنه انکشاف ویردرلر .  
حالبوکه دشمن ، بونلر مواجهه سنده عطالتی یوزندن بر درکه  
بستی به سقوط ایدر . عقل و منطق ، اسباب سائر طولا ییسیله  
حربه خاتمه ویرلمدیکی صورتده ایرکیج وقوعه کله جک محاربه ده

محاصر لرك ، مدت مديدہ محكوم عطالت اولمقله معنوياتی  
صار صيلمش بولونان قواى محصوره يه قارشى بيوك بر فائده  
ورجانه مظهر بولنه جقلرينه اشارت ودالات ايدر . بوجهت ،  
تاريخك تلقيناتيله برقات دها تأيد ايلر .

آبلوقه مفهومندن ، بتون حرکاتى ترصده مساعد اوله جق  
وترصد قوردونندن فرار صورتيله قاچمسنه ممانعت ايديله بيله جك  
مرتبه لرده دشمن فيلوسنك ملجانه قريپ بر مسافه يه بر قوه  
بحريه اقامه ايتك فكري اكلاشيلير . بخارك تأمين ايتديكى  
قوه محرکه ايله تلسز تلفراف ، آبلوقه خصوصاتنك اسكيسندن  
دها بيوك بر مسافه دن موقع فعله ايصالنى ممكن قيلار .

شمديلرده ، محاصر دونانماك قوه اصليه سى ، اللى ويا  
احتمالكه يوز ويا خودده دها زياده ميلك مسافه لرده بولندينى  
حالده محصور دونانماك هر بر حرکته واقف اولور وفرارينه  
ميدان ويرمەدن ، اونى محاربه يه اجباره قادر بولونور . محاصر لر  
اوزرينه ، سيار طور پيدولر وتحت البحر لرکي صوك زمانلرده  
يك زياده مظهر تكميل اولان وسائط اعانه سيله مقابل هجوم  
اصوللرى ، امنيت وسلامت اندیشه سنه تبعاً ، آبلوقه مسافه -

سنگ زیاده سیله بیومه سنه سبیت ویردی . مع مافیه ، اصلاً  
 قروزلره استناد ایدن مرا کب صغیره دن عبارت بولونان  
 ایچ وطیش ابلوقه خطلری ایله برابر تلسز تفراف واسطه سیله  
 آبلوقه ایدیلن لیان دائماً تحت ترصده بولوندیر بیلدیکی کبی  
 قوه اصلیه ده در عقب چاغیر بیلایر .

محاصر دونانماک تأمین سلامتی خصوصنده هر درلوتدایره  
 توسل ایتمهک لزومنی ذکر ایتمک ، معلومی اعلام کبی برشی اولور .  
 محصور دونانمایه منسوب ومقابل هجومه یارار وسائطک کیجه  
 منطقه سنده اخذ موقع ایدیه جک اولورسه ، مرا کب صغیره دن  
 ایکی وبلکه ده اوج خط تشکیل ایتمک ، کرک ترصد ، کرکسه  
 مخبره خصوصلری ایچون ضروری کورولور . بونلردن بشقه ،  
 احتمالکه محاصر قوه اصلیه قریبده قره غول وظیفه سیله مکلف  
 بر دیگرینک تشکیلی ده لازم کلیر .

آبلوقه لره ، تک برکینک خروجنی بیله منع ایده بیله جک  
 مرتبه لرده مؤثرو قطنی برحاله کتیر لمسنه نادراً موفقیت الویرر .  
 مع هذا ، بویه بر فرارک اهمیتنی اعظام ایتمه ملیدر ؛ چونکه ،  
 بونکله ، محاصرک حاکمیت بحریه سنه هیچ برخلل ترتب ایتمز .

اصل مسئله ، اونك قوهٔ اصلیه-نی كوزتله مك و خروجه  
 قیام ایندیكى صورتده محاربه‌یه اجبار ایله مکدن عبارتدر .  
 فیلوتیلار ، الیرمز - حاکمیت بحریه‌نك فیلوتیلار واسطه -  
 سیله استحصال ایدیله‌میه چکندن ده‌ها معلوم ، ده‌ها مثبت برشی  
 کوره‌میز ، بناء عایه ، هر هانکی بر هواده دکزده قالغه  
 الیریشلی دکزه طیاسقلى دونانماره لزوم و احتیاج درکاردر .  
 اقتحام ایدلمك لازم کلن موانع و مشکلات میاننده بالفعل دکزك  
 ایجاداتندن اولانلرده واردر ؛ بتون کیمجیلر ، عناصر ایله مجادله  
 دائمه ده بولونه رق کمی حجمك بونده نه بیوک دخل و تأثیر اجرا ایندیكى  
 اکلارلر . طوپه قارشى طور پیدو چیقارمقدن زیاده ، مسئله نك  
 بوصفحه سیدرکه ایستر طور پیدو بو طلر ، ایستره تحت -  
 البحرلر اولسون ، بونلردن هر ایکی صنفك ده دکزه طیانیه ماملری  
 سبیلله حاکمیت بحریه‌نك فیلوتیلار واسطه سیله استحصال  
 اولونه‌میه جنی حقیقتنی قطعی برشکله باغلامشدر . بونلرک کافه سی ،  
 احوال و شرائط محدودده داخنده اجرای حرکات ایده بیلیر و بر  
 خصوصه خادم بولونور مراکب ماهیتنده در ؛ روسیه ایله اجرا ایندیكى  
 حربده ، ژاپونیانك دکزه حاکم اولوق ایچون فیلوتیلارلر دکل

انجق دوناماسنه کوکنمک ایجاب ایتدیکنی پک کوزل تقدیر  
ایلدیکی ظاهر در . چونکه کندی مقاصدینه کوره حاکمیتی  
استحصال ایدمک لازم کلن ساحه نك وسعتی محدود و بوکا  
نظراً موقع و وضعیتی ده فیلوتیلارک استعمالنه الویریشلی بولوندیغی  
حاله بوجهته یاناشماشدی . صورت حرکتک معقولیتی ایسه  
حربک هر خطوه سنده ظاهر اولان نتایج ایله نمره دار اولدی .  
فیلوتیلار ، بیوک فیلولری دکزلر اوزرندن تبعید ایدمه مکه  
قالما یوب بتون سیروسفر مدتی ظرفنده نقایاتی حمایه وقریه  
عسکر اخراجاتی تأمین کبی خصوصاتی بیله لایقيله اجرا  
ایده مزلر . اکثریتله آجیق اولان نقلیه فیلوسنک دمیر محلی  
ترتیب واحضار ایتک ، بتون لوازم سفریه لريله برابر برچوق  
عسکرک عملیات اخراجیه سفی امنیت قطعه آلتنه آلمق برسیوری  
سینک فیلوسنک ( طور بیدو فیلوتیلاسی ) پایه مبه جفی درجه لرده  
آغیر برایشدر .

لابد اولان امنیت وسلامت ، آنجق حاکمیت تامه بحریه  
ایله تأمین ایدیلیر . حرکات حربیه لری اعتباريله محدود و محصور  
اولان مراکب صفیره ، بویه برشیی استحصاله قادر دکدلرلر .

نتیجه - احوال و ایجاباتك دورود دراز تدقیق و تبیی، حاکمیت بحریه قزاقمق ایچون قوه بحریه تجمع و تحشدینك ضرورتی نتیجه سنه منجر اولور . فقط بویله برتجمع، اول امرده دشمنك وضعیتنه وابسته بولونان احوال و شرائطه اویدورلمق ایجاب ایدر. بونك نهدن عبارت بولوندیغنی اوکره نوب جمع و تحشید خصوصنی ده اوکا کوره تنظیم ایتمک کمز اقتضا ایلر. کورکورینه بومروق صاللامق ، حرب ایتك دکلدیر .

حرب بحری تاریخنك متفکرانه تبیی صره سنده حاکمیت بحریه قزاقمق ایچون دشمن دونانماسنك مغلوب ایدلمسی لازم کله جکندن ده مهم بردرس چیقاریله ماز . دشمن ، محاربه یه اجبار ایدیله بیله رك قطعی برصورتده ده انهزامه سوق ایدلدیکی تقدیرده حاکمیت بحریه قزانیمش اولور. دشمن، برلیانه التجایه مجبور ایدیله جك اولورسه حاکمیت بحریه دنخی اکتساب ایدلمش اولور . بونکله برابر دشمنك التجایه اجبار ایدلدیکی لیانلرك متادیا تحت ترصده بولوندیلمسی اقتضا ایلر .

دشمن دونانماسی ، حربك ختامنه ویا بالفعل تخریبنه قدر هدف مقصود اوله رق قالیر .

## بشنجی باب

### حرب

حربك تقسیمانی — بیوك مقیا — ده حرب ایدہ بیلہ جك باشلیجه قوای بحریه ، حربده حوزه وطنلرینی دکز آشیری تجاوزاتدن صیانت ایتك ، مستعمرات خارجیه لرینی ضبط واستیلادن قورومق وبمحرمحیط تجارتلرینی دشمن تخریباننه قارشى تحت محفوظیتہ آلق ایچون بذل ماحصل غیرت ایتك مجبوریتنده قاله جقلردر . اشبو اوج نوع تقسیم ایچون قبول ایدلمش تعیرات عمومیه ساحل مدافعه سی ، مستملکات مدافعه سی و تجارت بحریه مدافعه سی صورتنده در . بوقییل قیصه تصنیفلرك الویریشلی بولونماسی ، بونلرك اختیار وقبولنی محق قیلار . ساحل مدافعه سی تعیرینك سوء استعمالی — اکثریتله ساحل مدافعه سی تعیرینك ، هر هانکی برلبنانه ویا هر هانکی برقسم ساحلی یه قارشى واقع اوله بیلہ جك بردشمن حرکاتی قارشیلایمق اوزره اتخاذایدیلن صرف موضعی تداییر وترتیباته دلالت ایدہ جك وجهله استعمال ایدلمسی حسیله حقیقی ساحل مدافعه سی اصولنی اکلامق لازم کلیر .

معین بر لیان و یا قسم ساحینک محفوظیتی ، حقیقت حالدہ  
 موضعی اولوب مدافعه موضعیہ نامی آلیر و بوضورتله تسمیه سوده  
 دائما ارزو ایدیلیر . چونکه ، بویله بر مدافعه نك اصل اسمیله  
 یاد ایدلمه سی نتیجه سی اوله رق صلح زمانلرنده بعضی مرتبه  
 او یغونسزلقلرباش کوسترمشدر . گویا صرف ساحل مدافعه سی  
 خصوصاتی ایچون بحریه لره تکمیل سفائن صنفلی اداخل ایدلمش  
 و حالبوکه بونلرک اجرا سنه قادر بولونقلری و یا اجرا ایتک اوزره  
 اعمال اولونقلری کافه خدمات ، ساحلک محدود بر موقعی تحت  
 ترصد و یا محفوظیتده طوتمقدن عبارت بولونمشدی .

بوکی مرا کبک اعمال و تجهیز ی، مرتباتی و تعمیراتی خصوص-  
 صملری مبالغ جیمه صرفه باعث اولمش و بویله بره صرف،  
 آیری آیری مدافعه به عرض احتیاج ابتدکی مفروض بولونان  
 مواقع معینه نك مرهاتکی برینی و اتکمیانی دها مؤثر و مکمل  
 بر صورتده مدافعه به قادر بولوه جق اولان بر آجیق دکز  
 دونانماسنک تزیدینه حصر و تخصیص ایدلسه یدی، دها فائده  
 بخش اولمش بولونوردی .

مدافعه موضعیه — حرب بحری تقسیمات اصلیه سنندن

برخی تشکیلی ایدن ( ساحل مدافعه سی ) تعبیرنده مندج بتون معانی بی حقیقتیه درك و تقدیر ایتدن مقدم یا کلس اوله رق ساحل مدافعه سی دینیان مدافعه موضعیه بی درپیش نظر ندقیق ایتمه من اقتضا ایلر . مدافعه موضعیه ، ماهیتی ایجابی اوله رق متعدد نقطه لرده مکرراً ایقاع و اثبات ایدلک لازمدر . مدافعه موضعیه ، بحری اولدیفندن سیار بولونور و بناءً علیه معین اولان استاسیونندن ( موقع و موقف ) ، تهدیده معروض بولونان بر نقطه حركته قادر اولور دینه جك اولورسه ، بوراده ، نقطه مذکور هك بعد و مسافه سی ایله بومسافه نك قطعی ایچون ایجاب ایدن زمانك حساب قاتیلیمسی اقتضا ایدر . اشبو مسافه لرك بیوك اولمسی تقدیرنده — علیه اجرای حرکات ایده جکی نقطه بی کندی بیلدیکی کبی انتخاب ایده بیلن — دشمن ، معین اولان قوه مدافعه نك ورودندن — راحتجه ایشی بیتیرمکه مساعد اوله جق قدر — اول مواصلت ایتك احتمال وفرصته مالك بولونه جقدر . حربك سوق و اداره سنده کی قدرت و قابلیتی ، کندیسنی مهیب و مدهش کتیرمکه مستعد اولدیفنی صورنده دشمنك ،

بوشرطی ایفا ایتک ایچون صولک درجه صرف غیرت ایدم جکی ده  
مجزوم و معیندر .

بوندن باشقه ، بردشمنه ملاقی اولمق اوزره هر آن ایچون  
محاربه به مهیا برحالده مسافات بعیده به کیده بیله جک سیار و فعال  
برمدافعه بحریه تشکیلات ، ممکن مرتبه آجیق دکز سفائنک  
حائز بولوندی بی اوصاف و خواصه مالک بولونمالیدر ، حالبوکه  
بونلرک ، خدمات موضعیه و معینه ایچون اعمال ایدملرلی ،  
خواص مذکورنک اصل آجیق دکز قوتنک کیلره مساوی  
و معادل بولونماسنه — مساوات تأمین ایدملک اوزو ایدلدیکی  
صورته ، پک زیاده مصرفه کیرمک ایجاب ایدر — مانع اولور .  
بوسبیله ، یولده دشمنه راستلایه جق اولورایسه ، مهم برنقصان  
و ضرر ایله محاربه به کیرشمش اولور و بونقصان دخی ، بویله  
برقوته کندی صاحب و عامللری طرفندن فضولی اوله رق قبول  
ایتدیرلمش بولونور .

ایشنی بیلیر بردشمنک ، نقطه عزیمته کیدرکن قوه موضعیه  
اوزوبنه چوالانق اوزره ترتیبات اخذ ایدم جکی وفائق بر  
کفایت حریه بی حائز مراکب ایله ترتیباتی موقع فعله ایصال  
ایله جکی ده آزاده اشتباهدر .

مدافعه تشکیلاتی ، ده‌ا زیاده موضعی اولور و محدود بر ساحه خارجنه حرکت ایدمه‌جهک وجهله مرتب بولونورسه ، ترکیب ایدمه‌جهکی اقسام و شعبات مختلفه‌نک تعددی ده ضروری اولور . چونکه دشمنک ، حرکات حربیه اجرا ایدمه‌جهکی نقطه‌نی انتخاب ایتک ملکه و قدرتی ، بوکا سائقدر .

بو کیفیت ایه ، آجیق دکز دونانماسنه بدل بوقیل موا-ضمنک تزیدی خصوصنه بذل نقود ایتمه‌نک مناسب اولوب اولیه‌جنی مسئله‌نی میدان چیقاریر .

آیری بر مسئله‌ده ، صرف قسماً تطبیق ایدیه‌بیلیمک اوزره بالاختیار اتخاذ اولونان تدافعی بریلان قبولدن طولانی بویه بریلانک بعضی مرتبه‌لرده دشمنه بر اقیلمش بولنه‌جق اولان عمومی اصول تجاوز و تعرض ایله تعارض ایدوب ایتیه‌جهکی کیفیتدن عبارتدر .

دشمنک ، منتج موفقیت اوله‌بیله‌جهکی عقلی کسمدکجه بر ساحله قارشو اجرای حرکات ایتسنه انتظار اولونه‌ماز؛ بویه برشیثک درجه‌ احتمالی ده ، خصمنک شرائط مساعدده داخلنده اوله‌رق مدافعه موضعیه مراکبی ( که غائبوطلر ، طورپیدو

و تحت البحر بو طلردن متشکل بولونور) ایله چاریدشغه الویربشلی  
 بر قوت استعمال واستخدام ایتمسینه متوقف بولونور . دشمنک  
 بوصورتله حرکت ایتمک لزومنه ، امر مدافعه یی سوق و اداره  
 ایدنلر قدر قانع و واقف بولونه جنی مجزومدر . بویله یابه مدینی  
 صورتده بوحال مدافعه موضعیه مراکبک کفایت فائده  
 مظهرینی طولایسیله دکل آنجق سواحلی تهدید ایدیلن طرفه  
 منسوب آجیق دکز دونانسانک اطوار و حرکتی ایله مخاصم  
 قوتک مطلوب ایدیلن نقطه یه مواصلق تقدیرنده کندیسنه اولدجه  
 احتمال موفقیت بخش ایده بیله جکی حساب اولونان مقدار ونوع  
 قوتک بورایه وصولنه ممانعت ایدلمسندن نشأت ایتمش بولونور .  
 معنای حقیقیسیله ساحل مدافعه سی ، دشمنک دکز  
 آشهرق جدی بر صورتده مملکته تجاوززه قیام ایتمک عزم  
 و یتنی قارشیلایق اصول سوق الحیشیسندن عبارتدر . بواسول ،  
 دشمن پلانلرینی آلت اوست ایده بیله جک و یا بونلرک موقع  
 اجرا یه قونمسی خصوصاتی صوک درجه ده وخیم برشکله  
 صوقه بیله جک قدرتده بر آجیق دکز قوتی ایله مکمللا اجرا  
 و تطبیق اولونور .

بوصورتله کورولورکه ، علی الاکثر ساحل مدافعه سی دینیلن شی . حقیقت حالده برمدافعه موضعیه دن عبارت اولوب اصل ساحل مدافعه سی نامک تعلق ایتدیکی حرب بحری حرکاتندن بیوک برقسمنک یالکز برشعبه سندن عبارتدر .

معنای حقیقیسنده ساحل مدافعه سی تأمین ایچون اتخاذ ایدیلن ترتیبات ، مدافعه موضعیه نکه ده تأمیننه باعث اولور . اولکیلرک موجب موفقیت اولماسی ، بهمه حال صوکره کی نتیجه یه سائق اوله جقدر . حالبوکه ، برمدافعه موضعیه ترتیباتی ، بر نقطه ده منتج موفقیت اولسه بیله ، حالا قوه بحریه سی مهیب ومدهش اولان بردشمنک ، مخاصمنه عائد اراضیه تعرض ایده بیلیمک قدرتنه بر نتیجه ویره مز . بر ساحله قارشى منفرد آقینلر ، مزعج برماهیتده کوریله بیله جکی کبی غیر محاربیلر میاننده ده باعث هیجان و غلیان اولور ، مع هذا ، بو قبیل تشبثات جزیه ، انکینده محاربه ایتک عزمنده بولونان ودو .

ناخالله صاحب اولان ملتلر اراسنده متکون مخاصمات اوزرینه ، هجوم ایدیلن طرفی اعضاب ایتمکدن فضله بر تأثیر ایقاع ایده مز . بیوک ومتمدن ملتلر میاننده وقوعه کلن حرب ، بر طاق اوافق تفک تشبثاتک تراکمندن متشکل اوله ماز .

استیلا — بر دشمنك ، حربی كندی لهنه نتیجه لنډیرمك  
 ایچون کال عرم و تشبثله هیج بر غیرت و مساعدیدن چکنمیه جکی ،  
 هیج بر واسطه نی اھمال ایلمیه جکی درپیش تأمل ایدیله بیلیر .  
 بویله بر دشمنك دست تصرفنده مدھش بر اردو بولونیورسه ،  
 بونی محاربه و مجادله یه صوqq ایچون آلدن کفی یاپه جقدر .  
 مصادف اوله جنی بتون مدافعه عسکریه ترتیباتی اقتحام  
 ایدم بیله جك مرتبه بیوك بر قوتله ، اردوسفی دشمن مملكتته  
 ادخال ایدم بیلدیکی صورتده بویله بر هنگامه دن غالب اوله رق  
 حیقه جقدر . استیلا فكر و تصویرینه میدان آجان ، بوكیفیتدر .  
 اطه اوزرنده تأسیس حاکمیت ایدن بردولته مقابل و مخاصم  
 بولوندیغی تقدیرده ایسه ، بونی بشقه یوللرله تحت انقیاده آلمفه  
 قیام ایدم بیلیر . مع مافیه ، استیلا تصویرینك ممكن الحصول  
 اولدیغنه قانع بولونه جق اولورسه ، بونی ، غایه مقصودك  
 سرعتله استحصالته مدار بر اصول نافع اوله رق تلقی اتمیسه  
 ملحوظدر . بوكیفیت ، کنډیسنك جدی بر صورتده قرملره  
 هجومه تشبثی ایچون بر سائق تشکیل ایدر واشبو سائقك  
 قوت و شدتی ده بر جوق حربلرده نظامی ایله مشدر . بوسائق ،

همان دأئما وبعضاًده طوغریدن طوغرییه برقوۋه سفریه مک  
دوچار مغلوبیت اولماسیله مختل وعقیم قالدینی حالده مکرراً  
احساس موجودیت ایله مش وبناء علیه — زندکانیسنک شدید  
وبارز اولماسی حسیله ده اهمال و اغماضی جائز کورولمه مک  
ایجاب ایتشدیر .

استیلایه قارشى اك مكمل واسطه تأمینیه ، واقع اوله جق  
حرکتك عدم موفقیتی احتمالاتی زیاده سیله آرتیره جق مرتبه ده  
استیلا تصوراتنك جهت تطبیقه سنی اشكال ایله مكدن  
عبارتدیر .

بوجهتك تأمینی ایچونده ، مدافع موقعنده بولونان قره  
قوتنك ، كندی لهنه ای بر احتمال موفقیت تأمین ایتك املنی  
تعقیب ایدن هر هانكى بر مستولی نی بیوك بر سطوتله كلكه اجبار  
ایده جك قدر مهم اولماسی لازم کلیر . مدافعه مقامنده قالان  
دونانمانك ده ، استیلا اردوسنی حمایه ایدن واوكدن كیدرك  
بونك اخراج نقطه سنه قدر سوقی ایچون بول آچغه جالیشان  
قوة سفریه قسم بحریسنی مغلوب ایده بیله جك مرتبه لرده سطوتلی  
بونماسی اقتضا ایلر .

استیلا قصدنده بولونان طرف ، بهمه حال كله جك اولدینی  
تقدیرده بیوك براردو ایله كلكه اجبار ایدیله بیله جك اولورسه ،  
بونك استحضاراتی امرنده كچه جك زمانك اوزون سورمسی  
مأخووظ اولوب بوصورتله ده استحضارات مذكوره نك مدت  
مدیده ستر واخفاسی خصوصی عادتاً امكانسز بر راده یه چیقار .  
بوسبیلله ده مقاصدینك انكشافنه اجبار ایدلمش اولور .  
بومقاصدك آلت اوست ایدلمسی ایچون آتیلا جق ایلك آدیم ،  
دكزدن اوله جقدر . بونده موفقیت كورولدیكى صورتده ،  
استیلا فكری قوه دن فعله ایصال ایدیله مز . بناءً علیه ، حرکات  
حربیه پلانی ، قیام ایدلمسینه نظراً بویله بر هجومك منعی كافل  
بولونمالیدر . حربك ظهورندن اعتباراً هدف مقصودك دشمن  
دونانماسی اولق لازم كله جکی دریش تفكر اولونورسه ،  
بوكفالت ده تأمین ایدلمش بولونور . بوصورتله اك جدی تهلكه ك  
بر طرف ایدلمسی ممكن اوله بیلیرسه ، اهمیتجه ده ا دون بر مرتبه ده  
بولونان اوافق تفك موضعی هجوملك دفعی خصـوصنده اپی  
برشی یاییلمش دیمكدر .

موضعی هجوملك ویا تعبیر معروفیله آقینلر — هیچ بر

حاکمیت بحریه نك، خطوط مواصله اوزرینه تأمین ایدیلن هیج برقونظرولك، مهاجم برقوه بحریه اقسام جزئیہ سنك مخاصم ساحلنه قدر کیده بیلمسنه امکان براقیه جق قدر مکمل اوله . بیلمسی مأمول دکلدرد . تاریخ ، دکزه حاکم بولونمایان برمحارب طرفندن بوقبیل تشبثاته قیام ایدلمسی نادراً وقوعه کلیر حادثاتدن اوله رفقید ایدر و بونکله برابر بوکبی احوال و شرائط داخلنده بویله برمحارب طرفندن فعلی و یاسورکلی حرکات اجرا ایدلمسی ده اندراولور .

آقینلر ، ایلك صفحه لرنده موفقیتلی اولدقلری حالده هیئت عمومیه لری اعتباریله حربك جریان اوزرینه يك آز تأثیرات اجرا ایله مشغلدرد . مع هذا ، بوقبیل هجوملردن متولد اضطرابات ، یالکز ازعاج و اغضاب شکلنده قالسه بیله ، هیجان عامه نی موجب اولور و بالنتیجه خلقك نامناسب تدابیر سوق - الحیشیه اتخاذینه دائر مطالبه لرینه یول آچه جفندن امکان دائره سنده بونلره میدان ویرله مکده فائده واردر . بونك ، منع وقوعی ضمنتده نه کبی مدافعه صنفلری ونه کبی توزع پلانی تعقیب و تطبیق ایتمك لازم کله جکی مسئله سوق الحیشیه سی ده

بوصورتله ظاهر اولور . باشلیجه سیار اولان قره مدافعه لری ، وقوعی تقدیرنده دشمن اخراجات عسکریه سنه مهم برقوتله مقابله ایدیه بیله جک برطرزده تنظیم وتشکیل اولونه بیایر . بو حالده ، مهاجم ، قره یه عسکر اخراج ایتک عنزم قطع یسندم بولونورسه ، بونک ایچون کیمه مهم برقوتله کلسی اقتضا ایلر . بوده ، حرکانی ستر واخفا ایدیه بیلیمسنه ایقاع مشکلات ایتدیکی کبی اخراج عملیاتنک مدت دوامنی ده اوزادیر .

خصمک ، غیر مسکون ویانفوسجه آزلق اولان وشایان اعتبار آز برشیئه مالک ویا هیچ برشیئه صاحب بولونمایان بریر انتخاب ایدیه جکنه احتمال ویریه مز : اویله که ، عسکر اخراج ایدیه جکی موقع جوارنده اغلب احتمال اوله رق سلاح آلتیه آله جق اهالی بولونه جقدر . الی سلاح طوته بیان اها لیک تشکیلاتی دخی ، اولدن احضار واکمال ایدمک کرکدر .

حربده کوچک وخصوصی برصنفدن اولان سفائنک لایقی وجه اوزره استخدای - سابع مدافعه موضعیه پلانک قبول ایدلیدیکی یرده قوه مدافعه ، باشلیجه طور پیدوبوطلر طرزنده استعمال اولونان مخربلر ، اصل طور پیدوبوطلر وتحت البحر لر

کبی خصوصی صنفک مرا کب صغیره سندن متشکل بولونور .  
 بویله برپالانک ، بر باد ونقصان تلقی ایدیلهرک عدم قبولی تقد -  
 یرنده بیله یوقاریده ذکر ی کچن مرا کبک لزومسزلغنه حکم  
 ایتمه حکمز یوقدر . بونلر ، برایشه یادرلر سه ترک واهمال  
 ایدلمه ملیدر ؛ فی الحقیقه ، اشبو مرا کب ایچون سوق الحیش  
 بحری نقطه نظرندن وجه استعمال ده کشف وتعیین اولونه بیلیر .  
 علی الاکثر ید اختیارلرینه ترک ایدیان متخصصلر طرفندن  
 بونوع مرا کب خصوصیه نک قبول وادامه سی معرضنده یاپیلان  
 جدی ره قلاملر ، بونلرک کرک سوق الحیش وکرکسه تعبیه ده کی  
 فوائد ومحسناتی ، حددن افزون بر شسکه چیقاریر . بویله  
 برتمایلدن صاقتمق ایجاب ایدر . چونکه امور بحریه وعسکر -  
 یده اختصاص ، افق محاکمهی طاراتمقله برابر صاحبی .  
 کندی شعبه اختصاصنک حد ذاتنده یالکز شایان حیرت دکل  
 آیریمجه ده هرشیی محیط وجامع اولدیغی دوشونمکه سائق اولور .  
 اشبو مرا کب خصوصیه ، بر قوه بحریه نک اجزای  
 سائره سی کبی تجاوزی بر صورتده قولانیلما ایدر . (طورییدوبوط  
 قورقوسی) دینیان شی ، مدافعه موضعیده ، دشمنه کندی

صولری داخلنده ویا جوارنده کمیلرینک سلامتی ایچون باعث خوف و خاجان اولدینی قدر مدھش بر شکل آلهماز .

بوجهت تقدیر ایدلدکن صوکره ، سالف الذکر مرا کب صنفلرینک منطقه حرکاتی تحدید ایدیله بیایر — بونلرک قیمت سوق الحیشیه لری ، بالفعل تعین اولونه بیلیر . بالفعل قطع ایدله بیله جکلری مسافه داخلنده بر هدف غایه بوله مادقجه بوکی مرا کب ، صاحبنه بر فائده بخش ایده مز .

بوده ، مواد احتراقیه جهتیه اولان قدرت تحملیه لرینک قطعنه مساعد بولوندینی مسافه نك نصفندن دها آز ایدر ، بوندن مقصد ، مذکور مرا کبک ، دوست و احتمالک قالدینی لیماندن دها اوزاقده بولونان بر لیمانه عودت ایدله بیلمسنه امکان بر ققدر . بوندن باشقه ، بعضاً برایش یایمالری ایچون انتخاب ایدیان نقطه یه ورودلرندن صوکره قالمه لری احتمالی ده اولدیغندن بونلرک ، کوندریله جکلری اعظمی مسافه ، مواد احتراقیه جهتیه اولان قدرت تحملیه لرندن چیقانک یوزده قرقی تجاوز ایتمه ملیدر . بوسبیلله ، هر صنفدن طور پیدو مرا کبک مواد احتراقیه قدرت تحملیه سنی تزید ایچون متبادیاً صرف مساعی ایدلمکده بولونمشدر .

بوکچی مساعی ، حال حاضرده وسائط مادیه نك قیمت مطلقه  
 سوق الحیشه سنه ایمان واعتمادك فکر اوزرینه ایقاع ابتدکی  
 تأثیرات رخاوتیکارانیه دلیل اولمق اوزره ذکر ایدیله بیلیر .  
 طورپیدو مراکبنك مواد احتراقیه قدرت تحمیلیه لرنده  
 حصول تزايد ، ای برشی اولسه ده بونی تحدید ایدن احوال  
 وشرائط اکسیك دکدر . شو جهت ادراك ایدیله لیدرکه  
 بوقیل مراکب ، یالکز تمامیه محدود ومحصور ونسبه طار  
 بر ساحه داخلده اجرای حرکات ایده بیلیر . بوساحه ، واسع  
 اولونجه ، حدودی اوزرنده اجرای حرکاته مأمور اولمق  
 اوزره سوق اولوندقلری زمان ، بونلرک معیتنه برقوت  
 ترفیق ایدیله لیدر . آیربجه ، ماده احتراقیه قدرت تحمیلیه سنك  
 تزايدی ، حجمك تزايدینی استلزام ایدر ؛ حجمك تزايدی ده ،  
 مصارف انشاییه پی آرتیریر ؛ بوسورنده ، یاطورپیدو مراکبنك  
 عددی — که بونلرک کفایت حریه لری ، مهم بردرجه ده عددآ  
 فضله لقلرینه متوقفدر — تنقیص ایدلک ویاخودده بحریه نظارتنك  
 دست تصرفنده بولونان مبالغك بیوک برقسعی بوجهته تخصیص  
 اولونمق اقتضا ایلر .

مرتبانتك ده عینی وجهله آرتمسی ، بشقه برمصرف قپوسی  
دها آچار ؛ اولدجه واسع برساحه حرکات اختیار وانتخاب  
نتیجه سی اوله رق لزومی تحقق ایدن وطور پیدو مراکبه رفاقت  
ایله ین کیلرده یاره ایله تدارك اولونور ؛ احتماله بونلر ایچون  
بیوک برمباغ ایستر . بوجه ایله اصل آچیق دکر دونانماسنك  
محافظه وادامه حیانه تخصیص ایدمك لازم کان یاره دن ، قوه  
حربیه نك محدود وخصوصی برخدمت حربیه دن فضله برشیئه  
یاره یه میه جفی مسلم اولان برشعبه سنه صرف ایتمك ایچون دها  
فضله تنزیلاتده بولونیه جقدر . زنکین برمملکتك ، هر ایکی  
جهتک مطالبه کافی یاره بوله بیلمسی ، بومحدوری دفع ایتمز .  
پارمك بولانی ، اسراف ایچون هیچ برمعذرت تشکیل ایده مز ؛  
سقیم وغیر سالم بر اصول سوق الحیشینك تشکیل ابتدکی خطای  
فاحش ، مسئله مالیه دن کلیاً آبری برشیدر .

موضعی مدافعه سابعه ، مدافعه بحریه نك اخذ ایده بیله جکی  
اك ضعیف بر طرز وشکلدن عبارتدر . حالوکه سوق الحیشك  
غایه سی ده ، قبول ایدیلان هر هانکی بریلانده ، بونك اك متین  
طرز وشکلنی داخل حساب ایتمك اولمالیدر .

ساحل مدافعه سنك ماهیتی حد ذاتنده بحر بدر - دكز  
آشوب كلن و برملتك ممالكنه توجه ایدن هجوملره قارشى تأمین  
محفوظیت ایدیه بیله جك ساحل مدافعه سنی ترتیب و تنظیم ایتك  
ایچون اشبو حر كاتك ایلك صفحه لرینك حد ذاتنده حائر اولدینی  
ماهیت بحریه تقدیر ایدلك لازمدر .

مهاجمك ایلك هدف مقصودی ، یابر استیلا اردوسنی  
ویا خودده مهم بر قوه اخراجیه بی ایکی مملكت اراسنده بولونان  
دكز ساحه سندن طوغری نقل و سوق ایتك اوله جقدر .  
مهاجم ، بونكده ، جبراً اجرا ایدلك لازم كلدیكنه قائل  
اوله جقدر . بونی ، نمایش قاعده سنه توفیقاً - یعنی ، مدافع  
دونانمانك هر هانکی بر قسمنه كورونمندن كچوب كیدرك - اجرا  
ایتك اوزره تشبثانده بولونیلمش اولسه بیله مهاجم قوه سفریه نك  
بعضی مرتبه مظاهرت بحریه دن مستغنی اوله جفی تصور ایدیه مز .  
قوه سفریه ، نه مرتبه جسیم اولورسه ، مظاهرت موقعنده  
بولونان قوه بحریه مقدارینكده اودرجه مهم بولونماسی ملحوظ  
ظدر . بناء علیه ، مدافعلك ، مهاجم دونانمانی مغلوب ایتك  
اوزره بتون غیرت و مساعیلرینی جمع و صرف ایتسی تحت  
وجوده در .

دشمن دونانماسی ، دوچار انهزام ایدیله جک اولورسه ،  
استیلا تصوراتی ده صویه دوشه جکدر .

برمملکته ، دکز آشوب کان کوچک وحدذاتنده مهم  
هجوملر دخی ، دکز محاذله لرله منع وتوقیف اولونه بیلیر .

اولدجه بیوک برقوتک عجولانه هجومنه مقاومت ایده میه جک  
بر موقع ، محفوظیتی ایچون بتون ترتیباتک ترک واهالنه مانع  
اوله جق درجه لرده حائز اهمیت اوله بیلیر . بیوک بحری بر  
دولتک ساحلارنده بوقیل متعدد موقعلر بولونه جقدر . بونلر ،  
برمهاجمی جالب وجاذب بر ماهیتده بولوندقلری ایچون بوکی  
تصمیمات و تصوراته قارشی امکان دائره سنده امین بولوندر .  
لما لیدر . امنیت لازمه یی بخش ایتک ایچون اک ضعیف طرز  
مدافعه دکل ، انجق اک متین شکل مدافعه استعمال اولونمالیدر .  
یوقاریده ، مدافعه بحریه نک اک ضعیف شکلی ، موقعی مدافعه  
اولدیغنه اشارت ایدلمشدی : حالبوکه اک متین طرز مدافعه  
دخی ، انجق معنای حقیقیسیله سیار بر آچیق دکز قوتی استعمال  
واستخدامیله کشف وتعیین ایدیله بیلیر .

قره لره قارشی اوافق تفک هجوملر — تحت تهدیدده بو

لوندیریلان برملسکتک بتون قره مدافعه سنه مخصص قوتی زبون  
ایتمکه معطوف اولان اک بیوک مقیاسده برحرکت عسکریه دن  
عبارت بولونان بر استیلای واقع ایله قره یه قارشى اجرا ایدیلن  
مهاجمات فرعیه اراسنده کی مهم فرقه اشارت ایتمک موافق  
اولور .

استیلایه قیام ایدن قوه سفریه یه رفاقت ومظاهرت ایدن .  
بول آچان دونانما ، قطعی بر هزیمته دوچار اولورسه ، آرتق  
استیلادن خوف وانديشه یه او قدر محل قالماز . بویله برحرکت  
جسیمه اعتباریله حرب ، ختام بولش اوله جقدر . استیلایه  
قیام ایدن طرف ، استیلا تصور لرینک مبنی علمی اولان حاکمیت  
بحریه بی غائب ابتدیکندن آرتق بو جهتدن هیچ بر موفقیت  
مأمول ایده مرز .

صنف ونوعی اعتباریله باشقه اولان هجوملر ایچون ایسه  
حال ، بویله دکلدور . بوقیل هجوملر ، یا آیری آیری هزیمت فعلیه  
ایله توقیف ایدیلر ، ویا خودده قوه فاتحه اظهاریله ، مع  
مافیه بونلردن برینک منع وتوقیفی ، تشبثات سائرهنک ده منع  
وقوعنی ایجاب ایتدیر مرز . دشمن ، بوقیل برحرکت حریه یه

بر قسمی تخصیص ایدہ جک قدر قوتہ مالک بولوند قجہ دم، بونلرہ قارشى احتیاط وبصیرتدن آبرلماق کرکدر . بر حرب بحری اناسنده سوق الحیشجینک دوش غیرتنه یوکلہنن وظائف متبادیہ دن بری ده : اشبو تیقظاته نصل بر شکل حقیقی ویریلہ جکنى تعیین ایلہ مکدن عبارتدر .

مدافعک قوۂ بحریہ سی ، مقصدینى موقع فعلہ ایصال ایدہ . بیلیمک ایچون کندیسنى اینی بر مدت اویالایه جق قدر واسع بر ساحله تجاوز نیتندہ بولونان مخاصم فیلویہ دائمی بر تماس تأمین ایدہ بیلہ جک ویا رجعت ویاخودده وسائط سائرہ ایلہ کندیسنى تحت امنیتده بولوندیرہ جق بر قوۂ کافیہ چیقارہ بیلہ جک وجهله توزیع و تقسیم ایدیلہ جک اولورسه اشبو وظیفه موجب ممنونیت بر صورتده ایفا ایدلمش اولہ جقدر .

بناءً علیہ ، قرمیه قارشى یاییلہ جق اوفاق تفک هجوملردن — که بونلرہ بعضاً آقینلر دینیر — فعلاً محفوظیت ، مراکب مخصوصه دن متشکل مدافعه موضعیہ به دکل ، انجق موضعی اولہ بیلن متوسط قرہ مدافعه لرینه علاوه آلوریشلى بر آچیق دکز دونانماسنک صحیح وسالم بر طرزده توزیعات و تشکیلات سوق الحیشیه سنه عرض احتیاج ایدر .

متوسط قره مدافعه لری - متوسط قره مدافعه لرینک ثابت  
 تحکیمات ویا بطاریه لردن متشکل اولماسی ضروری دکلر .  
 در عقب حرکت ایتدبر یله بیلن طویلرله مسلح سیار مفرزه  
 عسکر یلر ، عمومیت اوزره ، بحری بر مهاجمه قارشی ثابت  
 استحقاکلردن دهها مدھش بر تأثیر ابقاع ایلر . حالبوکه ،  
 استحقاکلر ، کرک کندیلر یی و کرکسه براکنده طوپ و طو -  
 پجیلری ، قره یه سوق اولنه سیله جک بر قطعه عسکر یه نك هجوم  
 وصولتدن صیانت ایتک اوزره متوسط حجم و مقدارده ستر  
 و محافظه قوتنه عرض احتیاج ایدر ؛ هم ثابت و همده سیار  
 مدافعه لر ترتیب و تشکیلی ، اکثریتله ، بی لزوم بر ایکیزلک  
 ماهیتنده بولونه جقدر . محتمل بر هجوم بحری یه قارشی ثابت  
 و عاقل مدافعه ، عملیانه دائمآ ، بر طاقم ترتیبات و تنظیمات محافظه  
 کارانه نك قبولنه سائق اولمشدر : مثلاً ، بطاریه ، دمیر بر یی  
 مدافعه ایدر ؛ پیاده ، بطاریه یی مدافعه ایدر ؛ تحت البحر  
 لغملر ، مدخلی قبار ؛ پروژکتور ایله سریع آتشیلی طویلر  
 ثابت طور پیل ساحه سفی . مدافعه ایلر ؛ سیار بر قوتده ، پروژ -  
 کتور لر ایله سریع آتشیلی طویلری قورور . بعضاً اھال ایدیلن

آجیق دکره مخصوص قوه بحریه دخی ، بونلرک هپسقی تحت حمایه سندره بولوندير .

مستملکک مدافعه سی نه دیمکدر ؟ — خارج وطنده بولونان مستملکاتک مهاجمات بحریه قارشى مدافعه سی هر نقدر حرب بحرینک بر شعبه مخصوصه سی ایسه ده ، بعضی خصوصاً تنجه ساحل مدافعه سیله صیقى بر رابطه یی حائر بولونور .

بوکی مستملکات بعیده یه قارشى واقع اوله جق هجوملر ، عمومیت اوزره ، دکر آشیری اوله جق و بونلرک صوک درجه لرده دوچار مشکلات ایدیله بیللمسی و یا تماماً منع اولونه بیللمسی وسائط بحریه ایله امکان پذیر اولمش بولونه جقدر .

بر حرکت حربیه ایقاع موانع و مشکلات ایتمک ، علی الاکثر بونک ترکنه میدان آچار . جدی بر تشبثک مستلزم بولوندینی مسئولیت ایله قارشى قارشى به کلنجه موانع و مشکلاتی کورمک و حق بیوتکم قطرت بشریه اقتضاسننددر . حربده اک آرزو تهلیکه عرض ایدن جهته تمایل ده ، ینه اکثریتله انسانلرک مقتضای طبیعتلریدر . بناءً علیه مشکلات عظیمه یه تصادف ایتمسی محتمل اولان بر حرکت حربیه یه ، موقع فعله وضعی ، ده

بیوک قولایاق وعد ایدن دیگر برندن دها آز تشبث ایدلمک  
احتمالی وارددر .

دشمنک ، قدرت و قابلیت تشبثیه سی اگلاشلمدن بوجهته  
کوکنمک ، این بر حرکت اوله ماز ، موضوع بحث اولان نوع  
وماهیتده بر قوه سفریه نک تشبثاننده تماماً منع ایدلمسی ایچون  
هر درلو غیرت و مساعی معقوله صرف ایدلمه لیدر . بونی منع  
ایتمک ایچون اک مکمل واسطه ، مهاجماته معروض بولونان  
مستملکه بعیده یه اک متین جنسندن مدافعه بحریه تأمین ایتمکدن  
عبارتدر .

بالطبع مدافعه موضعیه ، بحثدن خارج بر اقامامشدر .  
آیر یجه سیار قره مدافعه سنهده لزوم کوروله جک واحتمالکه  
مهاجمک قوه محتمله سیله متناسب اوله جق بر مقیاسده ثابت  
قره مدافعه لرینه دخی احتیاج مس ایده جکدر .

قابل استحصال اولان اک قطعی بر حاکمیت بحریه سیله منفرد  
سفائن ویا کوچک کوچک فرقه لرك اوتوده بریده طولاشماسنی  
منعه قدرتیاب اوله مدیفندن مدافعه موضعیه مقیاسی ، بوقیل سفائنندن  
وارد اوله سیله جک هجوم و صولت لری دفع ایده سیله جک مرتبه لرده  
بیوک طوتولمالیدر .

دشمنك بويله بر موقعه هجوم تشبثاتيله ديكر طرفك مدافعه ترتيبان ، اصل تهديد ايديلن ليئانك اهميته وابسته در . بويله بر موقعك ضبط ويا تخريخي ايله حربك جريان عموميسي اوزرنده هيچ برتأثير حاصل اولوب اوليه جني ده درپيش تأمل ايدلك اقتضا ايلر .

متشبت وجوال بر مخاصم و بوراده كائن تأسيسات بحريه يي ضبط ويا تخريب ايدمه جك اولورسه بونلر ك خصوصات حربه ايچون لزوم وفائده سني تنزيل ايتك اوزره باشقه اصولره مراجعت ايدمه جكددر .

بونك ايچون ، اول امرده بوراسنك ، حيات و ثروتنه مدار اولان خارجله علاقه بحريه سني قطعه تشبت ايدمه جكددر . بوده ، انجق وسائط بحريه ايله سايج مدافعه موضعيه ترتيباتنك منزلي خارجنده مكملاً اجرا اولونه بيلير . بويله بر خصمك افكار و مقاصديني ذبر و ذير ايتمه نك الك اي چاره سي ، بوكا مناسب بر آجيق دكزدونانماسيله قارشى كلمكدن عبارت اوله جكددر .

تجارت مدافعه سي — بر حرب بحريده تجارت مدافعه سنك ايتنا ايتديكي اساسلر ، شعبات سائر سني اداره ايدنلر دن باشقه

بر مایته ده دکلدر لر . بونلر خطوط مواصله یی گشاده بولوندر بر مق  
لزومنه مبنی بولونور لر .

خطوط مواصله بحریه — اوزوندر و بعضاً بیکلرجه میل  
امتداد ایدر و هر هانکی بر نقطه سنده بر کسیکلک ، بر فاصله  
حاصل اولونجه گشاده بولونمقدن بید قالیر . اوزون بر خط  
اوزرنده کائن کیف ماتفق هر هانکی بر نقطه نک ساحه مانعه اولماسی  
ملحوظ دکلدر . بر قوه مدافعه نک حرکات و تشبثاتندن مستقل  
اوله رق حد ذاتنده پک سهولتله سکنه و مانعه یه معروض بولونه حق  
نقطه لر ، بالقیاس ، آذر در .

اساساً سکنه دار ایدملری اوقدر قولای اولمدینی حالبه ،  
متشبت و فعال یر دشمنک اجرا آتنه هدف اوله بیله جکلرده ، نسبه  
معدوددر . دیگر بعض نقطه لرده واردر که بورالرک کسیکلک  
حاصل ایتک مشکل اولمقله برابر بویه بر شیئه قیام ایدلسه بیله  
دکرسز نمره لر ویرر . اکثر و خصوصیه الک اوزون خطوط  
مواصله ، اوج قسمه آیریه بیلیر ، بونلرده : اولاً سکنه یه معروض  
بولونان ، ثانیاً سکنه دار ایتک اوزره واقع اوله حق تشبته  
بعض مرتبه مشکلات ضروریه عرض ایدن ، ثالثاً خصمک

حرکاتنه ایقاع ایدہ جکی مشکلات دہاجدی وفائدہ محتملہ سی  
 یک آژ اولاندن عبارتدر . اشبو قسملدن بہرینک ماہیتی، اول  
 امرده، حال موقعدن تولد ایدر .

تجارت مخربلرینہ الیریشلی اولان تجارت یوللری اقسامی —  
 تجارت خطی ویا یولنک بر قسمی ، دشمن قرووزرلرینک،  
 جیقوب تجهیزات ولوازم ضروریہ ایچون عودت ایتدیکی لیمانلر  
 جوارندن کچرسہ . بوقسمنہ نظراً مذکور طریق تجاری ،  
 سکتہ دار ایدلمکہ مهم برصورندہ تسہیلات کوسترمش اولہ جقدر ،  
 چونکہ ، مهاجرلر ، درعقب بوقسمہ واصل اولور ، بورادہ  
 نسبتہ اوزون برزمان قالیر ؛ کری دونوشلرنده کندیلریلہ ذخی  
 لیمانلری آراسندہ قیصہ بربول بولوش اولور .

مخرب قرووزرلرک مواد احتراقیہ قدرت تحملیہ لرینہ نظراً  
 قاچ کون خارجدہ قالہ بیلہ جنگلرینی حساب ایدیگز ، کورور -  
 سکزکہ ساحہ تخریباتلرینہ کیدوب کلک ایچون بہ قدر قیصہ  
 بر زمانہ احتیاج کوروروشہ ، تجارتہ ایصال خسار ایتک  
 خدماتیلہ او قدر قضلہ مشغول اولہ بیلہ جنگلردر .

تجارت خطنک بوقسمندن چوقاق کیلر کچیوروشہ ، تجارت

مخربى ، شرائط واحوال طبيعىه نك مساعده سنه مظهر بولونمى  
اوله جق وبو صورتله مخاصميه توجه ايدن فواندى اخلال  
وسكته دار ايتك خصوصى ده ، تجارت مدافعنك وظيفه  
اصليه سنى تشكيل ايدم جقدر .

بونى ياپمه نك يكانه يولى ، بو صورتله مخاصم طرفندن استخدام  
ايديلن قرووزرلك فعاليتنى سكته دار ايتك اوله جقدر .  
بوايشك باشارلماسى ده ، اشبو قرووزرلى ، مصادمه سوق  
ايتك ويا مغلوب ايله مك ويا خودده بونلرى تجارت كمپلرلى  
يقالامقدن زياده كندى سلامتلىرى دوشونديره جك برحاله وضع  
ايتكمه ممكن اوله بيلير .

تجارت مدافعه سنه تخصيصى ايديلن سفان حربه نك ،  
اجرا آت تخريبكارانه قيامه وقت بوله مدن يعنى ليمانى ترك  
ايدر ايتمز مخاصم قرووزرله ملاقى اولوب مغلوب ايدم جك  
برصورتده توزيع و تقسيم ايدلمى مطلوب و ملتزمدر . بونك  
عدم امكانى تقديرنده ، مدافعلر بالفعل طريق تجارى اوزرنده  
كورونمكمه اساسلى خدمتلىر ايضا ايتمز بولونورلر . مع هذا ،  
بونلرك هدف مقصودى ، دائما تجارت مخربلىكى ايدن سفان

اولمالی و بو خصوصده تحریات متادیه اجرا ایدله لیدر . بالطبع مدافعلمرده ، دیکر لر ی کبی مواد احتراقیه قدرت تحملیه سنه متعلق احوال و شرائطه تابع بولونمقله طریق تجارتینک احساس قسمی ، تجارت مخربلرینک اس الحرحه لر ی ، کندیلرینک کیلردن ده ابعید اولدینی صورتده اشبو مدافعلمک فضلہ عددده کوندیرلمسی اقتضا ایلر .

تجارت مدافعه سنه مؤکل اولان دونانمانک کافی مقدارده قروووزلری بولونه حق اولورسه ، فائزیت مطلوبه ، مناسب برکشت و کذار و مناوبه منظومه سیله تأمین ایدیله بیلیر .

تجارت مخربلرینه بر درجه یه قدر الویریشلی بولونمایان طرق تجارتیه اقسامی — محتمل اولان تجارت مخربینک ، پک آز سهولت جهتی کوره سیله جکی خط مواصله قسمنه نظراً ملاحظات آتییه وارد اولور : بوراسی ، قروووزلرینک ، قیصه رزماندن فضلہ قلماسنه مساعد اولیه حق مرتبه لمده لیانلرندن اوزاق و کندی لیانلرندن زیاده مدافعک لیانلرینه قریب اوله بیلیر : بوقسمدن سفائن تجارتیه نک مرور و عبوری ، انجق پک سیرک اولوب قروووزلرک ، قسم مذکور اوزرنده آذرب زمان

تأله بیلیملری سببيله تخریبات و اغتنامات کثرتلی اوله ماز . طوتیلان کبیرک لیمانه کوندرلمسی ، استرداد احتمالی تزئید ایدم جک مرتبه لرده سورکلی سیاحتلری ایجاب ایتدیرر . بونلر . هر نقدر شرائط ماهیتنده بولونورسده مدافع دونانما ایچون ، خطک بو قسمنده تجارتیه محفوظیت تأمین ایتک لزومنی مهمسه مه مک اولماز . بردشمندن متولد خسارات تجارتیه نک بالواسطه واقع اولان نتایجی ، بعضاً بلاواسطه اولاندن دها بیوکدر . بوصره لرده برقاچ کینک ضبطنه دائر ترشح ایدن خبرلر ، مدافعه بحریه نک کفایتی حققده پرورده ایدیلن امید و امنیتی سلب ایدر ؛ سیغورطه فیأتلری پک زیاده فیرلار ؛ موضوع بحث اولان تجارت ، بالفعل واقع اولان غصب و اغتنامدن دها واسع برصورتده متأثر اولور .

تجارت خطنک اوچنچی قسمنه کلنجه ، بوراسنک ، مهاجم قرووزرلرک فعالیتته پک زیاده چپاریز کلکی و یامدافع طرفک سفائن تجارتیه سنجه اوغراق بریر اولماسی شرط اصلی تشکیل ایدر . مهاجم طرف ، تجارت اوزرینه بر هجوم ترتیب ایدرکن همان همان کمال امنیتله دینه بیلیرکه ، غیرت و مساعیدنک توجیهنده

اك بيوك احتمال موفقيت عرض ايدن وموفقيت حالنده انك  
 زياده فائده تا مبن ايله ين محله هجوم ايتك املنى تعقيب ايدم جكدرد .  
 تاريحك بو خصوصده كي تلقيناتي ، شونتيجه يه دلالت ايدرد .  
 تدافعي ترتيبات بحريه نك ، مدافعه جهتيه تصادف ايديان مهالك  
 ومشكلات بك عظيم اولمديني تقديرده حركت خصمانه دن بك  
 متأثر اولان برخط مواصله نك اقسامى اوزرينه مخرب دشمن  
 قرووزرلري طرفندن تصميم ايديلن حركانك اجرا سنه مانع  
 اوله جق مرتبه لرده مؤثر بولونديني يرده مدافع طرف تجارتنك  
 دوچار اولديني خسار وزيان آز اولمشدر . نتيجه نك بوصورنله  
 تحقق ايتديكي يرده مدافع دونانما دخي ، نسبه قوي وقادر  
 بولونمشدر . قوت وقدرت ، باشلى باشنه مؤثر دكلدر . بونك ،  
 اب پلانلرله مترافق بولونماسى شرطدر .  
 امريكا استقلال حربنده انكليز تجارتي بك زياده خساراته  
 گرفتار اولمشدى . انكليز دونانماسى قوتلى ايدى ؛ فقط .  
 عاقلانه استعمال ايديله مه مشدى . يدي سنه حربنده ، انقلاب  
 وناپولئون دووينك فرانسه سى طرفندن كيريشيله ن مجادلات  
 مديده ده ، ۱۸۱۲ حربنده ، انكليز تجارتي انجق اوافق تفك  
 خسارلره اوغراماشدى — بو حال ، معقول اوله رق اداره  
 ايديلن قوه بحريه سنك سطوتندن نشأت ايله مشدى .

## التنجی باب

### حرکات مشترکه

حرکات مشترکه ، نقلیه سفائی ایله نقل وسوق ایدیلم  
 وپواننده برقوة بحریه ایله حمایه ومحافظه آلتنده بولوندریلان  
 قوای عسکریه واسطه سیله اجرا ایدیلم . بوقییلدن الک بیوک  
 برقوة سفریه ، دشمن مملکتی استیلا ایتک اوزره ترتیب  
 ایدیلمدر . دها کوچک مقیاسده بولونان حرکات ایله دشمنک  
 آز جوق منفرد ومتفرق موافقی ، بعضاً بوراده بارینان کیلیری  
 یقالامق قصیدیه هدف هجوم اتخاذا ایدیلمه بیلیر . ویاخود  
 دشمنک ، تجارت مخربلکی ایدن قروزرلرینه خارجی وبعید  
 براس الحرکه اولمق اوزره تخصیص واستعمال ایتدیکی مواضی  
 هجوم ایله اشغال ایتکده موافق و مناسب اوله بیلیر ویاخودده  
 برنیمان ، اشغال ایدن طرفک صرف کندی آمال ومقاصدینه کوره  
 قوللانسی ایچون ضبط ایدیلمه بیلیر . بوقییل قوۋه سفریه لرك  
 کیت وجسامتی ، تصادف ایدلمسی مأمول بولونان مقاومتک  
 درجه سنه وبویله بر مقاومتی کسر ایچون اقتضا ایتدیکی تخمین

اولونان عسكرك مقدارينه تابع اولقى اوزره مهم بر صورتده  
تخلف ايلر .

اخراج قطعاتى — قرهيه عسكرا اخراجى حرکاتى  
کافهسى ، مشترك بر قوه سفریه لزوم واحتياجى ضرورى بر  
شکله وضع ايتمز . نك برکيدن قرهيه سوق ايديلن بر اخراج  
قطعهسى ، بر اشارت استاسيوننک مدافعه سنه مأمور بولونانلرى  
قهر و تدميره قادر اوله بيلير ، بوقيلدن اولقى اوزره ، بر فيلونک  
قرهيه دوکوبيله چكى اخراج قطعاتى ايله بحرأ واقع اوله بيله چک  
مهاجمانه قارشى محفوظ و امين بولونان غير مستحکم بر ليانه  
التجا ايتمز بعضى طور پيدو مراکبى تخریب ايتک ممکن  
اوله بيلير . کى و يافيلو اخراج قطعاتى ، مشترك بر قوه سفریه دن  
تفريق و تمیز ايدن شرائط عموميه ، قرهيه دوکبان قوتک ،  
ساحله قالمق مجبوريتنده بولوندينى زمانک طول و امتداددن  
عبارتدر . دشمن دونانماسنک اولدجه مديد بر عطائى کسديرلمدن ،  
مرتباتک بر قسم مهمنى قرهيه چيقاروب بر قاچ ساعتدن فضله بر مدت  
براقى بر بحريه ضابطى ايجون پک کستاخانه بر حرکت اولور .  
عجولانه موقع فعله وضع اولونه بيلمکه مساعد اولان حرکات

حربيه ، جريان حرب اوزرينه همان همان هېچ رنفوذ حاكمى  
اولمايان اوراق تفك باصقین حرکاتلریله صیقى صیقى به علاقه دار  
بولونورلر .

مشترك قوه سفریه لرك سوقنه دخل وتأثری اولان عوامل  
مؤثره — مشترك قوه سفریه نك سوق ویا عدم سوقی عقده سنی  
حل ایده بیله جك کیفیت ، موقعك قیمت واهمیتی — بوراسنك  
ضیاعیه ، دشمنك مقدرات حربیه سی اوزرینه واقع اوله جق  
تأثیرات ایله برابر سوق ایدن طرفه ، موقع مذکورك اشغالیه  
ترتب ایده جك وفائده — قوه سفریه ایچون ایجاب ایدن قوای  
عسکریه نك ، حربك حرکات سائر سندن آلیقونمسی امکانندن  
عبارتدر . حسیات صمیمیه ملیه ، حربده اك مهم بر عامل  
مؤثردر . حدی و حقیقی بر سوق الحیشیجی ، بو خصوصى اھمال  
جراآنده بولونه ماز ؛ مع مافیه ، نتایج سوق الحیشیه سنی تقدیر  
ونعین ایتمدن بر قوه سفریه نك سوقنه منجر اولدینی ایچون  
— بعضاً واقع اولدینی کبی — اداره باشنده بولونان سیاسيونك وصایا  
وتلقیناتی ، حسیات ملیه نامنه قیل وقاله قایلان جاهل لاجبیلرك  
یاغیره لرله قاریشدر مامغه دقت واعتنا ایتك لازم کلیر .

دکز آشیری بیوک بر قوهٔ سفریه سوقی ایچون شرط اساسی ، حاکمیت بحریه در . سوق الحیشک اشبو اساسی ، دگز و دکز متعلق اموری آکلایه حق مرتبه اکتساب و قوف ایتش اولانلرک کافه سنجه و بعضی ممتاز عسکرلر جهده مقبول و مصدق در .

ناپولئون ، انکلتزینی استیلا ایتک اوزره واقع اولان بر تشبثده موفقیت ایچون حاکمیت بحریه نک بر شرط اصلی اوله جفی ادراک ایدوب بوقناعتی محافظه ده تردد بیله ایتدی . ناپولئونک فرق ایده مدیکی و یاخود موقع فعله قویمق ایچون وسائط اجرائییه سنه مظهر اوله مدینی شی ده : اشبو حاکمیتک طوغری و معقول بر صورتده استحصالی اصولی ایدی .

سوق الحیشجیلری ، دکز اشیری استیلایه اجبار ایدن قوهٔ سائقه ، مادی وقوی بردشمنه ، عمومیت اوزره یالکز وسائط بحریه ایله قابل اجرا اوله بیئلردن دها زیاده ضررلر ایقاع ایتک عزم و قصدیدر .

بر بحریه ، نه اهالی به ونه ده اهالی بی اعاشه ایدن مملکته قارشو اجرای حرکات ایده مز ، حالبوکه علی العموم حربده نتیجهٔ قطعیه ، بوقییل حرکات ایله تحقق ایدر . بر بحریه ، یالکز

دکز اوزرنده ایش یاپار ، دکزدن کچن دونانماره ، تجارت  
و خطوط مواصله قارشی اجرای حرکات ایدم بیلیر . بناءً علیه ،  
بر بحریه ، یالکز خطوط مواصله سنک محافظه و ادامه سی  
خضمتک - نربه دوامی ایچون ضروری اولدینی احوال استثنائیه ده  
نتیجه قطعیة حربک تحققنه سببیت ویره بیلیر . رفاهیت و حتی  
موجودیتی دکز طریقله کلن امتعه نك دخولنه باغلی بولونان  
آطه لی بردولت ، دونانماسنک عدم کفایتی تقدیرنده ، سواحانه  
تک بر عسکر بیله چیقارلمه دن دشمننک ارزو ایتدیکی وجهله  
عقد صاحجه اجبار ایدیله بیلیر . بو حال ، شاذ و مستثنادر ؛  
اکثریتله ، دول بحریه نك قطعوی اولمسی سببیله بونلره قارشی  
قطعات نظامیه چیقارلمدجه ضبط و اشغال خصوصی درجه  
استحاله یه چیتار . بناءً علیه ، بونلرک ، هر هانکی بر مستولی  
نی دفع و طرده قادر اوله بیله جک بر قوه بریه مالک بولونمالری ،  
کندیلری ایچون وجوب قطعی تحتنده در .

سوائق تاریخیه نك تدقیق و تبعی ایجاب ایدر — تاریخ  
حرب ، مشترک قوه سفریه لره متعلق امثله عیدیه کوستریر .  
بونلر ، یالکر ترکیباتنک تفرعانه و صور اجراییه سنه نظراً

دكل آيريجه ده بر حرب و يابر سفر اوزرينه اجرا ايتدكلري  
تأثيرات عموميه لرينه كوره تدقيق و تتبع ايدمله ليدر .  
بويله بر تدقيق ، مهاجمك موفقيتي ايجون لابد و ضروري  
اولمق اوزره تلق ايدملك لازم كلن بعض شرائط معينه نك انكشافه  
خادم اولور .

موقعك منابعي ، طبيوغرافيا سني و مدافعه ترتيباتي لايقي  
وجه اوزره بيلمك اقتضا ايلر . قوه مهاجمه نك قدرت و سطوتی ده ،  
مدافعلك قوتی مهم بر صورتده آشمق كر كدر : مهاجملر ،  
مدافعلك اوج و يادرت مثلي قوتده بولونمديني تقديرده علي -  
الاكثر قوه سفریه محكوم عقامت اولمشدر .

موفقيتله هجوم ايديلن بر محلك اشغالي صددنده مرور  
ايدمك زمانك طول و امتدادی ، كمال دقتله تخمین و حساب  
ايدمله لی ، متعاقباً لزومی حسن اولوندجه ، حواش ضروريه  
وقواي معاونه تأمینی ضمنتده ياييله حق ترتيبات دخی اولدن  
دوشونيلوب حاضر لانماليدر . آيريجه ، مظهر موفقيت اولمديني  
تقديرده بر قوه سفریه نك نه وجهله استعمال و استخدام ايديله چكي  
خصوصی ده ، بويله بر ايشه تشبث ايتدن اقدام دور و دراز  
درپيش ايديلوب تقرر استديرلك ايجاب ايدر .

مشترك قوه سفریهلر ایچون مقتضی پلانلر — بتون بو شیلر ، حرکات تحریبه لایحه سئك مشترك قوه سفریهلر ایچون مقتضی پلانلره شامل اولماسی لزوم واهمیتی اظهار ایدر . بر بیوک حربده ، اردو ایله دونانما اراسنده حرکات مشتركك كثرته وقوعی ضروریدر ؛ حرکات مشتركك نه زمان واقع اوله جنی اولجه دن محتمله کسديريله ميه جکندن ده ا صلح زماننده مرتب پلانلره مالکیتك لزومی میدان چيقار . بولانلرك ده احوال و شرائطك ایجاباته کوره آتی وسریع بر تعديله مساعد اوله جق صورتده ترتیب وتنظیمی اقتضا ایلر .

بحری وبری قوماندانلر اراسنده اشتراك حرکات — مشترك بر قوه سفریه تشکیلی ، امر و قوماندا اساسنه تعلق ایدن افکار ومطالعات محدودده نك انکشافه کوزل بر فرصت احضار ایتمش بولونور ؛ اشبو افکار ، عمومیت اوزره ، هیئت سفریه عسکریه نی رکیب ایدن قوا ی مشتركه نك نك بر قوماندان اداآره سنده بولونمسی سرکزننده در .

امرو قومانده ده وحدت ، شبهه سز ، بیوک بر شیدر ؛ فقط ، امور سائرده اولدینی کئی بونده ده تحدیدات واردر .

اگر وحدت ، تك بر قوماندانك ، احوال و شرائط مخصوصه -  
 سندن غافل و ذاهل اولدینی جهتله طاعیایر سه ، نه وحدت  
 نه ده امر و قومانده محافظه ایدیه مز ؛ چونکه جاهل بر قوماندان ،  
 کندی معلوماتنه مستند اولمق اوزره هیچ بر امر ویره مز ؛  
 بلکه مراجعت ایتک اضطرارنده بولوندینی متخصصلرک نفوذی  
 آلتنه کیرر . حالبوکه بوصوکره کیلر ، نتیجه دن مسئول  
 دکدر لر . بو حال ، قدرت حقیقه ایله غیر مسئولیتک امتزاج  
 واختلاطنه میدان آجان احوال غیر مرضیه باعث اولور .  
 مدیرانه بر اداره نك لازم غیر مفارقی اولان ارباب اختصاص  
 ایله استشاره دن محروم بر قره قوماندانی ، نقلیه سفائنندن  
 مرکب بر فیلونك لیمانه کیروب نه صورتله دمیرلیه جکفی ترتیب  
 وتنظیم ایتسی ، بر سنجاق ضابطنك بر اردوگاه تأسیسی اداره  
 ایله مسی درجه سنده معیتنده کی قوته کوره شایان ترحم و بردشمنه  
 نظراً باعث شوق و فرخ بر حال و منظره تشکیل ایدر .

اصل مطلوب ایدیلان کیفیت ، حقیقی و مؤثر اولمق ایچون  
 مجرد غیر متخصص بر امر و قومانده به انقیاددن يك باشقه بر  
 منبعدن چیقمق لازم کلن غایه و غیرتک وحدتندن عبارتدر .

مملکتک رأس اداره سنده بولونان حکومتک نفوذ آمری  
 حذذاننده امرو قومانده وحدتنه لازم کلن هر شیء تدارک  
 واحضار ایدہ جقدر . حالبوکہ صمیمی بر شیمہ اشتراک ، بر شعبہ  
 عسکریہ نک دیگریہ اتباع وانقیادنن پک زیاده موجب مو-  
 فقیت اولہ جقدر . اوتہ دہ بریدہ برینک حدود صلاحیتی ، دیگر  
 ینک کنی آشه جقدر . عسکرک ارکاب و اخراجی خصوصلرنده  
 بحریہ ویابریہ نک نفوذ آمریخی نرہ دہ باشلایوب نرہ دہ بیتدیکی  
 لایقی وجه اوزرہ کسدر بلہ مز و بوبابده بر قاعدہ عمومیه وضعنه دہ  
 امکان یوقدر . هرایکی طرفک تجارب فعلیه سی ، هر بر حالک  
 ایجابات مخصوصه سنہ نظراً بر حد فاصل ، بر فصل مشترک بولونمسنہ  
 خادم اولہ جقدر . شوجهت شبہہ دن آزادہ درکہ بواحوال ،  
 عسکر ، بر نقلیه کمیسنک کوکرتہ سنده کز رکن و یا فلک لزلہ ،  
 احتمالکہ ، مسافات بعیدہ دن نقلیه سفائنہ طاشینیر کن عینی  
 شکلدہ ظاهر اولماز .

## یدنجی باب

### استکشاف

استکشاف ، کندی قوۋۋ اصلیه سنک اشارت مسافه سی  
 خارجندن یعنی آنا فیلو ایله طوغریدن طوغری به مخبره ده  
 بولونه میه جق درجه لرده اوزاقدن راصد لر اعانه سیله بردشمنک  
 قوت و حرکاتنه متعلق معلومات جمع واستحصالی دیمکدر .  
 استکشاف ، خدمت حربیه نك بر شکل جدیدی اوله رق تاقی  
 ایدیلومز ، چونکه عینی مفهومی افاده ایدن کله ، برقاچ عصردن  
 بری مستعمل بولونمقده در . حد ذاتنده حرب بری اصطلاحاتندن  
 معدود اولان استکشافک بحریه اعتباریه موقع استعماله  
 وضعی ، دها صوکره لری واقع اولمش و مخاصم بر لیما نه تقرب  
 حرکاتنه ، مذکور لیمانده یاتان سفائن حربیه نك احوال  
 و مقدارینی کشف و تعیین خصوصاتنه تطبیق ایدلمشدر .

استکشاف ، بولردن دها فضله سنه شامل بولونمغله هر حالده  
 استقبالده اجرا و دوامی ملحوظ کورولمکده در . حال حاضر  
 اعتباریه استکشاف خدمتک اصول سوق و اداره سی ،  
 آله ایدیان معلوماتک وقت و زمانیه نقل و اخباری و سائطنه

متوقف بولونمق لازم کله چکی مسلمدر. اشارات قریبه مزلی ،  
برخیلی مدت ، برکینک طاشیدینی یلکن مقدارنده واقع  
اولان تبدلانک فرق وتمیز اولونه بیلدیکی مسافیه مقصور بولونیور  
وبوده طبیعتیه کوندوزین اوله بیلیوردی . بو منزل ، کیلره ،  
کیجه این شمشک اشارت لرینک آلتوب ویریه بیلیمسنه مدار اولان  
پروژکتور لر قونماسیله زیاده سیله آرتمش بولوندی ؛ بودن  
بشقه ، تلسر تلغرافک استعمالی ، بالفعل مخاره منزلنی . پک  
زیاده توسیع ایتدی .

وسائط مخاره خصوصنده واقع اولان اصلاحات و تعدیلات ،  
استکشاف اساسنی تبدیل ایتدی . و سائط مذکوره ،  
استکشافک یالکز داها واسع بر ساحة حرکاته شامل اولماسنه  
مدار اولدی . استکشاف اجرا ایتک ایچون ، حرکات و سکناتی  
حقنده معلومات ویرلک ایجاب ایدن دشمن قوتنک جوارینه  
کیتمک ، صبقی صبقیه ترصد ایتک ، هم قوت وسطوتی ،  
همده نیات و مقاصدینی کشف و تعیین ایلهمک اقتضا ایدر .  
بونی یابدقدن سوکرده معلوماته انتظار ایدن ضابط و یا قوت  
ایله مخاره ایدیه بیله جک بر نقطه عودت کرکدر .

فضائل انسانیته نک اهمیق — اول امرده نظر اعتباری

اشغال ایتمك ایجاب ایدن شی: بوایشده موفقیتك فضائل انسانیه یه —  
یعنی ترصد ایتمك ایجاب ایدن خصوصاتی تقدیر ایده جك قوه  
میزه ، دشمنك حرکت متعاقبه سفی کشف ایده بیایر اصابت نظر  
واستحصال ایدیان معلوماتك نقل و اشعارنده وضوح و صراحت — کبی  
وابسته بولونماسی کیفیتندن عبارتدر . اعتدال دم و جسارت ده  
لازمدر . خصائل مذکورہ نك ، نه درجه دقیق و اینجه اولورسه  
اولسون ، هیچ بروجهله آلات و وسائط میخانیکیه باغلی  
بولونمادیغنی ارئه ایچون تطویل کلامه احتیاج یوقدر . اك دقیق  
بربدیعه صنعت اولمق اوزره میدانه قونان برنلسقوب ، طوکوک  
بر آدمی نفوذ نظر صاحبی ، متلاشی وعصبی برکسین ، بصیرتکار  
ومدبر ، جینی جسور یا پامدیغنی کبی نه مرتبه مکمل اولورسه  
اولسون ، بویله بر قدرت تلسز تاغرافدهده یوقدر .

وسائط نقل و مخبردهده حصوله کلن تعدیلات ، بالفعل  
استکشاف عملیاتنك ، باش قوماندانك بولوندیغنی کمیدن بك  
ایلرلرده اجرا ایديله بيلمسی ممکن قيلمش وقوماندانك شمديلرده  
آزبر زمان ایچنده استحصال معلومات ایده بيلمسی تأمین  
اولونمشدر .

بوجهت مسلم اولمغله برار ، آلات وادوانك مكمليتنه  
امنيت واعتماد ايده بيله جكمز قبول ايدلسه بيله عيني ماهيتي  
وعيني مكمليتي حائر وسائطك هر ايكي مخاصمه ده بولونديغني  
فرض ايتمكه مجبورز .

بناءً عليه ، حرب بحرينك شعبات ساره سنده اولديغني  
كبي بوراده ده مجادله ، ذكا و عرفان بشرك مصارعهي صورتنه  
منقلب اولور .

ترتيبات اوليه نك لزوم واهميتي دركارددر — بالخاصه شمديلرده  
استكشاف ، مدققانه و قطعي ترتيبات اوليه مسئله سي شككنده  
تلقى ايدمله ليدر . آلات و وسائطك مكمليتي ، نقصان دوشونولمش  
وياقنا ترتيب ايدلمش براستكشاف پلاني بر حسن نتيجه يه ايصال  
ايدر طرز زنده بر اميده بل باغلاما ماليدر . بر پلان مرتببك پيش  
نظر بصيرتنده ائله ايتمك ايستديكي معلوماتك واشبو معلوماتك  
جمع و تراكميله كنديسنه نقل و ايصالى خصوصنده مرور ايدمك  
مدتك صريح و معين بر صورت ادراكيه سي بولونماليدر .  
ايش ايشدن كچدكدن سوكره ورود ايدن معلومات ايله تام  
زماننده آلتان و ماهيتي مشكوك بولونان اشعارات ، عيني  
درجه ده فائده واهميتدن عاريدر .

معلومات مطلوبه — لزومی کوروان معلومات ، دشمن قوتنك  
موضعی ، قوت وسطونی و حاله تعاق ایدر خصوصاندر. دشمن  
طویلومیدر ؟ طاغنیق میدر ؟ طاغنیق ایسه ، زرده ؟ نه قوتده ؟  
و مختلف فرقه لری نه صورتده ترکیب ایتشددر ؟ بتون دشمن قوتی ،  
بر آراده بولوندرلما یورسه ، بردن زیاده کشف سفینه سی  
قوللانیلمدینی صورتده بتون بومعلوماتك بردن آله ایدیله بیلمسنه  
امکان بولونه ماز . دکزده کورولدیکی صورتده دشمن سفائنك  
حال حرکته اوله جنی همان همان قطعیتله قبول اولنه بیایر .

مقاصد خصمانیه دلالت ایده بیله جکندن بونلرك حقیقی  
استقامت حرکاتلری کشف و تعیین ایتك خصوصی صوك  
درجه لرده حائر اهمیتدر .

بناءً علیه ، علی الاکثر استکشاف خدمتک، عینی زمانده  
مختلف و متعدد سفائنك یکدیگریله مربوطاً استخدامی استلزام  
ایده جك واسع و شموللو برایش اولماسی مأمولدر .

کشاف سفائنك اوصافی — اشبو سفائن، منفرداً قوتلی  
اولورلرسه ، غیبوتلرندن طولایی دونانمانك قوه کلیه سندن  
ایدیله جك فداکارلقده مهم اولمق لازم کلیر : فی الحقیقه اودرجه

مهم که ، هر قوماندانك دشمنله تماس تأمین صره لرنده قوتندن  
 تنقیصات اجراسنی حقلی اوله رق خوش کورمه مسی کیفیتی ،  
 طبیعتیله تأثیرینی کوستیر ، بالنتیجه ، غیرکافی مقدارده سفا-  
 نه استکشافات اجراسنه قیام ایدلمش اولور . بو حال ، کشف  
 سفینه ، بوصفدن مراکب متعدده نك غیوبتی منسوب بو-  
 لوندینی دونانانك قوت وسطوتی بالفعل تنقیص ایده بیله جك  
 مرتبه لرده بیوک بر قدرت حریبه مظهر ایدلمه ملیدر نتیجه سنه  
 سائق اولور . بونتیجه یه دیگر جهتلردن ده حق ویریلیر ؛  
 برکشاف سفینه نك هدف مقصودی ، معلومات صحیحه استحصال  
 ایدوب اخبار ایتکدن عبارتدر : عمومیت اوزره محاربه و مجادله  
 اونك صلاحیتی خارجنده قالیر .

کشف سفینه ، تأمین موفقیت ایتسه بیله بر مخاصم ایله  
 مجادله یه طوتوشدینی صورتده او قدر زمان غائب ایدر که بویوزدن  
 نتیجه استکشافاتی بیله هدر اولور کیدر .

بوصف کمیلرده سرعت عالیله مواد احتراقیه استیجایی  
 کیفیتی ، بردشمن ایله بوی اولچوشمك قابلیتندن دها زیاده  
 ملترم و مطلوب بولونور ؛ بونلرك اسلحه لریده کندیلمیخی ترصد

موقعلرندن تبعیده قیام ایدیهیله جک اوفاق تفک مخاصم کیلرینه  
فائق بولونه حق کفایتده ایسه آرتق بشقه برشیئه لزوم قالماش  
اولور .

برکشاف کینک قدرت حقیقه سی ، کندیسيله ملاقی اوله-  
بيله جک قوتلی مخاصم سفائنندن تباعد وفراره قابلیتنده مندیج  
بولونمالیدر . خصوصات حربیه ایچون یاییلمدینی حالدیه سریع  
السیر و بیوک مواد احتراقیه قدرت استیعابیه سنه مالک پوسته لر  
بولقی و بونلری اولدقچه آغیر طویلرله تسلیح ایتک قولای  
برایش اولدینی ایچون بالخاصه استکشاف خدماتنه مخصوص  
کیلر انشاسنک موافق اولوب اولمدینی مسئله سی ، جای نظر در .

هیچ برملتک بیوک بر حربه استعمال ایدیهیله بيله جک مقدارده  
استکشاف سفائی انشا ایتدیکی ویا انشا ایتک فکرنده بولوندینی  
عادتا واقع دکدر . بوندن اکلاشیلیرکه بو خدمتک ابفاسی ایچون  
قسماً سفائن تجاریهیه مراجعت ایتک لازم کله جکدر . حالبوکه  
صلاحته دار بعضی ذوات موافق کورولوب کیرالانان ویاصاتون  
آلان سفائن تجاریهیه بسبتون کوکنمه مک اینی برشی اوله میه جنی  
قناعتنی اظهار ایله مشلردر .

کشف تعرضی — قره‌ده کی کشف تعرضی به مقابل بر طرز استکشاف ، دکرده ده جاریدر .

بویله برکشف ، آنجق مخاسم قوای اصلیه ، اولدجه یکدیگرینه قریب بولوندیغی برزمانده وقوعه کلیر . بوتقدیرده استکشاف ، اوزاق مسافه لرده اجرا ایدلیوب بلکه بر مفرزه کافیه سوق واستخدام ایده بیله جک مرتبه ده یاقینده یاپیلیر . اشبو مفرزه دخی ، مخاصم دونانما ایله مصادمه تحققی ایتدن اقدم قوه اصلیه التحاق ایده بیله جک بر صورتده استعمال . واستخدام اولونور .

دشمنک تشبیهات مانعکارانه سنه رغماً برکشف خدمتک اکلانه مدار اولان قوت ، استکشاف سفائنک اسلحه سنده دکل آنجق بویله قوه الظهر اولان حرب کیلرنده مندمجدر . تاسر تاغراف ، هم استکشاف ساحه سی زیاده سیله توسیع ایتیش ، هم ده ترصد موقعنده بولونان کمیدن معلومات اخذ اولونه بیله جک مسافه یی فوق الحد تزید ایله مشدر . بو واسطه ایله ، یکدیگرندن یوزلرجه میل آجیق بولونان قوماندان ایله مترصد ضابط میاننده سؤال وجواب تعاطیسی امکان داخانه

کیرمش و بو حال ایسه ، اشعارات و معلوماتک تمامیت و صراحتنی  
تأمین و موثوقیتنی تعیین ایله مشدر .

شمدیکی حالده بر راصدک ، قوماندانه اخباراتده بولونمق  
ایچون بونک یالکیز برکونلک مسافه سنده کائن بر نقطه یه مواصت  
ایتمسینه لزوم و احتیاج واردر ، حالبوکه وسائط قدیمه ایله راصدک ،  
قوماندانندن بر ساعت قدر اوزاقده بولونان بر نقطه یه کیتمسی  
ممکن اوله بیلوردی . طوغریدن طوغری یه مخبره منزلی ،  
شمدیکی حالده اسکيسنک یکریمی مثلی و بایکده دهافضله ،  
آرتدی . بوندن صرف نظر ، استکشاف سفائنک ، تلسر  
تلغرافک دونانمالره قبول ایدله مش بولوندینی زمانلرده واقع  
اولدیغندن دهافزاده قوه اصلیه دن بعید مسافه لرده استخدام  
ایدیلوب ایدلیه جکی منازع فیه بر مسئله تشکیل ایدر .

مخابرات ایچون اويله برحد و یا منزل اولق لازم کلیرکه  
بونک اوته سندن نه مرتبه موجب مراق واستفاده اولورسه  
اولسون معلومات نقل و ایصالی ، حرک حرکات جاریه سنه  
نظراً بک آز بر قیمت عملیه یی حائر بولونور . وقت وزمانیله  
آلوب استفاده ایده مدکدن صوکره بردونانما قوماندانه ،

دشمنك احواله دائر معلومات ويرمك بيوك بر فائده تأمين ايدمه من . دشمننى بولوب محاربه ايتمهك عنم وجزم ايتمش ر آميرالك ، كنديسييله خصمى آراسنده محافظه يه غيرت واهتمام ايدمه جكي مسافه نك درجه سى ، مجرد بعض مرتبه تلسز آلاتنك كفايت نقليه سييله اداره اولونه جقدر .

بويله بر آميرال ، قاعده اشبو مسافه يي ، حربه متعلق احوالك ايجاب ايتديره جكي برحد معين تحتنه اينديره من ، اينديره سه ، دشمنك طور پيدو هجوملرني تسهيل ايتمش بولونور ، حالبوكه حربده صاقتمق ايجون صرف ماحصل غيرت ايديله جك برشى وارسه اوده : بوقيل طور پيدو هجوملريدنر . ديكر جهتدن ايسه ، كندى مقصدينه توافق ايدمه جك قدر ايركن اوله رق وقتيله دشمن ايله تماس تأمين ايدمه بيلمك ايجون قطع اولونمق ايجاب ايدن مسافه نك بك فضله تزايدينه ميدان ويرمه مليدر . حقيقت حالده ، كنديسنك دشمن قوتنه قريبت وبعدينى ، عموميت اعتباريله ، وسائط مخبره دن باشقه احوال وشرائطك تحت تاثيرنده بولونور .

اشبو وسائطده وقوعه كتيريلن اصلاحاتك ، حقى مكمليتك

هیچ بری ، قوتی ، داخلنده دشمنك هم فوق البحر وهم ده  
تحت البحر طور پید و مرا کبی بولونان منطقه به صوقان بر قوماندانه  
ضمان مصونیت تشکیل ایده مز . وسائط مذکورده ده کی  
اصلاحات ، مذکور قوماندانك کندی دونانماسیله محاربه به  
طوتوشمق ایستدیکی دونانما آراسنده کی مسافه نك — اوده  
متوسط بر حده قدر — ترایدینه مساعد بولونور . دشمنله  
تلاقی احتمالی تنقیص ایتدکجه ده بوکا برشی ضم وعلاوه ایده مز .  
بالفعل طوفریدن طوغری به محاربه وسائطنه مالکیتك ،  
حقیقه محاربه به عزمکار بر دونانمای مخاصمندن نه مرتبه لره قدر  
آجیق بولوندره بیله جکی خصوصی ، ماهیتی اوزره آنجق تجربه  
کوستره جکدر . بوراده سلامتله قبول اولونه بیله جک بر جهت  
وارسه اوده : تلسز تلغراف استعمالندن اکلاشیلان کیفیت ، اوپله  
میل جهتله مقدار مسافه قییلندن شیر اوله مدیغدر .

ملاحظات سالفه ، یکیدن یکی به میدان آلان وسائط مادیه نك  
ویا چوقدن بری استعمال اولونه کلن آلات وادوانده واقع  
اولان اصلاحاتك یاقین بر زمانده حربی تقلیب ایده جکنه ذهاب  
حاصل ایدن تمایلات جدیده حسبیله حائر اهمیتدر اشبو

نوظهور و یا معدل و سائط حربیه ، بعضاً احوال مخصوصه داخلند  
 يك زیاده حائر تأثیر کورولور .

فرضا حربده وقوع و تصادفی محتمل اولان احوال داخلند  
 - بوكی احوال ، عمومیتله جایگیر اولمقدن بعید بولونور -  
 طور پید و مدھش بر سلاحدرد . تلسزده ، عینی تحدیداته معروضدر .  
 شرائط معینه داخلند ، بوندن يك بیوك بر کفایت مأمول  
 اوله بیلیر . بردوانمانك خصمی طرفندن اشغال ایدیان بر موضعه  
 طوغری ایلر یلمسی حالنده بوسوکره کینك ، کشافلری اعانه سیله  
 قوۋه متقاربه نك احوال و حرکانه دائر متمادی استخباراتده  
 بولونه بیلیمسی ملحوظدر .

کشافلر ، کندی دونانماسندن ایکی یوز میل بعید بولونوبده  
 اون میل مسافه دن دشمنلری ترصد ایده بیلیر لسه مخاصم  
 دونانمالر ، دهاری برندن ایکی یوز اون میل آجیق بولونور کن  
 مخبراته باشلايه جقلردر .

بونلرده تلسز اجهزه سی بولونمادیقی تقدیرده کندی طرفلریله  
 قطعی بر مخبره تأسیس ایچون کشافلرک یوز طقسان میل قدر

کری به کیتمسی مجبوریّت تحتّمده بولونور. بوده، یکر می درت  
میلک برسرعتله سکز ساعتده قطع اولونه بیلیر .

تلسز تلفرافه مالکیت ، معلومات اخذی خصوصنده سکز  
ساعتلک بر فائده و تقدّم بخش ایتمز ، چونسکه ، قوه اصلیه ایله  
کشاف سفائن اراسنده پاساپاروله کیلری بولونمق لازم کلیر  
وبولونه جفی ده شهیدن وارسته در. معلومات ، اک سریع برکشاف  
سفینه دن ده ا پک چابوق اوله رق بونلر اعانه سیله نقل اولونه -  
بیلیر. آیریمجه احتمالکه قره تلفرافی ایله برلکده ساحل اشارت  
استاسیونلرندن ده استفاده اولنوب بوصورتله معلومات ایصالی  
خصوصنده مرووری ضروری اولان مدت پک زیاده قیصالش  
بولونور .

بووکا مماثل احوالده تلسز استعمالندن ، معلومات اخذی  
خصوصنده برقاج ساعتدن زیاده بر مقدار تعجیل استحصال ایدیله  
بیله جکنه قائل اولمق معقول بر فکر و نظره دلالت ایتمز .

حربده برقاج ساعتلک بر زمان بیله زیاده سیله حائر اهمیت  
اوله بیلیر . فقط بوقدر قیصه بر زمانک ، روش جریان مخاصماته  
قطعی بر تاثیر اجرا ایده بیلیمک امکانتی سلب ایده جک صورتده

ترتیبات عمومیه به توسل ایتمک ده مطلوب و ملتزمدر. دشمن ده،  
 عینی و یا بزم کی قدر مکمل وسائط مادیه به صاحب اوله بیلیر .  
 خصمک بونلری ، بزم کندیمزک کیلردن ایده بیله جکمز هر درلو  
 استفاده لری اخلاص ایتمک اوزره استعمال ایده جکنه انتظار  
 اولونمالیدر . صنعت حربک شعبات سائره سیله اولدینی کبی  
 بوراده دخی مهارت فائقه ایله برابر حرب بحری شرائطی  
 ده ازیاده صحیح اوله رق تعین و تقدیر ایده بیلیمک قدرتی ، مجرد عینی  
 درجه ده هرا یکی طرفک ده قوللانه بیله جکی وسائعه مالکیتدن  
 ده ازیاده شایان اهمیت و اعتبار اوله جقدر .

اختراعات حاضره منزل و مسافه سنی ، تربید ایده بیلیمش اولسه  
 بیله استکشاف ، اساساتی اعتباریله بو آنه قدر اولدینی کبی  
 قالب کیده جقدر .

اعتدال دم ، تدقیق و ترصدده اصابت و اعطای معلومات  
 خصوصنده و وضوح صراحت خصوصلری ، اولدن اولدینی درجه لرده  
 شمدی ده برر لازمه استکشاف اوله جقدر . بر آمیرال ایچون ،  
 اوصاف و مزایای مذکوره اعتباریله بر استکشاف مفرزه سی  
 قوماندانه نه درجه لره قدر کوکنه بیله جکی صحیح وجه اوزره

نیلمك ، اشبو قوماندان ایله اك دقیق آلات ایله تأمین مخبره  
ایده بیله جکنه واقف بولونمقدن دها زیاده حائز قیمت اولور .  
صلح زماننده استکشاف خدمتی قدر تمثیل و تقلیدی قولای  
بك آز حرکات حربیه واردور . بو خصوصده صیق صیق تعلیملر  
و ممارسه لر ، استکشاف اصوللاریله ضابطانك الفت و اعتیادینه  
یاردم ایتدیکی کبی بوکبی حرکات ایله مشغول بولونانلرك اوصاف  
و خصائلنه متعلق معلومات نافعه استحصالنده مساعد بولونور .



